

# ETHICA

Ex-tempore concinnata in publica  
Universitate Neapolitana

Ab A. R. P.

D. JOSEPH-MARIA  
A M A T I

Lectore Theologo Cælestino Ordinis  
S. P. Benedicti,

*De mandato Illustriss., & Rev. Dom.*

D. DIDACI VINCENTIJ  
V I D A N I A

Studiorum Præfecti, ac S. C. M. a Sacris  
Consilijs.

C O M P L E C T E N S  
PROÆMIALIA ETHICÆ, ET  
QVÆSTIONES

- I. De Felicitate.
- II. De Virtutibus.
- III. De Passionibus animi, elucidatis per  
Themata Concionum, quæ occur-  
runt in festis, & præcipuis diebus  
Quadragesimæ.

Neapoli Typis Antonij Abri 1721.  
Superiorum permisso.

*Regis & Sacre Societatis Jesu*



ILLUSTRISSIMO DOMINO

D. JOANNI FRANCISCO

V I N C E N T I

Serenissimæ Venetiarum Reipublicæ  
nomine Neapoli Residenti &c.

D. JOSEPH MARIA AMATI S. P.



*Lura sunt, Illustrissi-  
me Domine, quæ mei  
excitant animum,  
ac propemodum ur-  
gent, ad hanc tibi*

*Ethicam devovendam; præter enim  
tui animi equitatem, tui sangui-  
nis celsitudinem, tue patriæ nito-  
rem, id me super omnia devincit;  
quod æquum tibi comparaveris  
animum, non tibi ipsi confidens, ceu  
nequam Pelagius de Demetriadè*

A 2

*blasphè.*

*blasphemabat, sed gratie innixus  
caelesti, quæ ad cor loquitur singu-  
lorum.*

*Si adspexero animum, Etbi-  
ca, quæ animi passiones moderari  
conatur, tui currit ad sinum, quip-  
pe qui eas dumtaxat passiones ad-  
mittis, quæ modum servant, ac  
moderamen. Eo letata sunt mode-  
ramine, tum Gallia, tum Anglia  
in ablegationibus, queis es ibi per-  
functus, ut & Peloponnesi Regnum  
in pace compositum, te inibi Secre-  
tario belli: eo met moderamine  
mea gaudet modo Parthenope, eo  
ipse summè delector.*

*Si sanguinem retrospexero,  
Patris tui Antonij prudentia, qua  
Neapoli, & Mediolani pro Sere-  
nissima adhuc Venetiarum Repu-  
blicas Residens, nec non Ablegatus*

*Flo*



Florentiæ, ac Designatus pro Congressu Pacis Trajecti, Pacis, bellique negotia pertractavit, ad filij me alas provoluit.

Tui atavorum charitas, tuę patrię nitor me in tui admirationem extollunt.

Familia VINCENTI ex primoribus apud Lucenses Lucę in Thuscia, in Patritiorum illorum confessu aureis litteris exarata, conspicitur. Non imprudenter hoc factum, sed ad indicandum, quod aurum charitatem designans, ei deserviat describendę familię, quę charitate, vel super omnes excelsit, vel nulli omnino secunda. Pluribus ab inde hoc sæculis novit Serenissima Venetiarum Respublica, dum eam, sibi consulens, intra benignitatis suę viscera,

collocavit, ex eo quod eam anno 1310. Regis pacifici, vidit patrios lares, patritiam dignitatem, paternum patrimonium deferre, ut Castrucci Castracani diffidia diffugeret; digna sane, quæ exiens de terra sua, & de cognatione sua Abraham imitata benedictione quadam potiretur & Abrahæ. Nonne gens à Deo benedicta censebitur, tum tui Proavus Antonius Maria, tum filius ejus Joannes Maria, quorum primus benedictionem sortitus de pinguedine terræ, rore tamen Cæli irrigata, fuit Residens Neapoli, Florentiæ, Mediolani, inde Commissarius Mantuæ, ac Designatus pro Congressibus Ratisponæ, alijsque in locis Germaniæ, secundus verò rore Cæli perfusus, terræ fastidiens pinguedinem, sese

totum Cælo donavit, & Clericus  
Regularis effectus, Cæli volatilia  
respiciens, juxta monita sui San-  
cti Institutoris Cajetani, nihil sibi  
sollicitus de vestimento, cælesti  
nunc amictus est lumine, sicut piè  
creditur, ex opinione sanctitatis,  
quam liquit post mortem.

Quid memorem Joannis Ma-  
riæ fratris tui, pacisque penè pa-  
rentis, virtutem, quæ eum exhibet,  
& exhibuit maximè gratum Regi-  
bus, & Principibus, ipsique Sere-  
nissimæ Venetiarum Reipublicæ,  
quæ non fallitur in seligendo Mi-  
nistros, quibus honor debeatur,  
& onus, quapropter voluit, ut es-  
set Residens Neapoli, & in Hel-  
vetia, Designatus pro pace in Hol-  
landia, ut & in præsentî pro Ca-  
meracensi congressu.

*Charitati VINCENTI vin-*  
*centi rebelles animi passiones da-*  
*tur edere de ligno vitæ, vitæ quip-*  
*pè immortalis.*

*E' Cælo, Illustrissime Domine,*  
*è Cælo tibi concessum, quod natus*  
*Neapoli, sacrò suscipereris è fon-*  
*te ab Excellentissimo Duce Turris*  
*Philamarino, & Philamarinus,*  
*qui ex græco vertitur, immorta-*  
*litis amator, Patrinus tibi dare-*  
*tur: decebat nempè, ut familiæ*  
*VINCENTI charitate immorta-*  
*litatem amanti, spirituali adnecte-*  
*retur cognatione familia, quæ cha-*  
*ritate non minus, ac nomine aman-*  
*tissima immortalitatis est habita.*

*E' Cælo concedatur & mihi,*  
*ut ego, quem Patrem dignatus es*  
*tibi spiritualemente feligere, tui imita-*  
*tor effectus, in spiritu sim tibi con-*  
*junctus*

junctus ; ad tui normam vitam  
componens, exemplo non minus,  
quam verbo, Ethicam doceam, Et  
ita tecum, felicem post vitam, de li-  
gno comedam vitę, de eo, de quo di-  
ctum est: **VINCENTI** dabo ede-  
re de ligno vitę.

Vale, diu feliciter vive, ac in  
ęternum vive.

REVERENDISSIMO PADRE :

**D.** Giuseppe Maria Amati Letto-  
re Teologo Celestino , umilissi-  
mo Oratore, e suddito di V. P. Reve-  
rendissima, supplicando l'espone, qual-  
mente desidera dare alle stampe l'*Eti-  
ca* da lui composta : Che però umil-  
mente la supplica, a commetterne la  
revisione, a chi meglio le parerà. Che  
della grazia, quam Deus, &c.

Reverendissimus Pater Coabbas D.  
Matthæus Vecchi Abbas Sanctæ Ma-  
riæ de Casaluce, nec non Pater D. For-  
tunatus Palombo Abbas Sanctæ Ma-  
riæ ad Magellam de Capua prædictū  
Opus revideant , & in scriptis refe-  
rant . Datum ex nostra Regali Abba-  
tia Murronensi die 18. Octobris 1721.

*Domnus Ludovicus Grassi Abbas  
Generalis Coelestinorum .*

RE:

REVERENDISSIME PATER.

**M** Andato Reverendiss. Paternitatis tue  
obtemperans *Ethicas Dissertationes*  
*A. R. Patris D. Josephi Mariæ Amati* in Ve-  
nerabili Ceonobio SS. Petri, & Catharinæ  
ad Magellam Sacræ Theologiæ Lectoris,  
summa animi oblectatione, atq; admiratio-  
ne perpendi; nihilq; in eis Orthodoxæ Fi-  
dei, Sacræ Scripturæ, bonisve moribus dis-  
sonum offendi; quinimmo veram sapien-  
tiam in corde Authoris requiescere, & pru-  
dentiam in sermone oris illius elucere ani-  
madverti: In parvo etiã libro magnum,  
atq; sublime ingenii acumen apertissime  
novi; hæud enim ab Operis mole, sed a do-  
ctrinæ pondere pretium sumit Liber; & in  
maximo aliquando paginarum fallo nulli  
sunt sales. Ex linea Apellem caliginosa no-  
vit Antiquitas. Opus ergo parvum abunde  
Authorem commendans se approbat. Qua-  
re publica luce, laudisq; splendore dignum  
censeo. Ex Venerabili Monasterio Sanctis-  
simæ Ascensionis, & Sancti Michaelis in  
Plaga Parthenopæa, die 30. Octobris 1721.

*Humillimus, ac devotissimus servus.*  
D. Matth. Vecchi Coabb. Celest. Abb. S. M. Casol.

RE.

REVERENDISS. PATER.

**L**ibrum *Ethicæ* ab *A.R.P. D. Joseph Maria Amati* nostræ Congregationis Cælestinæ Sacræ Theologiæ Lectore conscriptum, Paternitate Vêstra Reverendiss. demandante, attentè revolui, & in eo nihil Orthodoxæ fidei, bonivæ Moribus adversum, sed omnia ad pondus Sanctuarii, & ad Catholicæ disciplinæ Stateram librata inveni. Faxit ergo Deus, ut meritissimi Auctoris industria suum consequatur effectû, ut Christianos Mores, quos ipse inter assidua virtutum exercitia durans, perpetuis exemplis non minus, quam extemporaneis docet verbis, cæteri ubertim inde hauriant. Quod, ut obtineri facilius possit, publicæ operis editioni calculum meum libenter defero, si Paternitati Vêstræ Reverendissimæ fuerit benè visum. Neap. ex nostro Venerabili Monasterio SS. Petri, & Cætarinæ ad Magellam, die 30. Octobris, 1721.

P.V. Reverendiss.

*Humil. add. & obsequentissimus servus.*

D. Fortunatus Palumbo Abb. S. Mariæ ad Magellam de Capuâ, & in Regio Archigymnasio Sac. Theol. Moral. Professor.

DO;



**D** Omnus Ludovicus Grassi à  
Neapoli Abbas Sancti Spiritus  
de Murrone, ac Præsidens Generalis  
totius Congregationis Coelestinorum  
Ordinis Sancti Benedicti.

Cum Librum, qui inscribitur *Ethi-  
ca ex tempore Concinnata*, &c. à Patre  
Domno Josepho Maria Amati no-  
stræ Congregationis Lectore Theo-  
logo compositum, duo ex nostris Theo-  
logis, quibus id commisimus, diligen-  
ter examinaverint, & in lucem edi-  
posse probaverint; facultatem conce-  
dimus, ut typis mandetur, servatis de  
jure servandis. In quorum fidem præ-  
sentes subscripsimus, & nostro sigillo  
obsignatas dedimus. Ex nostra præ-  
fata Regali Abbat. S. Spiritus de Mur-  
rone. Dat. 6. Novemb. 1721,

*D. Ludovicus Grassi Abbas Genera-  
lis Coelestinorum.*

Reg. fol. 13.

D. Beda de Mari Abbas, & Secretarius.

EMI-

EMINENTISS. ET REVERENDISS. SIG.

**D**y Giuseppe Maria Amati Lettor Teologo  
Celestino supplicando esposte, come desi-  
dera dare alle stampe l'*Etica*, e però la supplica à  
volere commettere la revisione à chi più parerà à  
V.Em.e riceverà il tutto à gratia, ut Deus.

*Rev. D. Julius Nicolaus Tornus Examinator Curia  
Archiepiscopalis revideat, & referat Emissis. Do-  
mino. Neap. 8. Aug. 1722.*

D.P.M. Giptius Can. Dep.

EMINENTISS. DOMINE.

**C**ommentarium in *Ethicam* Auctore d. R. P. D.  
Josepho Maria Amati, emeritissimo, e Coelo-  
stinorum familia Theologo Em. V. auctoritate me-  
legètem nihil remoratum est, quod Religionis pu-  
ritati, aut morum castimoniae offendiculo esse  
possit. Quinimo Auctoris, probitatem, & doctri-  
nam insigniter singula commendare deprehendi?  
Quare publicam mereri lucem reor: modo ne B. V.  
sentiat diversum. Neap. XVII. Calendas Octo-  
bris A. D. M. DCCXXI.

Em. V.

*Humillimus, Obsequientiss., ac Addictiss. Famulus,  
Julius Nicolaus Tornus.*

*Attenta supradicta relatione, quod potest Imprimi.  
Imprimatur. Neap. 6. Octobris 1721.*

D.P.M. Giptius Can. Dep.

EC-

ECCELLENTISS. SIGNORE.

**A**ntonio Abri publico Stampatore , di questa fedelissima Città , supplicando espone à V. E. come desidera stampare l' *Etica composta dal M. R. P. D. Gioseppe Maria Amati Lettore Celestino* , prega per tanto l'Ecc. V. di commettere la revisione à chi le parerà, e l'averà à gratia, ut Deus, &c.

*Rev. D. M. Andreas Mastellone videat , & in scriptis referat.*

Gaeta R. Mazzaccara R. Ulloa R. Alvarez R. Giovene R. Falletti R.

*Provisum per S.E. Neap. 11. Sept. 1720.*

Sp.Reg.Miro absens.

EXCELLENTISS. PRINCEPS.

**E***thicam* opere , & verbo , semper , & ubique docuit R. Adm. P. D. Joseph Maria Amati, professione, & moribus Celestinus: Verus Christi imitator, qui cæpit facere, & docere . Ipse Virtutum Omnium exercitio in Asceterio præluxit Monachis; clara , ac solida doctrina in Regio Archigymnasio profuit Civibus . Horum tamen Amicorumque precibus victus, ut non solum

lum suis, sed & exteris prodesset, Eam communi profectui per publicam lucem elargiri coactus fuit. Librum itaque meditata dogmata complectentem, Exc. V. demandante, sūma mentis aviditate, nec minori cordis, & animi volūptate revolui; nihilque in eo, nisi sanam doctrinam, verbum bonum irreprehensibile, securo percurrendum pede, fateor comperisse. Cumque religiosissimus Autor Deo Obediens, Obsequens Regi, id ipsum, quod in corde gestat, eructet in ore, proferat lingua, exaret calamo, prælo jure merito commendandum arbitror, dūmodò meam hujusmodi sententiam Ex. V. ut exopto, & deprecor, benigne obfirmare dignetur. Ex Carmelo nostro S. Mariæ de Vita die 28. Septembris 1721.

Exc. V.

*Adiutissimus Servus.*

Frater Andreas Mastellonus Ex-Assistens Generalis Carmelitarum,

*Visa relatione Imprimatur, & in publicatione servetur Regia Pragm.*

Gacta Reg. Mazzacara Reg. Ulloa Reg.  
Alvarez Reg. Giovene Reg.

*Provisum per S. E. Neap. 17. Octob. 1721.*

Mastellonus.

# INDEX

## CAPITULORUM

### PROOEMIALIUM ETHICÆ.

- Cap. 1. **D**E Eminentia Philosophiæ  
Moralis supra alias scientias humanas seu naturales pag. 4.
- Cap. 3. Quod Ethicæ addiscenda sit ante  
quascunque alias scientias. pag. 9.
- Cap. 3. Quod Philosophia Moralis sit ma-  
ximè ad Jurisprudentiam necessa-  
ria. pag. 12.
- Cap. 4. Quod specialiter sit Philosophiæ  
morali navandum. pag. 15.
- Cap. 5. De Origine, & Antiquitate Philo-  
sophiæ Moralis, & quomodo illa ad  
nos sit demandata. pag. 17.
- Cap. ultimum. Quodnam sit obiectum,  
Philosophiæ Moralis, quamnam scien-  
tia sit Ethicæ, & quæ ipsius ratio  
sub qua. pag. 21.

QUÆ.

## QUÆSTIONIS PRIMÆ

### De Felicitate.

Cap. 1. **Q**uid, & quotuplex sit Felicitas. pag. 24.

Affertio prima. *Lumine naturali patet homini virtute prædito, solum Deū esse felicitatem obiectivam, seu ultimum finem.* pag. 28.

Affertio Secunda. *Felicitas formalis in hac vita habetur per amorem Dei, ut fontis totius virtutis, & honestatis.* pag. 40.

Cap. 2. De Adjutoriis felicitatis. pag. 49.

Affertio. *Bona externa sunt adiutoria felicitatis in homine Politico, non verò in persona privata.* pag. 50.

Cap. ultimum. De Proprietatibus felicitatis naturalis. pag. 54.

## QUÆSTIONIS SECUNDÆ

### De Virtutibus.

Cap. 1. **Q**uid sit Virtus pag. 57.

Affer-

**A**ssertio Unica. *Virtus est habitus electivus consistens in medietate quoad nos, determinata ratione, prout sapiens dictaverit. Est Aristotelis.*  
pag. 57.

Cap. 2. *De Proprietatibus Virtutis.* p. 64.

Cap. 3. *De Causis, & Divisione Virtutum Moralium.* pag. 71.

Cap. 4. *De Prudentia.* pag. 73.

Cap. 5. *De Fortitudine.* pag. 88.

Cap. 6. *De Justitia.* pag. 115.

Cap. ultimum. *De Temperantia.* pag. 135.

## QUESTIONIS ULTIMÆ

### De Passionibus Animi.

Cap. 1. **D**E Passionibus in communi.  
pag. 148.

**A**ssertio. *In Solis hypocritis passiones sūt damnandæ. Pro feria quarta Cinerum.* pag. 150.

Cap. 2. *De Delectatione, & de Jejunio. Dominica prima Quadragesimæ.* p. 163.

Cap. 3. *De Timore, qui est passio animi, & de Timore Dei. Dom. 2. Quadrage. p. 171.*  
Cap.

- Cap. 4. De Fortitudine, & de Audacia.  
Dominica 3. Quadragesimæ. p. 185.*
- Cap. 5. De Fuga, & Contemptu mundi. Do-  
men. 4. Quadragesimæ. pag. 195.*
- Cap. 6. De odio bono, & malo. vel de malo  
zelo. Dominica Passionis. pag. 209.*
- Cap. 7. De Desperatione, & Fiducia in  
unico Deo. Dominica Palmar. p. 213*
- Cap. 8. De Desiderio. & de Passione Chri-  
sti Domini, feria 6. in Parasceve.  
pag. 224.*
- Cap. 9. De Spe, & Resurrectione Christi  
Domini. Pascha Resurrectionis. pa-  
gina. 236.*
- Cap. 10. De Ira, & Correctione fraterna.  
fer. 2. Paschæ. pag. 242.*
- Cap. 11. De amore, ubi innuntur que-  
dam de Tristitia, & de Pythagorica  
disciplina. Fer. 3. Paschæ. pag. 250.*



## ERRATA CORRIGE

*In Dedicatoria.*

feligendo : feligendo

*In Corpore*

pag.3. tubescit : tabescit

pag.8. Ifionis : Ixionis

Cociti. Cocyti:

pag.19. prohibenda : prohibenda?

pag.25. ab illos : ab illo

pag.37. assimilant : assimilantur

pag.57. Assertio prima : Assertio

pag.60. intelliēctiva : intellectiva

pag.61. debet : debent.

pag.62.& 9.& 4.& 6.4.

pag.93. linea 1. magnanimust. magna-

(nimus,

ibidem linea 2. ama . amat

pag.99. difficulter : difficulter

pag.101. Olofertnis: Holofernis.

procrastitantes. procrastinantes.

pag.110. greca : græca

pag.126. ipsi : ipsis

pag.130. genio : genios

pag.131. ibus : cibus

pag.150. Quadrag. Cíneum

pag.152. inducit : induit

pag.

pag. 153. Eccletiaſtia : Eccleſiaſtici  
pag. 189. Media : Medea  
pag. 236. locum : bonum  
pag. 243. Carthyſianus. Carthuſianus  
pag. 246. primæ partis. ſecundæ partis  
pag. 251. affectus: effectus

*In Prælectione huic operi in fine  
annexum.*

pag. 20. non oleo : nam oleo  
pag. 21. primatus : primarius  
pag. 28. ſimilatio : ſimulatio  
pag. penultima Novembris: Dec.

## Præfatio ad Lectorem.



Benigne interpretare amantissime Lector mei animum, si forte maium, non tamèn, spero, malignum: si quæ primà fronte appa-ruerint tuæ pietati non congrua, primo, amabo, primo ne sis in commate, sed ad sermonis caput attende: inspicè, quò mea se se ferat oratio, & inde intentionem habero.

Quisquis Ecclesiasticæ historiæ, vel ipsa limina invisit, inter prima fidei rudimenta exploratum id habet, quòd Nicæna quondam in Synodo, divino inspirante, flamine, sit definitum, Nicenæ fidei nefas esse, quid addere; intellige verum, quod ipsi non consonaret; nam, quòd, etherodoxis urgentibus, ad illa verba, *ex Patre, procedit additum sit, Filioque*, hoc Nicenæ nequicquam fidei detrahare visum est. Contextum lege; & quid addendum, intelliges.

Ad finem legat unusquisque sermonis telam, quam ordior, & si fas est, postea succidat, nè de eo. conqueri valeam: *dum adhuc ordier, succidit me.*

B

Mos

Mos commendatur Exordii, à proposito se significare alienum, cœu foret, si sermonem potrahēremus cum Quinto Curtio in edisserendo, quod nullæ ante Alexandrum adinventæ sint artes, nulla extiterint arma, quæ Tyrum expugnare valuerint, ut ex his valeremus arguere, quam magna Alexandri Magni virtus extiterit, dum per plura Tyri fortitudine amplificata, una voce concluderetur : *Hanc Urbem expugnavit Alexander.*

Conceptum ergo sermonem ante partum noli succidere, at & partus tenuitatem rhinocerontis naso ne ferias, sed urfi lingua reformes. Tenuis est fœtus, atqui integrum Ethicæ corpus concepi. Nil addendum, nil detrahendum, nil committandum exoro, quod præsentī distet à corpore. Id facile fiet, si amico me respexerit animo Lector. Id à te Lector non ex justitia, sed ex charitate, quæ peccatorum operit multitudinem, in Christo Domino deprecor. Vale.

ETHI;

# I ETHICA

## PROÆMIUM



Non est mihi animus, Ethicam, sive Moralem Philosophiam aliter edocere, quam, ut Catholicæ fidei sectatores docuere usque modò. Sunt, qui se Philosophos jactant, dum de Deo ne verbum quidem promere tentant, vulgare illud usurpantes proloquium; *non est Philosophorum recurrere ad Deum*, quasi Deus ipse non sit Naturæ una auctor, & gratiæ. Numquid Physicam, sive Moralem ullam virtutem, obtinerè quis valeat, dum non à virtutis cujusvis fonte, à rerum omnium opifice hauserit illam? Eò progressa est humanæ mentis audacia apud temerarios quosdam, ut dum philosophica inter asserta, Dei rutilat nomen, non verean-

tur hujusmodi temerarij homines de-  
 mentatum vocare extollentem hoc  
 nomen . Id est in causa , quod si ali-  
 quando virtutem hi monent, vitia  
 potius inducant . Mens mea hoc  
 unum excogitat , quod temerariam  
 hanc horum opinionem tollam de  
 medio . Curavero itaque mores , vir-  
 tuteique spectantes ad Ethicam tali  
 stilo tractare, ut Dei nomen in hoc  
 opere semper eniteat . Fallitur , qui  
 sentit veras, perfectasque virtutes ,  
 Deo non affulgente, posse obtineri. Dei  
 sub patrocinio de his edisserere pro  
 viribus curem ; nec modicum, spero ,  
 reportaverimus emolumentum , cum  
 ipsas brevi, clarèque tractavero, adeò  
 ut non unam , vel alteram , sed quas-  
 vis ante oculos adferam.

Scrupulosos vellem hic Audito-  
 res cunctos attentos, & pollicerer Æ-  
 castor, scrupulos quoscumque abigen-  
 dos, si virtutum quarumcumque nito-  
 rem animadvertere non recusarent .

Plangit inter angustias anxius  
 absti-

abstinens ille, qui pomi saporem degustare non audet, cum nempè veretur, ne ab continentiam eo dulcore corrumpat: Sapiat is Eutrapeliam virtutem, quæ delectationem quandoque illam efficit virtuosam.

Anxius est ille, qui jam superbiæ venenum ex horret, & convicia sustinere tentatus, exardescit in rabiẽ, quæ profecto tubescit, dũ venenosam illam crediderit: studeat is fortitudini, ac fortitudine gentium imbutus, & gloria ipsarum superbiens, convicia illa retundat, quæ virtus ad sui statum pertinens tolerare non paritur, puta si persona publica proprio cedere honori non debeat. Vide plura inferius in de fortitudine, ac de magnanimitate, ad id facientia.

Ad Ethicam ergo Scrupulosos omnes invitẽ, quin quoscumque orthodoxos, sic enim fiet, quod cum virtutem unam animus nobis non est exercere, virtutem aliam sectemur, qua facile, jucunde, ac delectabiliter

4  
ad virtutis montem ascendere valeamus.

Virtutem posuere Dij sudore parandam : sudore virtutem paraverit, qui virtuti non nisi unicæ attendit; Cui tamen virtus omnis est agnita, facilis est ad virtutis montem accessus.

Non Deæ gentium Virtuti erigatur Templum, sed Deus homo Salvator Dominus Jesus Ethicam fundet in nobis ; eique, à quo omnis virtus, Templum, honor, & gloria.

## C A P U T P R I M U M .

*De Eminentia Philosophiæ moralis  
supra alias scientias humanas,  
scilicet naturales .*

**E**Thica, sive Moralis Philosophia uni cedit Theologiæ, sacræque Scripturæ: eæ enim innixæ principiis supernaturalibus sunt, & revelatis à Deo, Cæteroqui, si ipsam Ethicam,  
pro;



5

prout modo explananda à nobis, considerare velimus, neque secundum locum post has occupat Ethica; ea enim non est porrigenda lumine naturali dumtaxat, sicut ab Ethnicis, sed principijs quoque ea fundanda supernaturalibus erit.

Ut dignoscatur, quanti nostra Philosophia facienda sit supra cæteras naturales, & humanas scientias, quædam primo brevi calamo conjungemus ex authoribus Ethnicis, inde ex Patribus Sanctis.

In unum conglomeravero Senecæ autoritates, quas vide si vis epistolis 3. 16. 45. & 49., in quibus habes, quod Ethica solum afferat homini utilitatem revera, dat enim bene, & beate vivere, cæteræ vero scientiæ ad hoc non attendunt, & ad id demonstrandum refutat Dialecticorum Sophismata, concludens nihil utilis erui ex hac pura fallacia, mus est syllaba, sed mus caseum rodit, ergo caseum rodit, & syllaba, ex quò dicit caseum,

sine his asservari, nec ullam ex eo nobis vel alteri, utilitatem adferri; sic etiam dementem vocat ad has fallacias attendentem, vel ad quæstiones inutiles, quæ solent de anima agitari, & non incumbentem ad bonis moribus animum informandum. Quid juvat metheora indagare, quonam conficiantur pacto, & imbribus, nivi, ac fulmini subdi? Astronomi vias Cælorum inquirunt, & quomodo ad Cælos nos valeamus pervenire non docent. Philosophia naturalis naturæ perscrutatur arcana, & tamē vix demonstrationem conficit ullam, sed in opinionibus ut plurimum jugiter sistit: Una una est Philosophia moralis, quæ veras docet animi dotes à Sathanae paralogysmis defendi, imbribus persecutionum non subdi, vitiorum monstra domare, virtutis arcem tueri, & cætera hujusmodi, quæ hominem non modo scientem, sed & bonum efficiunt.

Cebes Thebanus; Mercurius Trif-  
me.

megistus, & Plato in eadem fuere sententia, ut in Tabulis Cebetis modò adhuc extantibus in operibus Trismegisti, Platonisque de hoc ex professo tractantibus, unusquisque legere quibit.

Augustinus libro de moribus Ecclesiæ reprehendit eos, qui desertis virtutibus, naturæ inquirent arcana, nec perquirere student, quantæ sit dignitatis illa Majestas, quæ naturæ est haud quamquam ulli mutationi subiectæ, ipsius videlicet Dei: & ipsemet Augustinus in Epistola ad Dioscorum concludit in Doctrina, & eruditione aberrare eos, qui quærunt, quænam senserint Anaximenès, Anaxagoras, Democritus, & alij, & non quid sit Deus.

Quæ diximus usque modo, grano intelligenda cum salis, ut liquet ex auctoritatibus, quas mox adducemus.

Augustinus libro de vera Religione docet, quod in consideratione creaturarum, quas docent Mathe-  
ma.

matica, Philosophia naturalis, Medicina, & Astronomia, non est exercenda vana quædam, & peritura curiositas, sed ex his gradus est faciendus ad supernaturalia, & æterna.

Joannes Chrysostomus oratione sexta detestatur eos, qui alijs scientijs, & non Ethicæ student.

Episcopus. Novariensis in Athenæo testatur, quod illi, qui Philosophiæ morali incumbunt, per labores aliarum scientiarum, Duce Ethicæ perveniunt ad veram laborum metam.

Ex his omnibus valet illatio, quod scientiæ quævis non sint superfluæ, sed ex his faciendæ sit gradatio ad bona supernaturalia, ad quæ Ethica ducit.

Poesis finxit in Cerbero tricipiti, in Acherontis fluvio, Radamanti iudicio, Cociti fremitu, Ixionis rota, Sisyphi saxo, & Tantali pomo pænas, quæ parantur ijs, qui neglecta Ethicæ disciplina solum attendunt ad luxurios-

riose vivendum, quæ omnia quam bene probat noster Loya in quinque Porticibus moralibus suis.

## CAPUT SECUNDUM:

*Quod Ethica addiscenda sit ante  
quascumque alias scientias.*

**E**thica dicitur à græca voce, *ethos*, quæ significat morem, ea enim est, quæ mores docet componere. In primis ergo opera erit danda ad bene componendos mores; si enim vitijs quis excæcatur, jam non poterit de facili perfectum lumen rationis habere, & cum mens erit hebetata luxu, vel crapula, non poterit veritatem attingere. Hinc antiqui Gentiles eadem collocarunt in Ara musas, & Herculem, ut ex hoc daretur intelligi, quod cum virtute significata per Herculem conjungendæ sint scientiæ demonstratæ per musas, & idcirco præterea musas, vel scientias in monti-

ti-

tibus altis, ceu Helicone, & Parnasso collocandas esse ij censuere, ut ex inde pateret, quod non nisi per labores, quos Ethica dictat, ad veritatis montem pertingere valeamus.

Salomon docuit in Proverbijs moralem, in Ecclesiaste Philosophiam naturalem, in Canticis Canticorum Philosophiam rationalem, seu contemplativam, quam bene Theologiam adhuc nuncupare poterimus, & per hoc Salomon demonstravit, quod prius debeamus attendere ad Ethicæ documenta, inde ad naturalis Philosophiæ aphorismos, & postremo ad Theologica dogmata.

Philosophia, quæ bene dividitur in moralem, naturalem, & rationalem, significata fuit per tres Patriarchas, Abraham, Isaac, & Jacob; nimirum per Abraham Ethica, per Isaac Philosophia naturalis, & per Jacob Logica, seu Philosophia contemplativa, vel rationalis. Quemadmodum inter hos tres Patriarchas primus est

Abra-

Abraham , ità inter omnes Philosophias Ethica primum obtinet locum , & hanc allegoriam benè prosequitur Loya in libro relato *tom. 1. pag. 275.*

Sunt, qui Encyclopediam scientiarum cōposuere, nempè scientias quas- cumque per modum circuli in unum junxere , & tunc in omnibus his primatum Ethica tenet , ut benè relatus Auctor *tom. 2. pag. 1293.* demonstrat.

Plutarcus in libro de Republica censet Philosophiam moralem esse ad omnes scientias necessariam; Precēs itaque cum Davide ad Deum ferendæ *bonitatem, & disciplinam, & scientiam doce me*, videlicet primo bonitatem vitæ, seu bonos mores, secundo disciplinam , & scientiam , sed ei cum minerva admovenda est manus , & ne præstoleremur Ethicæ scientiam inspiratam à Deo , sed cum sudore adipiscamur eandem.

## CAPUT TERTIVM.

*Quod Philosophia moralis sit maxime ad  
Jurisprudentiam necessaria.*

**H**Oc est discrimen Ethicam inter,  
& jurisprudentiam, quod Ethica  
dicet, quomodo componendi sint  
mores, virtutes debeant florere, vitia  
extirpari, & leges justè sanciri; Juris-  
prudencia verò ad executionem ho-  
rum omnium pergit, & quæ dictavit  
Philosophia moralis, jurisprudentia,  
velut ancilla, filia, & ministra execu-  
tioni mandat; Lex enim communiter  
definitur Sanctio sancta, honesta ju-  
bens, & contraria prohibens, Quando-  
quidem igitur Ethicæ est honesta di-  
gnosce, ea est, quæ viam ad jurispru-  
dentiam parat, neque scientia juris-  
prudencia erit, si legum causam red-  
dere nesciat; Nam scientia est cogni-  
tio rei per causas, & qui nescit ratio-  
nem reddere de lege sancita, ille vo-  
ca-



cabitur idiota Legista. Ut hæc auctoritate probentur, placet quædam ex prophanis, quædam ex Sancto Patre Augustino proferre.

Seneca epist. 90. dicit Ethicæ propriū esse de divinis, & humanis verum resolvere, & epistola 16. monet, quod omnes scientiæ ab Ethica cōsiliū desumant, addens præterea epistola 75. quod omnes aliæ scientiæ, & artes ad ingenium pertineant, & una sola Ethicā est, quæ ad voluntatem benè componendam disponat.

Plato epistola 10. quasvis alias scientias distinctas à Philosophia morali censet potius nominandas argutias, & elegantiam, quam sapientiam; soli enim Ethicæ verè sapientiæ nomen debetur, videlicet constantiæ, animi tranquillitati, cæterisque virtutibus, cum autem hæc omnia jurisprudentiam dicunt, ex his benè deducitur, Ethicam ad jurisprudentiam esse maximè necessariam.

Ulpianus dicit, jurisprudentiam  
ha-

habere Politicam, & moralem adnexas, neque quis poterit jureconsultus vocari, si non ab Ethica fuerit mutatus tria illa principia, in quibus jurisprudentia fundatur; nimirum: *Neminem ledere, suum cuique tribuere, & quod tibi vis, alteri feceris.*

Joannes Acochier in Thesauro Politico pag. 222. dicit, quod jurisperitus debeat Ethicam callere, ut possit ejus, quam vult, legem servari, reddere rationem.

Joannes Baptista Januensis Augustinianus *tomo 6. Philosophiæ pag. 202.* dicit Philosophiam moralem esse apprimè necessariam ad jurisprudentiam habendam.

Ægidius Columna Romanus, etiam Augustinianus in libris de Regimine Principum dicit, quod filij nobilium debent Ethicam scire, & maxime filij Regum, vel legislatorum aliorum, debent huic scientiæ operam dare, ut sciant, quas leges condere debeant.

Augustinus sermone 9. de verbis  
Dō.

Domini *cap. 1. & 2. tom. 9.* dicit, pueros vigilijs, & abſtinentia plurimum inſudare, ut ſcientias illas acquirant, quæ dant honores, & opes, nihil verò ad habendam Philoſophiam moralem, quæ dat benè vivere, & beatè. Idemet Auguſtinus libro de vera Religione *cap. 16.* teſtatur, quod tota diſciplina morum fuerit tota Chriſti Domini vita, ex quò Chriſtus Dominus Legislator noſter iſeſt, qui Ethicam docuit; Ethicæ ergo jurisprudentia jungenda, ut leges benè condantur.

## C A P U T Q U A R T U M

*Quod ſpecialiter ſit Philoſophiæ morali navandum.*

**S**umma quippe temeritas, velle Ethicam ſcire, dum non ſpecialiter ipſi navamus. Vix Sancti Patres quidam, qui in eremis degebant, eam à Deo docti fuere, nec propterea de-

C

ſti-

stiterunt à studijs Sacræ Scripturæ, & Sanctorum Patrum, in quibus illam optime docebantur, vel ex vitis SS. Patrum, vel ex Christi vita, quæ tota fuit disciplina morum, teste Augustino relato libro de vera Religione, cap. 16., & ut advertit Augustinus 14. de Trinitate, auctoritate, & ratione utimur ad discendum. Cum ergo disciplina à discendo trahat originem, non sit, qui præsumat, dum non discit, Ethicam scire.

Juvat afferre auctoritatem Aegidij Romani *parte secunda lib. 2. de Regimine Principum*, ubi testatur, quod Deus intelligentias ab initio creavit benè aptas ad sciendum, & intelligendum; hominem verò formavit, ita ut sensibus egeret ad intelligendum, & si Aristoteli *lib. 1. de anima* fidem præstemus, majus est temporis spatium, quo insudamus ad discendum, ac propterea in ignorantia versamur, ac illud, quo ad scientiæ perfectionem venimus.

Augu.

Augustinus laudatus in *Psal.* 9. advertit, quod, qui non Philosophiæ morali incumbunt, excruciantur ad damnationem. Alludit Aug. ad id, quod in Psalmo prænarrato David dicebat de ijs, qui obliviscuntur Deum, id est Deum nō per moralem Philosophiam inquirunt. Lumine naturæ dumtaxat percipimus quædam prima principia Philosophiæ morales, quæ tamen explicatione maxima indigent, & ideo humiliter audienda oretenus ex magistris; vel saltem ediscenda in libris.

## CAPUT QUINTUM.

*De Origine, & Antiquitate Philosophiæ morales, & quomodo illa ad nos sit demandata.*

**S**unt, qui putant Thaletem Milesium Ethicæ inventorem, dum Cirus Persas, Solon Athenienses, Tarquinius Romanos, Lidios Cresus regabat; sed valdè decipiuntur. Ethica enim

enim ab Adam originem trahit. Sapiens primus factus est homo, ut Augustini eloquar phrasi: omnes naturales scientias Adamo Deus infudit, & Adam ipse post pœnitens verbo, & exemplo Ethicam docuit. Ab Adamo Mathusalem, à Mathusalem Noë fuit Philosophiam moralem edoctus; Mathusalem enim eodem mortuus est anno, quo diluvium universale successit.

Noë, ut probat in suis eruditissimis libris relatis doctissimus Loya, detulit ad Hispanos, & Italos hanc Philosophiam moralem.

Grassantibus vitijs, apud solos electos Judaici populi hæc scientia remansit, & ab ijs didicerunt adhuc Ægyptij. Moyses vero, qui erat in omni Ægyptiorum scientia valde versatus, ut in Actibus Apostolorum legitur, ipse docuit Philosophiam moralem, & sane per hieroglyphica, quorum quædam reperiuntur fabulas inter Minervæ, Jovis, &c. sed ei populo

(fi

(si Pentatheuchum exaratum à Moyse spectare velimus) reperiemus per hieroglyphica Moysen ipsum Dei legem dedisse. Ecquid per prohibitionem comestionis carnis porcinae intendit Moyses docere, nisi quod quemadmodum sus est luxuriæ symbolum, æque ac hieroglyphicum gulæ, ita vitia hæc luxuria, & gula, sint prohibenda.

Congruum erat sub illo tempore, quo veritas latitabat sub umbra, in hieroglyphicis veritatem exprimere; atqui adveniente temporis plenitudine, veritate ipsa Domino Jesu, quæ dixerunt Prophetæ, & male surripuerunt Gentiles, ea claris in verbis expressa fuere.

Moyse, qui probatur à Daniele Hueticio in Demonstrationibus Evangelicis, fuisse Orpheus, mansuetissimus hominum, lenivit corda duræ cervicis Judaici populi, & hinc Poetæ finxerunt Orpheum lyra, & carminibus saxa traxisse, per hoc solum declarantes, quod ex Sacra Scriptura didice-



runt, Moysen efferatos, & duros homines bonis moribus imbuisse. Hinc bene meus Mabillon in de Studijs Monasticis edocet in Sacra Scriptura moralem omnem contineri.

Juvat tandem Sanctorum Patrum libros innuere, qui moralem disciplinam prae oculis ponunt. Inter hos primus est Basilus, qui scripsit libros morales: adde Sanctum Cyprianum, cujus extant tres libri nuncupati Quirino, & primi duo dant prima lineamenta fidei; tertius verò continet breve Compendium Ethicæ Christianæ, quæ, quantum differat ab Ethicæ Ethnicorum, potest eruere ex tractatu Domini du esprit de falsitate humanarum scientiarum, & Domini du Brois in egregio Proæmio, quod apponit ad nuperrimam translationem officiorum Ciceronis.

Ne catalogum aliorum subscribam, satis est adnotare, quod in libro Augustini, qui inscribitur *Speculum*, tom. 3. antiquæ editionis, tota moralis,



lis quam benè contineatur?

Notandum præterea, quod monet Augustinus laudatus libro 3. de Trinitate initio Prologi, ubi notat, quod multa ipse ignorabat, quæ didicit postea scribendo. Oleum, & operam perdit, qui memoriam non scribendo vult exercere. Ut itaque moralem adipiscamur, eligamus ex ipsa Sacra Scriptura mores, quos docet, ut fecit Athanasius, & laudatus Pater Mabillon monet faciendum, & scribamus hæc, quæ selegerimus.

Uno capite pelstringamus, quæ de Proæmialibus Ethicæ Philosophi apud Scholas inquirunt.

## C A P U T U L T I M U M.

*Quodnam sit obiectum Philosophiæ  
moralis, quanam scientia sit  
Ethica, & quæ ipsius ra-  
tio sub qua.*

**O** Biectum dividitur in materiale,  
& formale. Obiectum materiale,

C 4

seu

seu materia, circa quam, est illa materia, circa quam scientia versatur, vel illud, de quo scientia tractat. Certum est ergo obiectum materiale Philosophiæ moralis esse actus humanos, vel mores. Mores hic non sumuntur, prout sunt frequentes actus competentes etiam Brutis, sed prout sunt inclinationes hominis declinabiles tum ad bonum, tum ad malum.

Obiectum formale est illa ratio, quæ consideratur in obiecto materiali, & quia Philosophia moralis tractat de actibus humanis, sive de moribus, ut corrigat illos, hinc est quod moralitas sit obiectum formale Philosophiæ moralis; nomine verò moralitatis intelligitur illa conformitas, sive difformitas ad regulas morum, seu ad bonum conveniens naturæ rationali; quod est idem, ac bonum honestum. Ethica docet hoc bonum, & ideò obiectum formale Ethicæ est ipsa moralitas.

Ratio formalis sub qua Philosophiæ

phiæ moralis sunt principia practica; de quibus supra, sc. *Neminem ledere, &c.*

Scientia est cognitio rei per causas, & quia Philosophia moralis docet, quare aliqui actus sint virtuosi, aliqui non, ideo ipsa est scientia. Quoniam verò scientia practica dicitur à græca voce *praxis*, quæ significat operationem potentiae distinctæ ab intellectu, & inter ea, quæ scimus, ut faciamus (ut loquitur Augustinus) Ethica numeratur, adeoque operatione potentiae distinctæ ab intellectu, videlicet operatione voluntatis operatur, ideo Ethicæ est scientia practica.

Ad Ethicæ praxim itaque descendentes, singulas ejus partes examinemus. Sit ergo.

QUÆ.

## QUÆSTIO PRIMA.

*De Felicitate.*

**Q**uoniam Philosophia moralis ad hominem felicem reddendum est instituta, de foelicitate primitus est pertractandum. Si moralem monasticam spectes, ea personas privatas, virtutibus reddit foelices. Si moralem æconomicam consideraveris, eam esse comperies, quæ per œconomiam familias reddit felices. Si denique Philosophiam moralem Politicam nominatam respicias, pro certo habueris præceptis Politicis urbes reddi foelices. Sit ergo.

## CAPUT PRIMUM.

*Quid, & quotuplex sit felicitas.*

**F**elicitas ex Boetio lib. 2. de consolatione philosophica, prosa secunda est status omnium bonorum aggregatio.

aggregatione perfectus, & ex Tullio tertio quæstionum Tusculanarum est secretis malis cumulata bonorum possessio. Cum ergo bona omnia aggregata in unum possidentur perfectè ab illo uno, & cum mala quælibet discernuntur, seu separantur ab illo uno, tunc beatitudo habetur ab illos.

Oportet adnotare differentiam, quam in libro differentiarum Isidorus Hispalensis assertit inter beatum, felicem, honestum & fortunatum.

Felix est ille, qui vel sibi, vel alijs felicitatem, sive prosperitatem dat.

Beatus, quasi bene auctus, est ille, qui est sibi met felix.

Honestus est is, qui moribus felicitatem acquirit.

Fortunatus, qui per substantiam, nempe opes, & similia prospere vivit.

Dividunt Theologi, & Philosophi felicitatem in formalem, & objectivam. Felicitas objectiva est illud, quod reddit hominem felicem. Felicitas formalis est actus ille, quo vera pos.

pollidetur fœlicitas .

Maxima est controversia in Philosophia Naturali , & in Theologia Scholastica, & in Dogmatica, in quam consistat ultima fœlicitas hominis , seu ultimus finis , & Augustinus 19. de Civitate Dei *cap.* 1. monet Varonem ducentas octoginta octo excogitasse sententias , in diversis probantes fœlicitatem consistere . Atqui; ne extrâ aleas ludamus, non attingemus, nisi ea, quæ ad mores conducunt.

Sudarunt usque modo Theologorum, & Philosophorum ingenia, ad reperiendum aliquam demonstrationem , quæ verè convincat fœlicitatem objectivam esse solummodo Deum. Angelicus Doctor, præsertim prima parte quæst. 2. quinque adfert demonstrationes; ad demonstrandum existentiam Dei, & ipse maximè consonam censet primam , quàm habet desumptam ex ratione primi Motoris, sed hæc maximas patitur difficultates, nec usque modò aliquis efformavit

vit argumentum, quo Athei valeant  
convinci, impediēte argumentorum  
vim, cum eorum hebetudine, tum  
potissimum eorum obduratione, ut  
patet ex sequentibus, & ipse inge-  
niosissimus Caramuel in Pandoxion  
Phyfico Ethico hanc rationem impu-  
gnat, & adducit aliam, quam, & im-  
pugnant quā plurimi, & in Theolo-  
gia naturali Theophili Raynaudi cen-  
sentur plurimæ rationes Philosopho-  
rum, atque Theologorum tendentes,  
ad probandam hanc existentiam Dei,  
seu ultimi finis, & omnes refutantur  
ab ipso, & quas ipse insolubiles cen-  
set, confutantur in Theologia dog-  
matica ab alijs; sed non est hic locus,  
nisi hæc innuendi. Remanet ergo, ut  
solummodò probemus felicitatem ho-  
minis per ea, quæ inquirere debet mo-  
ralis, non per ea, quæ sunt in quæstio-  
ne apud Theologos, etiam Catholicos,  
cum & plurimi tueantur dari posse  
processum in infinitum, mundum pos-  
se esse ab æterno, vel ipsum motum,  
& ali.

& aliqua esse, quæ moveant se ipsa, tametsi non moveantur ab alio. Contrà Atheos sit.

## ASSERTIO PRIMA.

*Lumine naturali patet homini virtute prædito, solum Deum esse felicitatem objectivam, seu ultimum finem.*

**P** Ræmitto, me non hic dogmaticum agere, nec proinde decenter esse excurrendum ad Atheos convincendum, sed supponere cum Anselmo in libro adversus insipientem, Deum esse summum bonum; quo majus excogitari non potest, & primam intelligibilem veritatem esse.

Præmitto secundo, hominem à Deo taliter conditum, ut valeat suum finem attingere, & sic posse pervenire ad sui centrum Deum, quod est ultimum satiativum, ut benè probant Theologi,

Pro.



Probatur ergo primò assertio præjacta : sapientia illa, de qua Salomon ait, quod fortiter, & suaviter omnià disponat, itaut unusquisque suum finem attingat, sapientia, inquam, Deus hominem taliter condidit. ut possit ad felicitatem pervenire, sed nemo potest ipsam attingere, nisi sit virtutibus moralibus præditus: ergo Deus taliter condidit hominem, ut si virtutibus excellat, ad sui valeat beatitatem venire. Major est certa, quia omnià ejus opera sunt valde perfecta, nec perfectum est opus, quod suum non habeat centrum, scû ultimum finem. Lapis quiescit in centro: equus hordeo, bos sæno quiescunt. Homini tamen est unicū centrum Deus, ut de fide suppono. Probatur minor, Virtus definitur, vel à Peripateticis cum Aristotile 2. Ethicorum habitus, qui bonum facit habentem, & opus ejus bonum reddit; vel cum D. Thoma qualitas, qua bene vivitur, & qua nemo utitur male: quod si hæ

Scho-

Scholarum definitiones Recentioribus displicent, placet remotis habituum, & qualitatum vocabulis, quæ Recentiores derident, & non est hujus loci firmare, placet cum Recentioribus ipsis definire virtutem; vel lumen, vel Endelechiam, seu vim facilitantem potentiam ad benè operandum. His præsuppositis, sic probo datam minorem: Qui habet virtutes morales, habet potentiam volitivam, seu voluntatem sic benè dispositam, ut valeat ad sui objectum pervenire, & in ipso quiescere: Potentia visiva tunc dicitur sana, quando organa sunt sic benè disposita, ut nihil impediat, quin visibile, ad quod cognoscendum est efformata, valeat videre. Si humor aliquis, puta in pupilla, impediat potentiam visivam, certe non sana erit ipsa potentia. Quod de potentiis naturalibus diximus, id de liberis est tenendum. Si voluntas hominis sit præoccupata, vel præjudicata ab amore boni creati, certe non poterit sine

vir.

virtute, habitu, qualitate, lumine, endelechia facilitante voluntatem ad summum bonum attingendum; si autem, cum virtute velit adinvenire bonum aliquod, in quo tandem quiescat, nihil est, quod valeat ipsam potentiam volitivam impedire, quin suo quiescat, & saturetur in ultimo fine.

Probatur secundo, quia in tantum potest aliquis aliquod bonū amare, in quantum considerat aliquam rationē boni in bono, quod amat, contradicitur enim à Deo; sed qui habet virtutem moralem, ut videbimus infra, habet voluntatem sic benè dispositam, ut nō impediat, quod intellectus omne bonū in Deo esse cognoscat; ergo non potest alio trahi à bono, cum ad hæc intellectus reflectit; ergo &c. Constans est Theologorum, & Philosophorum assertio, qua unusquisque tuetur, non posse voluntatem nostram relicto bono majori clarè viso minus bonum amplecti. Triplex est bonum, quod voluntas potest amplecti, scilicet de-

D

le.

lectabile, utile, & honestum, sed hæc omnia tria bona cū voluntate hominis virtutibus moralibus præditi mēs cognoscit esse in Deo, & sane meliori forma, si quidem eminenter, seu depuratis imperfectionibus; ergo volūtas hominis virtutibus moralibus præditi, non potest, dū virtuosè moraliter agit, seu in sensu composito, ab alio, quam à summo bono Deo allici, & trahi.

Probatur modo, quod omne bonum, tum delectabile, tum utile, tum honestum reperiatur in Deo, & primò quidem de delectabili. Delectatio, prout (dicit. D. Th.) contradi-  
stinguitur à Delectatione brutorum, & dicitur in homine gaudium, est quies potentiæ in objecto, ad quod tendebat, prout consonat rationi. De hac delectatione exclamamus ad Deū: delectationes in dextera tua usque in finem, & Apostoli ibant gaudentes, ob delectationem ex virtute potentiæ procedentem; virtus enim moralis dat promptè, faciliter, & delectabiliter  
ope.

operari, ut infra ostendetur. Sed solus Deus, utpotè dictans, quod est rationi consentaneum, potest hominem sic delectare; ergo &c.

Utile definitur, quod est accommodatum cum fine. Hinc virtus est via ad præmium, & utilis ad consequendum ultimum finem, seu felicitatem, & bene monet Aristoteles primo Ethicorum, quod felicitas est præmium virtutis; Via ergo ad felicitatem virtus, sed sine Deo consequi felicitatem non possumus; ergo utilis Deus; ergo &c.

Honestum ex Isidoro dicitur, quasi hominis status, scilicet honore dignum; ex quibus omnibus, constat utile omne, & honestum coadunari in Deo, à quo omnis virtus ducens ad ipsam felicitatem, & cui soli omnis debetur per essentiam honor, & solum per participationem habenti virtutem moralem, vel honestum; ex Tullio enim virtus confunditur cum honesto; siquidem ipse Tullius dividit

honestum in quatuor virtutes principales, æque, ac dividitur ipsa virtus in genere. Ipsemet citatus Tullius dicit, quædam esse bona, quæ voluntatē trahunt, & alliciunt, inter quæ virtus, scientia, &c. ergo Deus summum bonum voluntatem trahit, non nisi tamen illius, cui verum dat virtutis habitum moralem.

Probatur tertio, & ultimo: Deus est prima veritas, quæ est objectum intellectus, non fingentis, sed intelligentis, scilicet intus legentis, seu essentiam penetrantis, atqui solum homo virtutibus præditus, & non excæcatus à vitijs potest hanc primam veritatem agnoscere, & in eo felicitatem omnem collocare; ergo solus homo virtutibus moralibus præditus, seu non excæcatus à vitijs, potest cognoscere hanc primam veritatem, & quiescere, seu felicitari in ipsa. Probatur minor, quia solus insipiens dixit in corde suo, non est Deus; sed rationis usum habens cognoscit primam

nam causam, & primam veritatem,  
 & omni nationi patet hæc prima ve-  
 ritas, dum homo non est excæcatus à  
 vitiis, juxtà illud Authoris inter ope-  
 ra Prosperi.

*Quà jacet extremo Tellus circumdata  
 Ponto,*

*Et quà gens hominum diffusa est corpo-  
 re mundi,*

*Seù nostros annos, seù sæcula prisca re-  
 volvas,*

*Sensere omnes esse Deum, nec defuit  
 ulli*

*Authorem natura docens*

Si ergo est homini ingenita, &  
 infeminata, ut utar verbis Damalce-  
 ni, notitia Dei, seù primæ verita-  
 tis, concludendum est, quod in so-  
 lo homine vitiis excæcato tale lumen  
 deficiat.

Obiicies primò cum Heraclito:  
 Possessio rerum temporalium potest  
 stabilire statum omni aggregatione  
 bonorum perfectum, adeoque felicitate-  
 tem ipsam taliter cum Boetio defini-

tam. Probatur antecedens ex Aristotele primo Ethicorum cap. 5. omnia pecuniis possidentur, & Ecclesias 10. pecuniæ omnia obediunt; ergo &c. sed habens virtutes morales, ut plurimū his omnibus indiget; ergo dicēdū, quod virtutibus moralibus præditus non possit felicitatem acquirere.

Respondetur bona temporalia aliquando conducere ad felicitatem, aliquando deducere ab ipsa. Sola virtus est illa, qua nemo malè utitur; bonis autem temporalibus quisquis benè utitur, potest ea habere, tamquam media ad habendum ultimum finem, & de facto divitiæ potius delectant distribuendo, quam possidendo, nec homo rationis compos divitias quærit, ut eas semper absconditas habeat, sed, ut utatur eisdem. Non ergo divitiæ sunt ultimus finis, sed medium ad consequendum illum; ac proinde ad felicitatem conducunt.

Ad id, quod relatum est ex Aristotale, Respondetur possideri, pecuniis  
omnia



omnia bona, quæ venduntur, non  
 verò omnia bona, quæ ad sælicitatem  
 proximis conducunt, vel sunt ipsa  
 sælicitas. Quod dicitur Ecclesiaste 10.  
 intelligitur pariter de ijs, quæ sunt  
 venalia, vel de hominibus avaris, qui  
 pecuniæ obediunt, non verò de ipsis  
 hominibus virtuosis, five virtutibus.  
 Virtus est sufficiens præmium sibi ipsi,  
 quatenus felicitatem objectivam indu-  
 cit.

Objicies secundo: Exodi primo di-  
 citur: Dijs ne detrahas, quod intelli-  
 gunt Expositores de ijs, qui regimi-  
 ne, vel potentia præsumunt, sed virtus  
 moralis non dat regere, nec potesta-  
 tem, & vidimus plerumque homines  
 nulla virtute ornatos ad imperium  
 assumi, regimen, & potestatem; ergo  
 lumine naturali patet felicitatem ob-  
 jectivam, non in Deo, sed in potestate,  
 & imperio consistere.

Respondetur ex dictis erui duntaxat  
 potentiã efficere homines similes Deo,  
 sed similitudine majori assimilantur

homines Deo ratione virtutis moralis. Præterea Seneca inquit, quod Deus conditor orbis potentiam, & odium posuit simul, ad hoc, ut innueret, potentiam, & imperium odium sibi conciliare sæpissime. Quænam autem felicitas in odii seminario?

Objicies tertio: felicitas, ut sit talis, debet omnia bona simul continere; sed his omnibus solent virtuosæ carere; ergo per virtutem non pervenitur ad felicitatem objectivam Deum. Major patet tum ex definitionibus datis ex Boetio, & Cicerone, tum ex varijs exemplis, quæ omnia possunt exprimi in desiderio Lucij Metelli, qui decem desiderabat, scilicet esse Imperatorem fortissimum, fortunatissimum augurem, præclarissimum sapientem, summè honoratum, maximum Senatorem, primum bellatorem, filios relinquere plures, esse oratorem eloquentissimum, invenire magnos Thesauros sine fraude, & bonò modo, & esse clarum in Civi-

ta.

tate. Hæc omnia , ut mente retineas;  
hæc tibi carmina dono.

*Imperio, Augurio, Sapientia, Honore,  
Senatu.*

*Bellator, Pater, orans, Dives, Notus in  
Urbe.*

Respondetur hæc omnia , ut infra patebit, esse adminicula fælicitatis huius vitæ . Pro plena argumenti solutione satis erit advertere , quod laudato Lucio Metello quævis decem relata feliciter evenerunt, juxta id, quod optarat ; nec tamen perinde felicitatem invenit, cum enim illa omnia habebat , appetebat perseverare in ijs , quod non fuit illi concessum , nec per virtutem moralem poterat quietem reperire , qui virtute morali carebat , ut suppono ex Theologia, in qua cum Augustino , concluditur nullam veram perfectam virtutem moralem in Gentilibus extitisse , sed sic .

## ASSERTIO SECUNDA:

*Felicitas formalis in hac vita habetur per amorem Dei, ut fontis totius virtutis, & honestatis.*

**P**robatur primo ex D. Thomæ prima parte *quæst.* 82. *art.* 3. melior est amor eorum, quæ sunt supra nos, quam cognitio eorum, sed solum per amorem fontis virtutis, & honestatis habemus amorem Dei, qui est supra nos, ergo per huiusmodi amorem habemus quid melius omni eo, quod potest haberi in hac vita, & ipsa Dei cognitione, atqui felicitas consistit in hoc, quod est habere aliquod, quo melius excogitari non potest; ut notavimus cum D. Anselmo, ergo felicitas formalis, seu actus ille, quo possidetur felicitas objectiva, consistit in amore Dei, &c. ut supra.

Propositio D. Thomæ patet, sed  
&

41  
& probatur, quia fœlicitas est conjunctio potentiae cum ultimo fine, sed in hac vita non possumus habere aliam conjunctionem cum Deo, vel cum ultimo fine, quam conjunctionem per amorem, seu unionem affectivam, ergo melior est in hac vita amor Dei, quam cognitio ipsiusmet Dei, & hinc est, quod ordo Seraphinorum sit perfectior ordine Cherubinorum, quia Seraphim dicti sunt ab ardore, seu ab amore Dei, quando erant in via, nempe, antequam assequerentur beatitudinem; & quia tunc expediebat Deum amare, plusquam illum cognoscere, ideo illi Angeli, qui magis amaverunt Deum in via, præpositi sunt ijs, qui cognoverunt Deum, tametsi plenitudine scientiae, unde ortum habet hæbræum Cherubim nomen.

Probatur secundo: Fœlicitas debet consistere in aggregatione omnium bonorum, secreta quavis afflictione, unde fœlicitas formalis est possessio talium bonorum, sed solum per Dei amo-

amorem modo superius explicato  
 possumus consequi sine afflictione,  
 quælibet bona; ergo fœlicitas formalis,  
 in hac vita habetur per amorem Dei,  
 ut fontis totius virtutis, & honestatis.  
 Probatur minor, quia in Deo sunt  
 omnia bona eminenter, scilicet depu-  
 ratis imperfectionibus, ut loquuntur,  
 & probât Theologi, ac solus ipse potest  
 quietare, & satiare hominis appetitû,  
 ut nulla ipsi remaneat afflictio. Pro-  
 batur secunda pars, quia si appetitus  
 hominis habeat, quidquid appetit, ta-  
 men semper angitur ex defectibilitate  
 ipsius: puta si cum Euripide pulchra  
 uxore dixerit se reddi beatum, dolet  
 ex canitie, quæ deturpatura est ipsam;  
 si cum Crisippo ædificijs amplis, ter-  
 ræ motus timet; si cum Epicuro, Ari-  
 stippo, & Cyrenaicis voluptate cor-  
 poris se credat felicitandum, dolorem  
 percipit ex morbis, quos inde prævi-  
 det se contracturum, si sapientiam,  
 vel virtutem, vel ideam cum Pla-  
 tone, tamquam ultimum finem desi-  
 de-

deret, anxietatem concipit, ex eo quod corporis infirmitate poterit, vel ipsam sapientiam, virtutem physicam, & ideam deperdere. Una virtus moralis ea est, quæ satiat hominis appetitum, nam licet possit ipsa deperdi, attamen quietat voluntatem, quæ, amore amati fontis virtutis, & honestatis, delectatur ex eo, quod in ejus sit potestate illam deperdere, vel non. Qui amicos amat terrenos, affligitur ex eo, quod veretur quandoque, ne amicus evasurus sit infidelis, sed qui Deum amat, ut fontem totius honestatis, & virtutis, quiescit in eo, quem scit ipsi servaturum fidem, si prius ipse non dereliquerit Deum.

Dices hoc est asserere virtutem moralem correspondentem charitati perfectæ, ergo, &c.

Respondetur amicitiam virtutem moralem satis esse ad causandam felicitatem naturalem, eo modo, quo dicunt quidam Theologi (quibus ego non adhæreo) pueros deceden-



dentes sine baptismo post diem iudicii, habituros sælicitatem naturalem, & dilecturos Deum, ut authorem naturæ, nec inde percepturos aliquam afflictionem ex impotentia habendi felicitatem supernaturalem: habebunt enim in eorum Theologorum sententia, & felicitatem naturalem, & uniformitatem cum voluntate divina.

Præterea non possumus admittere propositionem vigesimamnonam in Quesnelio damnatam, asserentem, quod extra Ecclesiam nulla concedatur gratia; ex quo fit, quod qui habet virtutem moralem amicitia, amando Deum, ut Authorem naturæ, habiturus sit gratiam, qua vel tandem deveniat in fidei cognitionem, usque dum possit salvari, ut sentit Angelicus, vel eo tempore, quo habet huiusmodi virtutem, habet bonum in quo quietatur.

Probatur tertio ex Anselmo lib. 2. *cur Deus homo*; *Perversus ordo est amare, ut intelligas: rectus est ordo*



*intelligere, ut ames; ergo ultimus finis hominis debet esse amor boni, quo majus excogitari non possit. Probatur autem, quia ordo operantis propter finem, debet esse ordo rationalis, & propterea debet ponere media, quæ conducant ad assequendum finem, & non assumere media ipsa pro fine; medium autem, quod conducit ad amorem Dei, est intellectio Dei. Si enim Deum non intelligas, nec ipsum quibus amare; Mystica enim docet Deum, non discurrendo, non tamen non cognoscendo, quandoquidem nihil volitum, quin præcognitum (tamen si aliqui Recentiores in hoc difficultatem sentiant, sed non est hujus loci hos impugnare) si ergo intelligimus Deum, ut ipsum amemus, jam ponemus medium opportunum ad assequendum finem, at si amemus in hac vita Deum, ut in hac vita Deum intelligere valeamus, nec ordinate procedemus, nec voti erimus compotes.*

Dices ex Aristotele 10. Ethicorum

rum Intellectus est altissima potentia animæ, ergo magis in intellectu-  
ne Dei, quam in ipsius amore pote-  
rit anima felicitatem habere.

Respondetur dictū Aristotelis intel-  
ligendum hoc pacto, quod ratione ob-  
jecti universalioris intellectus sit po-  
tentia altior, quàm voluntas, & ideo  
Thomistæ bene defendunt in patria  
haberi beatitudinem per intellectu-  
nem Dei, vel primæ veritatis, comple-  
tentis tamen etiam rationem boni;  
atqui, quoniam in via non potest quis  
talem veritatem intuitivè attingere,  
erit miserrimus semper, si velit sapere,  
plusquam oporteat sapere, & studio-  
sitate non fugiat, nempe vitium il-  
lud, quo aliquis plus studet, quam de-  
bet studere. Quisquis ergo virtute  
moralī præpollet, habet virtutem ip-  
sam, adhuc studiositatem dictam, qua  
studet, quantum debet studere, & dele-  
ctatur si mili studio, delectatione conse-  
quente ad ipsam virtutem, ut in quæ-  
sitione sequenti de virtutibus osten-  
demus.

Ob.

Objicies primo ex Aristotele 10.  
 Ethicorum *cap.* 2. ridiculum est quæ-  
 rere, cur quis velit delectari; ergo de-  
 lectatio, siue voluptas est illud, quod  
 homo ultimo quærit; media enim  
 quærentur, ut habeatur ultimus finis,  
 quæritur autem ultimus finis per se  
 ipsum, ergo felicitas consistit in volu-  
 ptate.

Respondetur textum Aristotelis  
 intelligendum sano modo, nempe, quod  
 delectatio sit quid consequens opera-  
 tionem. Natura enim operationi dele-  
 ctationem conjunxit, ut delectatio  
 magis alliceret ad operandum, & ideò  
 maximam in venereis delectationem  
 apposuit, ut homo generationi at-  
 tenderet naturæ maximè necessariæ,  
 atqui hæc operatio non in omnibus  
 debet, ut ultimus finis constitui, sed in  
 brutis puta, & in homine per id, quod  
 habet commune cum brutis, in acti-  
 bus illis; prout homo vero supra  
 quævis extollitur, operationem, ulti-  
 mum finem, amorem Dei ut supra,

E

de

debet inquirere, & ità beati.

Obijcies secundo : bene dixit Hiero cum Diodoro felicitatem omnem consistere in privatione doloris, & consequenter in apprehensione de sanitate juxtà illud Augustini lib. de bono conjugali, in quo asserit meliorem esse sanitate, & habere staturam Zacchæi, quam sine sanitate habere staturam Gigantis.

Respondetur hæc omnia solum probare, quod bona sit Sanitas, non tamen, quod felicitet voluntatem humanam, quæ non potest reperire quietem, nisi in illo, quod ità proprium est hominis, ut non sit commune cum brutis, quemadmodum sanitas, & doloris carentia.

Obijcies ultimò summè delectantur homines, dum se pulchros esse considerant, undè narratur de Narcisso, Acanto, & aliis eos transformatos in flores, ad denotandum quod propriæ pulchritudinis delectatio mortem illis intulerit, ut vehementes de-  
le-

lectationes consueverunt efficere, & certe benè Virgilius 5. *Aeneidos* cecinit.

*Gratior est pulchro veniens in corpore virtus :*

Respondetur fabulosam felicitatem posse in tali felicitate consistere, cæteroqui, qui veram vult beatitudinem, non eam quærit in re, quæ est apta membrorum compositio cum suavitate coloris, & propterea facile destruibilis, nec in hominis potestate est, ut habeatur; cum ipse nempè Deus fecerit nos, nō ipsi nos fecerimus. *Psal. 99. ipse fecit nos, & non ipsi nos.*

## CAPUT SECUNDUM.

### *De Adjutoriis Felicitatis.*

**E**X dictis jam patet bona externa non pertinere ad essentiam felicitatis, sed adhuc est quæstio, num illa conducant ad felicitatem habendam, vel defleant ab ipsa. Stoicī

E 2

cum

50  
cum Seneca derident felicitatem Peripateticam, quæ adsciscit bona externa, tamquam adjutoria ipsius; sed pro solutione sit

## A S S E R T I O

*Bona externa sunt adjutoria felicitatis  
in homine Politico, non verò in per-  
sona privata.*

**P**Robatur prima pars, quæ est Aristotelis primo Ethicorum cap. 8. quia bona externa deserviunt ad defendendam Rempublicam, & ad exercendas virtutes, quæ Reipublicæ sunt necessariae. Certe magnanimitas non potest, nisi inter honores haberi; nec justitia distributiva ullo modo relucet in eo, qui non potest distribuere præmia, Temperantia utique magis dictatur exemplo ejus, qui inter convivia sobrietatem conservat, quam inter misérias. Magis profuit Ægypto ditissimus Ptolomæus, qui, & libris, & pla-

& planispherio, cœlisve mirabili virtute, & summo pretio artefactis, astronomiam docuit, quam Diogenes in dolio, vel Demetrius mendicans.

Gymnosophistæ poterant inter convivia sobrietatem docere, nō cini-  
ci. Philotimia, quæ est ordinatus amor honoris, potest obedientiam à subditis expectare; si tamen, qui imperat, sui honorem non curet, vix habebit ullum, qui ei velit parere.

Probatur secunda pars, quia bona externa tunc bona sunt, ut vidimus, quando distribuuntur, & quis bene utitur eis, sed persona privata non habet, cui distribuat, nisi sit pars Reipublicæ, sive homo Politicus. Qui enim sibi vivit; contentus, est paucis, & potest quiescere in animo prono ad virtutes; potest enim ex D. Th. quis liberalitatis virtutem habere, habendo propensionem ad largiendum, si habeat, ergo tota felicitas potest sine bonis externis ab homine considerato non ut parte Reipublicæ haberi. Res-

publica enim etiam ex personis privatis componitur; non tamen ex iis, qui vivunt soli, & separati in mundo.

Obijcies primo non potest felicitas hominis haberi ab iis, quæ à casu, & fortuna dependent; sed bona externa à casu & fortuna dependent, igitur non potest à bonis externis haberi felicitas,

Respondetur bona fortunæ non esse ex cæca quadam deitate, ut fabulatur antiquitas, sed esse à provida Dei sapientia, quæ, tametsi videatur quandoque indignis hæc bona largiri, revera tamen bene dispensat unicuique, vel digno in præmium veræ virtutis, vel indigno, ut Dei providentiæ obligatus, respicere tandem excogitet. Felicitas itaque hominis est adjuncta bonis externis, quæ quando à Dei sapientia immittuntur, tunc beant animam gratias Deo naturæ authori referentem, cum verò deneantur, tunc remanet essentialis felicitas, quæ (veluti probatum est) consistit.



sistit in amore fontis totius virtutis , & honestatis, qui amor , non à fortuna , sed à propria hominis voluntate liberè emanat .

Objicies secundo , etiam homini privato , non , ut parti reipublicæ æstimatur , quod bona externa adeò sint necessaria , ut quisquis caruerit illis , nullimodè possit sælicitatem habere ; quia donec anima est in corpore cum intelligendo , tum in amando pendet à corporeis organis , quæ servari non possunt sine bonis externis .

Respondetur sælicitatem servari essentialiter adhuc inter miseras , inter dolores , inter angustias , vel enim dolores animam à corpore separant , & tunc prædictus amor , & habitus virtutis quicumque cum anima à corpore separati animam sælictiorem reddunt , ut advertit Thesaurus in morali Philosophia , vel ut ipsemet addit , dolores recedunt , & anima se feliciorem existimat ex reportata

victoria, quin doloribus perseverantibus ipsis anima intra se colligit totam, & tanquam in suæ innocentiae arcâ, secunda dolores non sentit, vel, si corpore sentit, non anima se intelligit miseram.

## C A P U T U L T I M U M .

### *De Proprietatibus Felicitatis naturalis.*

**Q**UINQUE numerantur proprietates felicitatis naturalis, scilicet primo summa voluptas, secundo summus honor, tertio perpetua inamissibilitas, perpetuitas nempe indefectibilis, nisi quando voluerit ipsa voluntas perdere habitum virtuosum, quarto vita summè beata, quæ, licet videatur confundi cum ipsa felicitate, tamen felicitas ipsa non est; quia felicitas dicit aliquid commune cum corporibus; habent enim etiam corpora suam propriam felicitatem; jumen-

menta enim delectantur ex cibis convenientibus illis, non ita homines, qui solum actibus internis satiantur. Quinta proprietas felicitatis est se sola esse contentam, seu sibi soli sufficere.

Breviter de primis discurremus: Summa voluptas non constituitur per delectationem sensitivam, sed per delectationem congruam naturæ rationali. Rationalia enim utuntur delectatione sensitiva solum, ut condimento, non tamen, ut cibo, quemadmodum animalia irrationalia in sensitiva delectatione ultimum adinveniunt finem. Ex Aristotele primo Ethicorum capite octavo bona optima homini sunt bona animi, & in ijs maximè anima voluptatem adinvenit.

Summus honor est summa illa æstimatio, quæ personæ debetur; & homini virtuoso, ut notat ipse Aristoteles, non solum debetur honor, sed etiam laus, nam laus respicit actiones; honor verò personas; Hinc

Deo

Deo magis convenit honor, & adoratio, quam laus; si enim Deus non ageret ad extra, tam pulchra creando, etiam esset summè felix, quia contempleretur seipsum, & seipsum amaret. Unde laus ipsi debetur ex operibus ad extra, eaque non haberetur, si Deus nihil extra se poneret; sed benè haberetur summus honor, quia adhuc esset persona digna, quam unusquisque honorare deberet, si esset in rerum natura.



QUÆ.

# QUÆSTIO SECUNDA:

*De Virtutibus.*

## CAPUT PRIMUM:

*Quid sit virtus.*

### ASSERTIO PRIMA:

*Virtus est habitus electivus consti-  
stens in medietate quo ad nos,  
determinata ratione,  
prout sapiens di-  
staverit. Est  
Aristotelis.*

**U**T hæc firmetur assertio, operæ  
præteritum est prænotare, quod  
tria sint principia operandi, scilicet  
potentia, passio, & habitus, quo-  
niam virtus est principium virtuosè  
operandi, ideo videndum est, quænam  
ratio principij, ipsi conveniat, qua  
pro:

propter dicendum erit, quid sit potentia, quid passio, & quid habitus, ut inde colligi valeat; inter quænam principia virtus sit collocanda? hinc

Præmitto primo, quod potentia sit principium eliciens operationem, sic voluptas dicitur potentia, quia elicit volitionem. De quidditate, & numero potentiarum spectat ad Animasticam pertractare. De passionibus autem debet Philosophus moralis plenè discurrere, & idè de virtutibus, virtus enim moralis est, quæ regulat passiones animi.

Præmitto secundo *Passio* est motus inclinans, & excitans potentiam ad operandum. Duplex est potentia appetitiva in homine, scilicet concupiscibilis; & irascibilis. *Potentia concupiscibilis* est ille appetitus, circa bonum, qui inclinat potentiam concupiscibilem ad sui objectum, nempe ad bonum. Tres passiones dantur, videlicet amor, desiderium, & delectatio. Quoniam vero ipsa potentia ap-  
peti-

petitiva non potest consequi semper bonum, quod concupiscit propterea dantur tres passionēs circa malum retardans à consecutione huiusmodi boni, scilicet odium, fuga, & tristitia.

*Amor* itaque est illa complacentia de bono, quod amatur.

*Desiderium* est motus, vel conatus ad bonum, quod quis consequi amat.

*Delectatio* est quies, vel unio cum objecto amato, quod quis est consecutus.

*Odium* est displicentia de malo, retardante à consecutione boni.

*Fuga* est conatus, vel displicentia, cum motu detestante illud malum, quod quis odio habet.

*Tristitia* est ille motus, quo quis se affligit, & perturbatur ex malo, quod fugere nequit.

*Appetitus irascibilis* est datus homini ad propugnandam potentiam concupiscibilem. Quia enim homo non potest semper consequi bonum,

quod

quod concupiscit, ideò conatur illud  
consequi bonum. Pro tali conatu  
quinque sunt motus, vel passionēs,  
quibus anima cum potentia appetiti-  
va conatur consequi bonum, vel vi-  
tare malum. Eæ autem passionēs sunt  
spes, & desperatio, Timor & Audacia,  
& Ira.

Desperatio est, quando potentia  
intellectiva, vel volitiva appetitiva  
non invenit modum, vel medium  
conducens ad consequutionem boni.

*Audacia* est motus ad illud me-  
dium arduum, & difficile, quod quis  
petit assumere ad consequendum bo-  
num.

*Timor* est motus, quo aliquis non  
valet modum, vel medium excogi-  
tare, valens ipsum retrahere à malo,  
unde accidit talis motus.

*Ira* est motus, vel passio, qua  
quis conatur vindictam sumere de eo,  
quod impedit consecutionem boni.

Præmitto tertio: Habitus est di-  
spositio potentiæ ad operandum be-  
ne,



ne, vel male. His præsuppositis. Probatur conclusio, quoad primam partem. Virtus non potest dici potentia, quia virtus non est à natura indita, ut v. g. voluptas, vel potentia visiva, neque est passio, quia, ut bene advertit Aristoteles; passio est naturalis, & non sponte, nec digna laude vel vituperio. Non enim censentur digni laude, qui irascuntur, sed qui irascuntur, quando debet irasci; ergo virtus est habitus.

Probatur secunda pars, scilicet quod virtus sit habitus *electivus*, quia hic agimus de virtute morali, quæ est dispositio voluntatis ad volitionem optimam, quæ etiam fit per electionem optimam, & non à casu; nec naturaliter.

Probatur, quod virtus sit inmediate consistens; nam virtus opponitur vicio per excessum, & defectum, & quemadmodum attingere medium signi quæsitum à Sagittario, & invenire medium centri cum Mathematico.

co difficillimum est, ita etiam virtuosè agere de difficili habetur, quare pauci sunt, qui medietatem attingunt.

Addit Aristoteles, quoad nos, ad exprimendum duplex dari medium. *Medium rei* est illud, quod revera servat æqualem recessum ab utroque extremo, & qui hanc servat proportionem, dicitur servare proportionem arithmeticam, quemadmodum numerus, qui pariter recedit à numero inferiori, & à numero superiori; v. g. sex inter duo, & decem per quatuor distans à 2., & per quatuor accedens ad numerum denarium.

Medium, quoad nos est, quod servat proportionem Geometricam, nempe non habet omni modam æqualem distantiam ab extremis, sed aliquantulum servat distantiam eandem, sic sunt 9., & 6., & 9., & 4., qui dicunt proportionem sexquialteram, nam quemadmodum sex continet quatuor, & medietatem quaternarij, sic etiam

novem continet sex, & medietatem Senarij.

Apponitur ab Aristotele illa particula *determinata ratione*, quia ratio debet determinare medietatem illam, quæ constituit virtutem; nomine autem rationis Ethici intelligunt cognitionem rerum, & scientiarum naturalium.

Quod in definitione demum adijcitur, *prout sapiens dictaverit*, designat determinationem, vel dictamen habendum à sapientibus, & non à propria uniuscujusque voluntate, ubi adverte, quod nomine sapientis hic non intelligitur, qui cognoscit per causas altissimas, ut sapiens à Theologis definitur, sed intelligitur prudens.

Nota nomine habitus hic nolle me controvertere, num intelligatur qualitas quædam, vel affectio disponens ad bene, vel male operandum, ut Peripathetici in Metaphysica probant, vel sit quoddam vestigium impressum in potentia, vel in organo

F

COR-

corporeo consistente in quibusdam fibris tenuibus, & partibus subtilibus, ut recentiores contendunt, sed satis mihi est affirmare quidquid sit hujusmodi qualitas, esse lumen quoddam, ut & recentiores plerique consentiunt, quo removeantur caligines, & impedimenta, quæ retardant potentiam ab opere virtuoso.

## CAPUT SECUNDUM.

### *De Proprietatibus Virtutis.*

**P**roprietates virtutis expedit exprimere per ethimologiam ipsius virtutis, & varia nomina competentia ipsi, & per definitiones, quæ circumferuntur de ea; sic enim assequimur cognitionem proprietatum virtutis, & omnia prædicta.

Virtus itaque benè à Græcis dicitur *areti*, vel a verbo græco *arefco*, quod significat placeo, vel placo, ex quo bene colligitur virtutem placere,

ca

ea enim est, quæ homini placet: ea etiam placat; nam quisquis est perturbatus, virtute solum placatur: vel dicitur a græco verbo *aris*, quod significat martem, vel propugnaculum, aut antemurale: eo se valet homo defendere ab externis, & internis hostibus.

Crediderim verius græcam vocem *areti* significationem, vel originem trahere à græco verbo *aro*, quod significat *apto*; virtus enim, est quæ aptum hominem reddit, & idoneum ad virtuosè operandum; unde ab Aristotele definitur dispositio perfecti ad optimum.

Ex hinc deducitur illa proprietas virtutis, quæ dicitur facilitas, & illa etiam, quæ vocatur jucunditas. Ex Emmanuele Thesauto quatuor sunt proprietates virtutis, nempe honorabilitas, facilitas, jucunditas, & uniformitas in actibus virtuosis.

Assignantur à Duhamel in Philosophia Burgundica tres aliæ proprie-

tates virtutis, nēpè mediocritas, connexio, & oppositio cum vitio. Juvat ex data definitione Aristotelis, & ex nostra ethymologia colligere has proprietates, quod consideranti patebit.

Maxima est controversia de connexionione virtutum. Divus Thomas dicit virtutes ita esse connexas, ut una sine alia reperiri non valeat: Contrarium Scotus affirmat; nos brevitati attendentes breviter stabiliemus virtutem temperantiae, & heroicam virtutem esse necessario connexas, non, verò virtutem continentiae, pro quo notandum est, triplicem esse statum virtutis, v3. primò *incipientium*, qui ab Aristotele dicitur *continentia*; secundo *proficientium*, qui dicitur *status temperantiae*, tertio *heroicum*, qui & *heroicus* dicitur. Incipientes non habent virtutes connexas; si enim aliquod impedimentum eveniat; jam virtus eorū deficiet. Virtus verò in statu temperantiae inter impedimenta est firma, & constans, & virtus in statu heroici

co addit ad illam, facilitatem ad omnia impedimenta tollenda ; ita ut jure fundè , & facile impedimenta vincantur .

Pro responsione ad argumenta , satis est adnotare , quod si aliquando justus v. g. ex defectu fortitudinis , quia nempe temerarius , & nimis audax , minus continens justitiæ actum exercet , non habet veram justitiam , & perfectam in statu temperantiæ , vel heroico ; dabitur enim casus , quod in alijs circumstantijs ex defectu ejusdem fortitudinis deferret actum justitiæ .

Secundo . Vicia non dicunt connexionem , quia fundantur in extremis , & potius opponuntur , immò aliquando mutuo se destruunt ; virtutes autem respiciunt idem medium , & habent pariter pro objecto coercere passiones animum perturbantes .

Tertio amissa una virtute non amittitur alia , quoad habitus famu-

lantes, seu quoad phyficas entitates, sed benè amittitur secundum rationem prudentiæ, quæ debet semper determinare, quænam virtus sit exercenda, & habebit absolutum dominium, nec virtutes benè erunt infervientes, quando ratio non simul habebit omnes subditas sibi.

Quarto Alexander habuit fortitudinem sub aliquo respectu heroicam, sed non absolutè, & simpliciter talem. Quando enim intemperantiæ se dedit, tunc fracta est aliquantulum fortitudo ipsius. His præjactis benè inferitur virtutem esse dispositionem ad optimum. Non enim est optimus actus virtuosus, qui non habet sibi adjunctas quascumque virtutes. Inferitur etiam competere virtuti facilitatem, & jucunditatem. Quisquis enim est dispositus, & aptus ad optimum, non invenit difficultatem ad superanda impedimenta, nec allicitur voluptate corporea jam fugata per omnes virtutes morales, & solum in honesto



voluptatem omnem adinvenit.

Alia definitio virtutis coincidens cum allata hæc est : virtus est mediocritas extremorum, & hanc definitionem afferunt Basilii, & Hieronymus, & etiam Horatius.

Authoritates Basilij, & Hieronimi vide in commentarijs ipsorum in Isaiam; sed brevis autoritas Horatii referatur hoc carmine.

*Virtus est medium vitiorum utrinque redactum* : Hæc mediætas in causa est, quod virtus sit dispositio perfecti ad optimum, quia optimum est illud, quod a pessimo maximè distat, & ita medium distat maximè ab extremis, ut virtus à vitijs. Et hinc bene colligitur alia proprietas virtutis, nimirum oppositio cum vitijs; tot enim ferè sunt virtutes, quot vitia, quæ opponuntur ijsdem; unde Theologi dicunt peccatorum speciem desumi à specie virtutum, quibus peccata opponuntur; sic avaritia est quoddam vitium specie distinctum a pro-

digalitate, quia avaritia opponitur liberalitati, quæ respicit dare, ut decet, & non minus, ut avaritia. Prodigalitas verò opponitur Parcimoniæ, quæ respicit retinere, quantum oportet, & non minus, sicuti prodigalitas. Quantò autem aliquid magis opponitur vitio, tantò magis est bonum, & ideò virtus, quæ opponitur extremo per excessum, & extremo per defectum, est optima.

Colligitur etiam honorabilitas; optimum enim est debere honorari; non enim est virtuosus, qui honoratur, sed qui honorari debet.

Proprietas etiam conformitatis in actibus demonstrat optimam esse virtutem, quia virtus est principium, & radix perfectionis, ut loquitur Aristoteles.

Virtus dicitur latine a viro, ut asserit Cicero lib. 2. Tusculanarum quaestionum, & bene quidem, quoniam virtus solum, moralis nempe, de qua hic loquimur, distinguit hominem à

non

non homine, virtus enim intellectua-  
lis competit etiam dæmoni, non sic  
virtus moralis.

## CAPUT TERTIUM.

*De causis, & Divisione Virtutum  
moralium.*

**T** Res sunt causæ producentes vir-  
tutem moralem ex Aristotele,  
scilicet exercere actum illius virtutis,  
a quo magis recedit illud vitium, ad  
quod homo inclinatur, secundo decli-  
nare à vitio, juxta illud Davidis *decli-  
na à malo, & fac bonum*; tertio abstinere  
à voluptatibus corporeis. Hæc  
omnia facile obtinentur, si servetur  
medietas; dicit enim Alexāder Aphro-  
disæus vetustissimus commentator  
Aristotelis, quod si quis velit se to-  
tum convertere ad extremum illud  
virtutis, quam vult assequi; non ha-  
bebit intentum. Velut enim, qui  
vult rectum facere lignum declinans

ad

ad dexteram, flectit illud ad sinistram, non tamen totaliter, ne illud frangat, sic, qui inclinatur ad Avaritiam, non debet tantum flectere ad actum virtutis Liberalitatis, ut accedat ad Prodigalitatem, sed potius dare, quod est proprium prodigalitatis, quam retinere, quod est proprium avaritiæ.

Virtutes morales quatuor præcipuè assignantur a Platone lib. 8. de Republica, ab Aristotele lib. 7. Politicorum, & ab alijs, sed nobis satis est adnotare dictam divisionem ex Augustino, utpote conducentem ad confirmationem nostræ assertionis de beatitudine consistente in amore Dei.

Dicit Augustinus de moribus Ecclesiæ cap. 15. quod, si virtus ad vitam beatam nos ducit, nihil esse, omnino virtutem affirmavero, nisi summum amorem Dei, ut temperantiam dicamus amorem Dei sese integrum, incorruptumque servantem, fortitudinem amorem Dei omnia facile perferen-

rentem, iustitiam amorem Deo solum  
servientem, & ob hoc bene imperan-  
tem cæteris, quæ homini subiecta  
sunt; Prudentiam verò amorem di-  
scernentem ea, quibus aditur in Deum  
ab ijs, quibus impediri potest: Ratio  
datæ divisionis est, quia virtus mora-  
lis quærit optimum, & per pruden-  
tiam cognoscit, quod sit optimum,  
per temperantiam optimè sedare pas-  
siones magis præcipites, per fortitu-  
dinem metus irrupentes, & per ju-  
stitiam, quæ spectant ad alterum.

## CAPUT QUARTUM.

### *De Prudentia.*

**P**rudencia ab Aristotele definitur  
habitus vera ratione activus eo-  
rum, quæ homini sunt bona, vel ma-  
la. Dicitur habitus, quia est revera  
facilitas modo explicato, & vera ra-  
tione activus, non quod Prudentia ve-  
ritatem semper attingat, sed quia pru-  
dens

dens verum quærit, & quod verosimilius est, semper amplectitur. In hoc differt Prudentia a scientia, quia scientia est de rebus veris, æternis, & necessarijs; Prudentia verò est de verosimilibus, & contingentibus, unde prudens sæpè fallitur, sed non vertitur vitio ipsius hujuscemodi error; assimilatur enim medicinæ, & nauticæ. Non dicitur malus medicus, qui dat medicamentum infirmo, ex quo medicamento, juxta regulas artis, debet convalescere æger, sed si medicamentum non sit bene aptatum juxta circumstantias, quas potest inspicere; sic etiam Nauta si naufragium illud non vitet, quod juxta regulas artis vitare non potest, adhuc dicitur bonus Nauta.

Prudens ex Isidoro dicitur quasi porro videns, non quòd certè videat omnes circumstantias, quæ intrà cor hominis latent, sed quia videt eas, ex quibus verosimiliter elicitur indoles illius, quocum est acturus; ex hoc

hoc enim maximè prudentia dependet. Potest utique prudens ex ore, vultu, gestu, & sermone conijcere affectus eorum, cum quibus conversari debbit, sed aliquandò homines ita fingunt, ut vix eorum natura conijci possit. Atqui etiam Tiberius, qui occultissimus erat, cum laudare debuit Germanicum, & Drusum, in laude Germanici demonstravit se dissimulare, non tamen in laude Drusi, quem verè amabat.

Dicitur Prudentia habitus activus eorum, quæ homini sunt bona, vel mala, quia prudentis est videre, quænam virtus in aliquo casu bene sit exercenda, quænam malè, licet enim virtus semper sit bona, non tamen eadem convenit semper.

Definitur etiam ab Augustino Prudentia rerum ab homine expetendarum, & fugiendarum scientia. Debet quippè prudens videre, quænam debet expetere, quænam fugere debeat; ac propterea observandæ sunt

fin.

singulæ partes prudentiæ, ut eam adipisci possimus.

Partes potentiales prudentiæ, vel munera, vel actus illius, vel virtutes prudentiæ affines sunt tres, videlicet Eubulia, Synesis, & Gnome.

*Eubulia*, seu bona consultatio, est investigatio mediorum, quæ apta sunt ad consequendum finem, quærendo consilia. Finis debet semper præponi æquus iniquo, honestus utili, utilis dulci; & quoniam nos, vel ex prava inclinatione, vel ex ignorantia, vel ex mente præjudicata finem nescimus semper bonum dignoscere, nec media callemus, quæ conducunt ad finem, ideo nos debemus consilium petere, ut monet Salomon passim in libris proverbiorum, & Ecclesiastici. Præcipitatio est illa, quæ opponitur huic virtuti, & proinde nos debemus non præcipitare iudicium, & deliberationem elicere, sed plura consilia petere, vel intra nos ipsos conferendo media, quæ possunt conducere ad finem,

nem,



nem , vel consilium petendo à doctis ; timoratis , & nullo affectu præjudicatis in porrigendo consilia .

*Synefis* est expedita , & prompta facilitas inveniendi media , vel consilia conducentia ad assecutionem finis præscripti . Hæc virtus est potius à natura insita , quam arte acquisita ; licet quandoque ex frequentatis actibus possit haberi .

*Gnome* est virtus illa , quæ exequitur consilium , quod optimum judicavit ; cum enim prudens per Eubuliam primo consilia indagaverit , secundo per *Synefim* cognoverit , quodnam inter illa , quæ præmeditatus est consilia , optimum sit , tandem devenit ad executionem illius , quod optimum censuit .

Ut in hac parte prudens se optime gerat , debet illud consilium exequi , quod non propria passio , neque consiliarij affectu optimum censet , sed quod juxta regulas morum , & dat in hoc prudens consilium Emmanuel  
The,

Theſaurus, quo Reges præſertim uti debeant; ſed & privatae perſonæ accommodare ſibi optimè poſſunt; hoc autem id eſt: non debet conſilium petens omnes circumſtantias exponere, & aliquando conſilium petat, tamquam de caſu poſſibili, non de facto; ſic enim continget, quod conſiliarius non ex proprio affectu illius, circa quem agit, conſilium porriget, & ſi aliqua circumſtantia variatur, non ea variatur; quæ pertinet ad ſubſtantiam rei, benè tamen illa, quæ accidentalis eſt, & ita fiet, ut ſi ſecretum revelatur à Conſiliario, dignoſcatur, quinam Conſiliarius ſeorſim quæſitus ſecretum alijs aperuerit. Hoc totum video in parabola, qua Nathan monuit Davidem de ove &c., quod fieri poteſt in conſilijs petendis, quemadmodum à Propheta factum in admonendo Davidem.

Partes integrales prudentiæ ſunt illæ, ſine quibus Prudentia integra reſcenſeri non poteſt: ex Diyo Thoma  
qu,

numerantur octo , & ita communiter  
tot admittuntur; sunt autem hæ : In-  
telligentia , Memoria , Solertia , Do-  
cilitas , Ratio , Providentia , Circum-  
spectio , & Cautio .

Intelligentia respicit præsentia ,  
quemadmodum enim intellectus spe-  
culatiuus est habitus primorū princi-  
piorum speculabilium , ita Intelligen-  
tia moralis est habitus primorum  
principiorum moralium . Ut quis igi-  
tur habeat huiusmodi virtutem , de-  
bet scire prima principia moralis , &  
maximas illas , quas docent leges , vel  
Philosophi morales , vel Græci sapien-  
tes , vel Patres , vel ipsæ scientiæ na-  
turales , ex quibus homo deducit illa ,  
quæ spectant ad mores : Ex notitia  
enim plurimarum virtutum , puta  
animalium homo benè deducit , quæ ipsi  
conveniunt , cum hoc tamen discrimi-  
ne , quod proprietates animalium non  
sunt virtutes morales in ipsis , neque  
laudabiles , quia non intentæ volun-  
tariè ab ipsis , sed ex instinctu na-

G

tu.

turæ, scilicet providentiæ divinæ, quæ dictavit, v. g. ciconiæ pietatem, ut ex inde homines pietatem addiscant. Proverbia etiam conducunt ad intelligentiam eorum, quæ ad mores spectant, & hæc omnia in singulis virtutibus adnotanda, ut primâ hæc Prudentiæ obtineatur virtus.

Memoria est pars illa prudentiæ, quæ præterita respicit, dum nempe prudens comparat ea, quæ præterita sunt cum præsentibus, de quibus deliberationem debet elicere, & ex eventu, vel prospero, vel infelici, quem servat in similibus contigisse, bene conicit, quid agere valeat. Prudentia enim est recta ratio agibilium; ea autem quæ agenda sunt, sæpe acta conspiciuntur juxta illud; *Nil sub Sole novum*. Consideret ergo prudens quomodo res acta sit in simili casu, & deinde deliberet. Docilitas est promptitudo illa, qua aliquis facile audit præcepta magistri, & hæc maximè conducit ad prudenter agendum. Prout Docilitas pars est  
pru-

prudentiæ, est prona illa voluntas ad audiendum præcepta magistri, & inclinare aurem cordis ad imperata, ut loquitur meus Benedictus in Regula. sine enim h. m. patientia in audiendo, non habebitur facile opus.

Solertia est vis quædam, seu facilitas percipiendi ea, quæ sunt media opportuna, & ab aliquibus dicitur Eustochia, licet Eustochia proprie sit celeritas inveniendi media conducentia ad finem in ordine ad agibilia, sive moralia. Sagacitas verò est quædam major promptitudo in inveniendo media opportuna, & huc reducitur etiam ingenium; vis enim illa, qua quis promptè, & ex tempore invenit omnia media, quæ conducunt ad finem aliquem, tametsi difficillime consequendum, est ipsa solertia, prout dicit etiam docilitatem, atque iudicium; quisquis ergo promptus est ad ponenda media, habet pronam voluntatem ad audiendum, & nullum relinquit eorum, quæ iudicium executioni va-

leant demandare, ingeniosus dicitur :  
 sic Salomon patienter audiendo litigia  
 mulierum altercantium de filio , &  
 promptè ponens medium , quo disco-  
 operuit veram matrem pueri , inge-  
 nium demonstravit .

Cautio est illa facultas , qua quis  
 curat vitare omnia impedimenta, quæ  
 finem non dant consequendum, & hoc  
 fit, vel amovendo ea , vel declinando  
 omnes obices, quod & item fit per  
 Providentiam, de qua mox dicemus.

Providentia itaque est illa facul-  
 tas qua quis videt omne id, quod futu-  
 rum est, vel utilitatis, vel nocumen-  
 ti ad opus præceptum, & ad recte ju-  
 dicatum, recteque deliberatum; si quis  
 igitur videt ex malo nuncio turban-  
 dum esse amicum, debet non statim ad-  
 versa nunciare, sed preparare ani-  
 mum nunciando, vel ad uniformita-  
 tem cum voluntate divina, vel ad con-  
 siderandum quædam emolumenta ex  
 illo ipso malo nuncio expectanda; Im-  
 prudens igitur, & improvidus fuit ille,

qui nuncia vit Davidi mortem Saulis.

Ratio est vis illa, qua quis ex antecedenter cognitis ratiocinatur ea, quæ ad finem conducunt, & hæc acquiritur experientia, ac præsertim ex observatione indolis ejus, cum quo est acturus, v.g. videns quendam iracundum, non debet ei porrigere arma, licet ea enim sint iracundi illius; præsumitur tamen legem non obligare in tali casu ad restituendum arma, ratione epichejæ.

Circumspectio est inspectio omnium circumstantiarum, quæ possunt juvare ad opus præceptum, vel amovere ab ipso, & cum quis inspicit omnes circumstantias prudenter agit; ex autem circumstantiæ continentur hoc versu.

*Quis, quid, ubi, quibus auxiliis, cur, quomodo, quando.* Sunt, qui statuunt alias virtutes ad Prudentiam pertinentes, eique affines, sed omnes reducuntur ad prædictas. Quod enim dicitur de Vigilantia, reducitur ad So-



lertiam, qui enim solers est, ille vigilat promptè ad inveniendum media. Diligentia etiam, vel reducitur ad solertiam, cum quis nihil relinquit eorum, quæ ad finem conducunt, vel ad docilitatem, qui enim docilis est ex delectatione, & amore opus exequitur; unde dicitur diligens. Si diligentia major extiterit, tunc Sollicitudo vocatur.

Rectus intellectus etiam reducitur ad Intelligentiam, qui enim rectè intelligit, ille habet intelligentiam, vel rectum intellectum.

Rectus sensus additur à Javello, dum nempe aliquis rectè judicat de singularibus. Quoniam enim sensus singularia respicit, & Prudens de singularibus deliberare tenetur, qui non bene judicat singularia, non potest prudenter se gerere; sed rectus sensus reducitur ad circumspeditionem; quando enim respicit omnes singulares circumstantias, tunc erit vir prudens, atque sensatus.



Videndum est modo, quænam species sint prudentiæ, & breviter stabiliemus triplicem esse prudentiam; primo privatam, vel Monasticam, secundo Economicam, tertio Politicam; quemadmodum Philosophia moralis tres partes continet, scilicet Monasticam, Economicam, & Politicam; ita etiam Prudentia; & ratio est, quia Philosophia moralis habet dirigere voluntatem personæ privatæ totius familiæ, & universitatis, seu Regni, pariterque Prudentia, quæ moralem dirigit omnem, ut mores quoscumque componat: componit mores privatos, & dicitur prudentia monastica: bene regit familiam, & vocatur Economica: communitati leges præscribit, & nuncupatur Politica. De his omnibus in tota Philosophia morali est pertrahendum, sed de Prudentia dicta sint satis.

Unum remanet explanandum: & id est videre vitia, quæ opponuntur prudentiæ; quot enim enumeran-

tur virtutes prudentiam componen-  
tes, tot enumerantur, & vitia, &  
quoniam ex uno opposito aliud bene  
cognoscitur, juxta illud, *oppositorum  
eadem est disciplina*, breviter differe-  
mus de vitiis cōtra Prudentiam, ut di-  
gnoscantur melius virtutes. Pruden-  
tiæ in genere opponitur primò Pru-  
dentia carnis, & ea est, qua aliquis præ-  
ponit finem carnalem fini honesto.  
Secundo dicitur opposita Prudentiæ  
solicitude nimia rerum temporalium.  
Cum ergo quis nimis attendit, vel  
circa media, vel circa finem tempora-  
lem, & negligit spiritualia, ut tempo-  
ralia acquirat, operatur imprudenter,  
Tertia species Imprudentiæ vocatur  
Astutia, & ea est, cum perversæ ratio-  
nes excogitantur, ut quis finem attin-  
gat: Ea autem duplex est, prima dicitur  
Dolus, cū nempe astutia adhibetur in  
dictis; Secunda dicitur fraus. & est cum  
perverse rationes exquiruntur in factis:  
Nomine *Astuti* etiam aliquando in sa-  
cris litteris, & præsertim in libro Pro-  
ver-

verbiorum venit Prudens, cum dicitur  
astuti esse cōsilia perquirere, sed ordi-  
narie loquēdo, & Astutia, & Calliditas  
significant Imprudentiā modo relato.

Virtutibus affinis ipsi Pruden-  
tiæ totidem correspondent vitia, &  
quidem Intelligentiæ correspondet  
hebetudo, seu tarditas mentis; Secun-  
do memoriæ correspondet oblivio,  
tertio Solertiæ Negligentia, quarto  
Docilitati indocilitas; quinto Provi-  
dentiæ improvidentia, sexto Cautio-  
ni Incautio, septimo Circumspectio-  
ni Incircumspectio, octavo Rationi  
Stultitia.

Sunt, qui dicunt rationi opponi  
Hebetudinē mentis. Species vitiorum,  
vel peccatorum numerantur juxta  
species virtutum, ut communiter do-  
cent cum D. Thoma Theologi. Ve-  
rum est, quod nomine Stultitiæ soleat  
aliquando intelligi ipsa Imprudentia,  
sed prout Stultitia opponitur rationi,  
& est illa fatuitas mentis, qua aliquis  
nescit ex præcognitis rectē deliberare.

CA-

## CAPUT QUINTUM

*De Fortitudine.*

**F**ortitudo à Marco Tullio definitur considerata periculorum susceptio, & laborum perpassio, ab Aristotele verò mediocritas inter timorem, & audaciam constituta, vel virtus in medio consistens inter timorem, & audaciam, ut ratio distat ob finem honestum, quanto magis communem, tanto diviniorem; à stoicis tandem definitur virtus pro æquitate pugnans.

Placet definitio Tullii ob illam particulam *considerata*; per hoc enim differt fortis à furioso, quod furiosus adhuc pericula suscipit, & labores patitur, non tamen considerate, & ex electione, sed ex impetu passionis: Dicit quidem Aristoteles Iram esse calcar, seu stimulum ad actus fortitudinis, sed, qui fortis est, debet prius  
con-

considerare , num illa pericula sint subunda , & postea deliberare , unde sit , quod furiosi sint faciles in aggrediendo ; non enim tunc cogitant , qualia , & quanta sint illa pericula , quæ considerate suscipit , sed quando videt difficultatem , tunc facile recedit ab opere incepto .

Placet & ultima definitio Aristotelis , ratione illius particulæ , *prout ratio dicat* , si enim quis audeat pericula suscipere , vel labores , propter id , quod ratio non dicat , nullo modo dicendus est fortis . Notandum igitur , quod ratio dicat , pericula suscipere ob finem honestum , & aliqua laus processura est ex susceptione ipsorum . Istinc nullatenus virtuosus , & fortis dicendus est ille , qui infirmus facile sustinet mortem , non enim est in potestate illius mortem substinere , nec aliqua laus ipsi inde resultat . Solum impavidus est , qui mortem non timet . Impaviditas autem convenit virtuoso æque , ac vitioso , cum hac  
ta-

tamen differentia, quod vitiosus mortem non timet ob finem pravam, ut Nauta, qui se in mare submergit ob amorem auri, vel adulter, qui se vitæ periculo exponit, ut adulterium committat, virtuosus vero pericula suscipit, & mortem non timet ob finem honestum, puta ob amorem Dei, ob defensionem patriæ, ob bella iusta.

Notandum est quoque duplex esse terribile, quod fortis non timet, cum hoc tamen ulterius, quod non timeat timore, quo crucietur ex terribilibus, timet autem, quantum debet timere.

Primum igitur genus terribilium est terribile supra hominem, quod nempe non potest ab homine prudente virtuoso vitari, sic terremotus, fulgura, & tempestates dicuntur terribilia supra hominem, & insanus est ille, qui huiusmodi non timet pericula, sicut Aristoteles dicit esse Celtas, nationem nimirum quandam Gallorum. Fortis impavidus est circa huiusce-

juscemodi pericula ; quatenusea non impediunt actus virtutis in eo, nec ipsum contristant taliter, ut vitiosum quid eligat, ad hæc terribilia vitanda.

Terribile secundum hominem est illud, quod potest à Providentia, & à Prudentia humana vitari, & fortis pericula suscipit, ut talia terribilia evadat. Hoc autem terribile subdividitur in illud, quod est magis, vel minus terribile, & terribile uni, ac non alteri, ut latratus canis terribilis puero, non homini. In evitando h. m. terribilia consistit virtus fortitudinis, ut videlicet quis vitet, quæ sunt terribilia. Homo quippe virtuosus non timet mortem, ob finem honestum, sed bene timet infamiam, quare non dicitur fortis, qui non curat perdere bonam famam, (ea enim est necessaria, ad hoc, ut virtuosus sit Reipublicæ uti lis). Sic non timere flagella, injurias & mortem sibi, vel filiis, vel amicis, uxori, vel ejus curæ commis-

sis



sis non est actus fortitudinis.

Quatuor ex D. Thoma pro fortitudine virtutum species assignantur: Eas omnes concludi in hoc carmine.

*Constans, Magnificus, Magnanimus, Patiens.*

Constantia igitur, Magnificencia, Magnanimitas & Patientia sunt quatuor virtutes pertinentes ad fortitudinem.

Bona est hæc divisio ex eo, quod Magnanimitas est ea, quæ respicit magnos honores; Magnificencia magnos sumptus, Constantia fortitudinem in aggrediendo, Patientia fortitudinem in substinendo; tamen, ut magis pateat bonitas hujus divisionis, expedit adnotare, quod magnanimitas respiciat fortitudinem in animo consistentem, Magnificencia fortitudinem exteriorem, constantia firmitatem in periculis suscipiendis, patientia tolerantiam in laboribus substinendis, quod taliter probo: Magnanimitas conducit ad virtutes fortiter susci-  
pien-



piendas. Non est certè magnanimus t  
 qui honores exteriores curat, ama,  
 videlicet dignitates, & honoraria se-  
 culo, ( nisi per accidens, & ex aliqui-  
 bus circumstantiis, ) sed verè magna-  
 nimus est, qui magnas amat virtutes,  
 & labores suscipit ad virtutes magnas  
 comparandas; cæterò qui si honora-  
 tur ad maiorem Dei gloriam, vel ad  
 Reipublicæ commodum, sive ad alium  
 finem honestum, certè gaudet de tali  
 honore, nec illum recusat; Magnani-  
 mitas ergo pendet ex iis essentialiter,  
 quæ in animo resident, nempe respi-  
 cit virtutes, quæ sunt agibiles, nimi-  
 rum in animo existentes, unde ma-  
 gnanimitas dicitur.

Magnificencia originem trahit à  
 magnis faciendis, seu à magnis sum-  
 ptibus, & quoniam facere est, quasi fo-  
 ris agere, propterea magnificentia  
 specie differt à magnanimitate, quæ,  
 ut suprà explicavimus, intra animum  
 est.

Constantia importat firmitatem,  
 ut

ut dicebamus, in suscipiendis periculis,  
 sive laboribus; patientia verò in sub-  
 stinendis iisdem, & quoniam agere,  
 & pati, sive suscipere, & tolerare spe-  
 cie differunt, ideo benè dicuntur spe-  
 cie differre constantia, & patientia;  
 ergo bona divisio D. Thomæ. Præter  
 has quatuor virtutes, aliæ circumfe-  
 runtur multæ creditæ specie distinctæ,  
 & in primis laudatus ingeniosissimus  
 Loya dicit Philotimiam specie distin-  
 gui à magnanimitate, & diversitatem  
 assignat in hoc, quod magnanimitas  
 amet honores magnos, mediocres ve-  
 rò, vel parvos. Philotimia, sed distin-  
 guenda est propositio tanti Doctoris,  
 cujus vices gero, ne videar proscolus  
 à magistro velle recedere, vel ne ego  
 Thomista ab Angelico cēsear Doctore  
 velle amoveri. Specie *accidentali* distin-  
 guuntur Philotimia, & magnanimi-  
 tas, quia magis, & minus non variant  
 speciem, nisi accidentaliter, & quem-  
 admodum potentia visiva oculi per-  
 spicacioris non differt specie substan-  
 tia-

tiali à potentia visiva oculi minus  
 perspicacis, quia idem specie visibile  
 ab utroque respicitur oculo, tametsi  
 magis visibile ab oculo minus perspi-  
 caci obtineatur, minus verò visibile  
 ab oculo perspicaciori respiciatur, sic  
 dicendum in casu, quod idem habitus  
 virtuosus, seu eadem potentia virtu-  
 osa magnanimitas dicta, ad magnos ter-  
 minetur honores, Philotimia verò,  
 seu potentia virtuosa minus efficax ad  
 mediocres, sive parvos terminetur  
 honores. Possem item adicere, quod  
 Philotimia dicatur à græco philos,  
 & timos, adeoque præscindat à ma-  
 gno, & parvo honore. Ipse D. Tho-  
 mas definit magnanimitatem per hoc,  
 quod sit virtus attendens ad honores  
 moderatè appetendos, unde quemad-  
 modum Philotimia, seu virtus amati-  
 va honoris præscindit ab hoc, quod  
 est tendere ad honores, vel amare ho-  
 nores magnos, vel mediocres, ità &  
 ipsa magnanimitas dici potest Philo-  
 timia.

H

Ma-

Magnanimus mediat inter pusillanimum, & fumosum, sive ventosum, qui ventosus dicitur ab Aristotele chaunos à græca voce cheros, quæ signant vanum; proprie enim chaunos græcè significat vanum, & h. m. Chaunos dicitur à nobis presumptuosus: sunt enim, qui in magnanimitate deficiunt, se volunt ingerere in iis, ad quæ vires sufficientes non habent, & hi dicuntur presumptuosi, deficiendo à virtute per excessum. Sunt autem, qui vires habent, quibus possent exercere opera virtutum, vel dignitates acceptare, neque recusant ex humilitate, sed recusant, quia animum pusillum habent, & hi pusillanimi vocantur, ex eo quod deficiant à virtute magnanimitatis per defectum.

Cohæret cum humilitate magnanimitas; quisquis enim magnanimus, is & humilis est. Humilitas dat non elate honores amare. Non ergo magnanimus est elatus, sive superbus in aman-

amando honores, sed gaudet, si inter honores adhuc sæculi vivit, & non solum inter virtutes, non tamen excessive gaudet, neque tristatur minimeque suspirat, si honores ei non deferantur; amat utique honorari, quia justitiam distributivam amat, & justitia distributiva dicat, quod honores dignioribus conferantur; quoniam itaque magnanimus se digniorem cognoscit, ideò vellet dignitates, & honores, qui ipsi debentur; Non enim est superbia, sed virtus veracitatis velle talem haberi, qualis revera quis est.

Magnanimus ex nostro doctissimo Loya significatur per gemmam, *onichem*, quæ erat in rationali summi Sacerdotis; onyx enim est gemma quedam, in cujus centro colores sunt terrei, in circumferentia colores celestes: colorem cælestem referunt virtutes illæ, quas humilis, & magnanimus amat, & hinc Aristoteles dicit magnanimitatem esse coronam omnium

virtutum ; supponuntur enim in magnanimo omnes virtutes , quas ipse cognoscit in se revera adunare ; si enim ipsas revera non habet , vanus est , non magnanimus .

Magnanimi idea ex Homero fuit Agamemnon , ut & pusillanimi ab aliquibus dicitur fuisse Lecadius Corinthius , & quippè in Aristotelis Physiognomia magnanimus cognoscitur , adhuc ex corpore ; grandi enim corpore magnis oculis , incessu gravis , ille magnanimus existimatur , ut vice versa brevis corpore , pusillis oculis incessu velox pusillanimus solet haberi . Non nega vero tamen breves corpore aliquando magnanimos inveniri , sicut D. Paulus Apostolus corpore brevis , & tricubitalis asseritur , sed tunc magis est laudanda virtus , quando organa corporis depravata majorem inclinationem ad vitium , quam ad virtutem portendunt .

Dicitur *Longanimitas* etiam ad magnanimitatem spectare , & definitur

tur virtus amativa honesti, quod quasi à longe respicit, utpotè magis difficulter obtinendum; sed & hæc ipsa virtus à magnanimitate non differt, nisi per accidens, quatenus ipsa magnanimitas considerat magnos honores, ut difficulter obtinendos. Fiducia censetur Virtus, quæ spem reponit in bonis. Nomine tamen bonorum hic intelliguntur virtutes, ut supra explicavimus, quare nec debet specie essentiali differre à magnanimitate Fiducia.

Remanet modo, ut vitia magnanimitati opposita distinguamus per species, ac propterea notandum, quod præsumptio sit quædam species vitiorum oppositorum magnanimitati, & in quatuor species athomas, vel infimas ipsa dividitur. Prima species Præsumptionis est præsumere illud, quod doctiores non præsumunt; sic erat præsumptio Nabucho lonosoris, vel Luciferi, quorum primus præsumpsit, quod non præsumpserat Do-



etior Daniel, secundus quod non sapientior Michael; unde Isaias vaticinatus humiliationem utriusque.

Secunda species præsumptionis est propriis fidere viribus, & præsumere aliquid, tamquam à se ipso, quod potius esset expectandum ab adiutorio Dei. Goliath Philystæus Gigas tali præsumptione peccavit, cum Israelitas ad singulare certamen vocavit, ac propterea occisus à puerulo David lapidem jaciente in ipsum in nomine Domini.

Præsumptionis tertia species est præsumere aliquid ante tempus, & talem præsumptionem solent plerumque incurrere ii, qui tirones sunt in exercitio virtutum, & volunt cum vix cessaverunt à via iniquitatis, virtutum semitas calcare. quales vix pro-  
 vecti calcare sunt assueti, & à Deo auxilium præstolantur ante tempus, quo mereantur ipsum: fuit de tali præsumptione reprehensus Ozias, cum reliquis Præbyteris Israelitis, quia  
 pa-



paſtum ſtatueraſt, quod ſi quinta die  
auxilium non accepiſſent, ſeſe in ma-  
nus Olofernis tradidiſſent.

Quarta, & ultima præſumptio-  
nis ſpecies eſt, cum quis præſumit  
aliquod agere, quando voluerit. Re-  
darguit Dominus Jeſus Virgines fa-  
tuas in Evangelio, quia vocatæ oleum  
non habebant, & in hoc ſignifican-  
tur peccatores omnes procrastitantes  
pænitentiam de die in diem.

Alia ſpecies ſubalterna vitii op-  
poſiti magnanimitati, vocatur Ambi-  
tio, & ea definiſtur à D.Th.2.2. appe-  
titus inordinatus honoris, & digni-  
tatis.

Hæc pariter quadrifariam divi-  
ditur, ſeu in ſpecies quatuor :

Prima ſpecies ambitionis eſt ap-  
petere dignitates, & honores non con-  
venientes perſonæ appetenti. Hana-  
pus reponit inter ambitioſos Ma-  
riam, & Aaronem, quia videbantur  
ambire ducatum, quando dixerunt:  
*Nonne & pariter nobis locutus eſt Domi-*

*nis*. Erant probi Maria, & Aaron, sed ducatus non conveniebat iisdem, quemadmodum Moyſi, qui omni ſcientiâ Ægyptiorum eruditus poterat melius regere Iſraelitas, tamquam Dux ipſorum, quam potuiſſent Maria, & Aaron.

Secunda ſpecies Ambitionis eſt, quando ad conſequendos honores, quis utitur mediis illicitis, veluti Abſalon, qui blandiebatur omnibus iis, qui à Davide juſtitiam expoſtulabant, & tandem defecit à Patre, quiſquis igitur rebellionem quærit dignitates, ut & qui arte magica, in hanc ſecundam ſpeciem ambitionis incurrit.

Tertia ſpecies ambitionis eſt, quando cum offenſa Dei honores, & dignitates quærent. De hac ambitione reprehenſus à Petro Simon Magus; unde dixit ei Petrus Apoſtolus: pecunia tua ſit tecum in perditionem.

Quarta ſpecies ambitionis eſt, cum nimio affectu amantur honores, ut

ut ea, ex qua Jeroboam redargutus ab Ahia Sidonite.

Ambitionis actus solent esse in se boni, sed depravari à fine; ambitiosi enim, ut plurimum alios honorant, unicuique assurgunt, cunctis placere desiderant, & student, ne alicui displiceant, ut videre est in relat o Absalon, sed & aliquando exercent vilissima opera, quod non est ullo modo approbandum; non enim viles, sed humiles esse debemus. Præterea ambitiosi aliorum exprobrant facta, & de aliis malè dicunt, & male sentiunt, ut nempe ipsi solum honorandi putentur.

Ironia etiam reducitur ad vitium magnanimitati oppositum, licet secundum aliquos veracitati opponatur, ut bene ait Javellus; tamen in diverso sensu sumi potest, ut patebit ex infra dicendis.

Ironia itaque est illud vitium quo aliquis magna, quæ in se habet, negat de se, & hoc triplici modo contin-

tingit: primo cum quis maiora, & magna, quæ habet in se omnino negat, secundo, quando in modicis fingit, quod non magna ostendat, ne honoretur, & hoc modo solent esse hypocritæ, & erant quidam Lanoni populi, vel Lacedæmones, qui vilibus vestibus incedebant, ut discernentur ab aliis, qui vestibus incedebant superbis, ut sic nimis humiles censerentur, tertio quando aliqui non omnino negant magna de se, sed solum, ne honorentur plusquam alii, & hi solent esse urbaniores, & gratiores hominibus in conversando: non expedit autem, neque omnino, neque aliquo modo, ut quis peget de se magna, quæ habet, neque quod jactet se habere magna, quæ non habet, vel quæ non habet, ut dicit, vel quod se jactet, & delectetur, ut honoretur, vel ut lucretur, qui sunt tres jactantiæ modi. Cum hoc tamen bene stat, quod sancti homines humilitatis causa, vel virtute heroica negarint magna de se, quia

quia sic tunc oportebat, ut & concessere, quando opus fuit. Noster nunquam satis laudatus Loya refert ad genus vitii præjacti Acediam, vel ut alii scribunt, Accidiam. Accidia est ex Gregorio utrius hominis dejectionis exercitio virtutum, nempe cum homo interior, sc. animus, & homo exterior, sc. homo exterius operans nauseat virtutes, vel non exercet eas exterius. Accidia dicitur à græco α, & χιδος, scil. sine cura; est enim Accidia idem, ac incuria, cum quis videlicet non curat ea servare, quæ sunt de præcepto servanda, tunc enim Accidia est peccatum mortale, non ita verum, si quis non servat, quæ de consilio servare tenetur, ut dives ille, qui in Lucæ 18. audivit à Jesu: *Vade, & vende, quæ habes, & da pauperibus*. Alias Ethymologias Accidiæ lubens libens omitto; græce enim Accidia pariter dicitur, unde non est necesse recurrere ad latinam originem acidi, vel acedinis, ut aliqui faciunt, bene

benè quidem , sed non necessario .

Alia Synonyma; accidiæ sunt Ignavia , Socordia , Inertia , Desidia , Negligentia , & Segnities .

Ignavia dicitur ab in , & gnayus , vel navus , quia Accidiosus non est navus , nempe diligens , & velox ; navus enim ex Festo dicitur à navium velocitate , vel , ut alii volunt , quasi natus alterius causa , hoc est non solum propriæ utilitati .

Socordia dicitur , quasi sine corde , & iudicio ; illa enim negligentia , quæ est in meditando , & in prospiciendo , dicitur Socordia .

Inertia dicitur , quasi sine arte ; quisquis enim Accidiosus est , est veluti , qui nullam possidens artem otiose jugiter vivit .

Desidia dicitur à Desideo , quasi ad sedendum descendo .

Segnities dicitur à *segnis* , quasi sine generatione , quia segnis nihil generat , ut dicit Vossius . Isidorus dicit segnem esse , quasi sine igne ;  
quem .

quemadmodum enim ignis semper agit, & urit, ita vice versa piger numquam agit.

Pigritia itaque nominatur etiam Accidia, vel à verbo latino piget; est enim accidia tædium quoddam, quo hominem tædet, seu piget virtuose operari, vel à verbo hebræo piger, quod significat languidum, & dejectū, seu hæbræa voce Peger, nempe cadaver; est enim piger, quasi cadaver, nihil agens ex iis, quæ virtuti conveniunt.

Ex Isidoro libro de summo bono septem sunt filiæ accidiæ, scilicet Otiositas, Somnolentia, Importunitas mentis, Curiositas, Verboſitas, Inquietudo, & Corporis Instabilitas.

Otiositas dicitur, vel à græco verbo ognos, quod pigrum significat, vel secundum aliquos melius dicitur, otiositas per t, quam per c, otiositatem trahendo à verbo utor, est enim otiositas cessatio à labore, vel secundum

dum Gregorium est agere, quod non est utile, vel sine utilitatis intentione.

Somnolentia dicitur à somno, & lentus; homines enim somnolenti sunt, qui lente, sci. non velociter agunt, ex eo quod somno se tradunt. Somnolentiæ itaque vitium est non celeriter agere ea, quæ quis agere debet.

Importunitas mentis dicitur ab importuno, quasi sine portu, & quiete, ut advertit Januensis in Catholicon; est enim importunum, quod portum, sive quietem non habet, sumpta allegoria à navi in portu inveniēte quietem. Quies ergo non invenitur per mentis importunitatem, quando quis modo propositum elicit unum, modo illud omittens, elicit aliud.

Curiositas dicitur à cura, quæ sic nominatur, quasi cor Urens, vel à corde ruens, vel cor agens.

Curiositas autem definitur, pro-  
ut



ut spectat ad præsens, vitium illud,  
quo quis tempus terit in judicandis,  
& in investigandis inutiliter alienis.

Verboſitas eſt à voce verbero;  
quaſi aerem verberat enim verboſus,  
qui & vocatur garrulus, & multilo-  
quus, qui verba videlicet profert in-  
fructuoſa, & ſolum, ut ita dicam,  
apta ad verberandum aerem.

Inquietudo dicitur ab in, & quies,  
nimirum non quies; non enim quie-  
tem inveniunt homines accidioſi,  
ſed motibus, & nutibus ſemper mu-  
tationem agunt, & ſitum variare  
ſemper intendunt.

Corporis inſtabilitas per hoc  
differt ab Inquietitudine, quia veluti  
inquietus ſitum non invenit, quo ipſe  
quieſcat, ita corpore inſtabilis corpus  
modo huic, modo illuc deportat, &  
in eodem ſtare loco per momentum  
vix poteſt.

Gregorius lib. 31. Moraliũ ſex  
alias filias accidiæ aſſert; eæ autem  
hæ ſunt: Mentis perturbatio, Tor-  
por,

por, Rancor, Malitia, Pusillanimitas, & Mentis vagatio. Has omnes sex à Gregorio relatas sunt, qui credunt esse easdem, quas ex Isidoro retulimus, sed nobis tempus nō suppetit in his immorari: satis est ipsorum etimon, & definitionem afferre, ex iis enim constabit, num eæ differant, vel non?

Mentis itaque Perturbatio non est, nisi cum mens perturbata, & anxia excrucietur, vel propositum mutando, vel situm, animo tamen non re.

Rancor dicitur ab hæbræa voce Raucati; quæ significat putrescere; dicit enim Vossius, quod proprie Rancor sit vitium olei corrupti, vel dicitur à greca voce rajo, quod est corrumpere, corrumpuntur enim mores per Rancorem; est autem Rancor indignatio contra quærentem inducere ad exercitium virtutum.

Vagatio mentis est, dum mens vagatur, vel illicita, vel inutilia cogitans,

gitans, cum aliquod de præcepto servare tenetur, dicitur autem vagari, quasi vi agi, vel valdè agi, ut bene interpretatur Vossius, quisquis enim vagatur, quasi vi agitur, vel valde agitur, nam vagari, est potius pati, quam agere, & vagi sunt homines, qui, si quid agunt, frustra agunt, ac proinde plus patiuntur, quam agant.

Torpor est vitium illud, quomens, quasi torpet, & velut obdormire censetur in iis, quæ exercere tenetur, & verè Torpedo est quidam piscis, qui hamo attractus à piscatore venenum quoddam diffundit ad brachium piscatoris ipsius, & sic tale brachium stupefieri, vel obdormire videtur; quapropter benè tale vitium est filia Accidiæ obdormientis in exercitio operis virtuosæ.

Malitia, prout est filia Accidiæ, & distinguitur à malitia generica cuiuslibet peccato convenienti, est illa deviatio à bonitate, & disconvenientia

cum humana natura, quæ recedit ab exercitio operis virtuoli; ob prævum animum malè affectum circa opus præceptum.

De Pusillanimitate, quæ immediatè opponitur magnanimitati, satis superque differuimus supra.

Mentis perturbatio, desperatio, prout est filia accidiæ, est mentis tristitia, seu animi perturbatio ob opus præceptum, licet desperatio in genere sumpta definiatur à Cicerone libro 2. Tusculanarum quæstionum, Non expectatio meliorum, vel à Theologis animi diffidentia, & perturbatio mentis, ex existimata impossibilitate consequendi bonum amatum.

Arnobius, & Macrobius, præter quatuor assignatas à D. Thoma species virtutum, alias assignant fortitudini subordinatas, quas omnes uniendo ex utroque conclusimus his duobus carminibus.

*Securus, Firmus, Tolerans, Entsy-*  
*chia, Lima, An-*

*Andragatos, fideus, perseverantia, Vir.*

De securitate, firmitate, & fiducia supra differuimus: De Tolerantia adverto cum Isidoro, eam distingui à patientia, quia toleramus molestias corporis, patimur autem molestias animi.

Eupsychia dicitur à græco Eu, scil. bene, & psychi, scil. vita, vel animus, hæc enim virtus est illa, quæ dat bonum animum, nempe hilaritater, & jucundè opera virtuosa exercere; sed in rigore loquendo hujusmodi proprietas virtuti cuilibet inest, ut supra retulimus.

Lima, vel ut alii legunt, lema est fortis, & virilis animus, & idcirco non est exponenda specialis virtus ad exprimendum illud, quod est fortitudini essentialiter, & necessario adnexum.

Andragatos dicitur ille, cui inest andragathia, scil. virtus ea, quæ bonum hominem facit; trahitur enim ethimon, ab anir, andros, scil. homo,

& agathos, scil. bonus. Virtus bonum reddit habentem, ergo &c.

Perseverantia dicitur à per & se-  
vero, quia severus est, qui nihil præ-  
termittit de debita pœna ad differen-  
tiam clementis, & ita perseverantia  
est virtus, quæ nihil prætermittit,  
nec temporis diuturnitate cessat ab  
opere incepto; competit igitur perse-  
verantia cuicumque diuturnæ vir-  
tuti.

Per Vir intelligitur Virilitas;  
quæ neque à fortitudine in genere, vel  
à strenuitate superius allata specie dif-  
fert, ut patet.

Vilis jam vitiis magnanimitati  
oppositis, & virtutibus ad fortitudi-  
nem, & magnanimitatem spectanti-  
bus, expedit adnotare, quod & ma-  
gnanimi sit, & Philotimi magna de se  
enarrare, cum revera insunt in eo,  
non solum ad Dei gloriam majorem,  
sed etiam, ut magnanimus ex hoc,  
quod narraverit, occasionem acci-  
piat, perseverandi in exercitio ma-  
gno-

magnorum illorum, quæ retulit de seipso; pudet enim hominem virtuosum aliqua de seipso magna enarrare, & postea desistere ab iis, & hoc notamus cum D. Thoma 2.2. qu. 132.

## CAPUT SEXTUM

### *De Justitia.*

**J**ustitia definitur ab Ulpiano, 1. Justitia, ff. de Justitia, & jure, constans, & perpetua voluntas tribuens unicuique jus suum. Hæc definitio coincidit cum allata ab Aristotele 5. Ethicorum cap. 1. & cum ea, quam affert Cicero lib. 2. officiorum cap. de Justitia, & hanc definitionem communiter recipiunt Philosophi, Theologi, atque Juristæ; eamque esse bonam probat D. Th. 2.2. qu. 58. art. 1. & revera bona est; nam constat ex genere, & differentia; per ly enim *constans*, & *perpetua* convenit cum aliis virtutibus, quæ utpote habitus, sunt



constantes, & perpetuæ, dicitur autem *Voluntas*, ad denotandum, quod Virtus consistat in animo, & hæc propriè Virtus justitiæ subiectatur in voluntate, ad differentiam aliarum virtutum, quæ vel in intellectu, vel in potentia sensitiva subiectantur, ut suis in locis de singulis differendum, atque dissertum. Dicitur *unicuique tribuens jus suum*; per hoc enim differt justitia, ab alia quacumque virtute; aliæ enim virtutes respiciunt operantem, sed justitia respicit jus alienum, & petit unicuique dare, quod ipsi debetur.

Jus ergo, sive justum est æquale, vel commensuratum, seu debitum alicui, non tamen stricto rigore debitum, ut infra videbitur; hoc autem jus primò solet accipi pro ipsa lege, quæ dividitur in jus naturale, seu ex natura rei, & jus positivum, seu ex conducto aliquo, vel est divinum, vel humanum, nempe lex divina, vel humana,



Jus vero humanum aliud est Civile, aliud est Canonicum, sed de hoc agant Juristæ, atque Theologi in tractatu de Legibus; secundo Jus sumitur pro facultate, & dominio, quod aliquis habet, ut aliquo utatur, sive fruatur, & hoc est, quod justitia petit unicuique tribuere.

Partes potentiales Justitiæ, seu subordinatæ Justitiæ, sunt illæ virtutes novem, de quibus infra, & quæ ad justitiam reducuntur; partes verò integrales ipsius sunt declinare à malo, & facere bonum. Partes item subjectivæ, seu species virtutum, sunt tres in ipsa Justitia, scil. Commutativa, Distributiva, atque Legalis.

De partibus integralibus justitiæ nihil est aliud adnotandum, nisi quod hoc declinare à malo, & facere bonum, sine quibus justitia integra intelligi nequit, habeant medium rei, & non solum medium rationis. Unaquæque virtus est in mediocritate consistens, sed ratio tribuit ei me-  
I 4 dium,

dium, nempe dicat, quantum in aliquibus circumstantiis debeat poni de medio, sed iustitia dicat rem reddendam æqualem, & tantumdem debere restitui, quantum fuit ablatum.

Iustitia commutativa est illa, quæ respicit rem, Commutationes, Venditiones, Emptiones, Contractusque.

Ipsa Iustitia commutativa dicitur *Habitudo partis ad partem*; respicit enim partes *Reipublicæ*, quarum quævis mutuò jus suum alteri tribuat, & dicitur etiam *Iustitia particularis*, quia in particularibus reperitur personis.

Iustitia distributiva est *habitus totius ad partes*, nempe virtus illa, qua totum, sc. *Respublica*, vel *Princeps*, seu *Caput Reipublicæ* dispensat honores, dignitates, & præmia, prout merentur partes *Reipublicæ*, seu juxta jus, quod ad illa habent *Reipublicæ* partes.

*Iustitia Legalis*, quæ dicitur etiam

etiam Generalis, est justitia partium ad totum, nempe virtus illa, qua partes Reipublicæ ad bonum commune totius Reipublicæ, ipsius servant leges promulgatas ob bonum commune; Hæc autem Justitia legalis duplex est; primo stricta, & rigorosa, quæ servat verba legis, & regulatur à Synesi, seu judicio, dependenter à principiis universalibus; secundo minus rigorosa, quæ interpretatur mentem legislatoris, & dicitur Epicheja, ac regulatur à gnomē, scil. à judicio illo prudenti, quo homines judicant, mentem legislatoris esse aliter interpretandam in aliis circumstantiis, in quibus Legislator aliter definisset, si eæ circumstantiæ tunc extitissent, quando lex est promulgata, sive statutum.

Partes potentiales Justitiæ, seu ipsi Justitiæ subordinatæ, sunt Novem, sc. Amicitia, Gratitude, Liberalitas, Observantia, Pietas, Pænitentia, Religio, Veracitas, & Vindicativa: de his omnibus sigillatim.

Ami-

Amicitia à Cicerone definitur, Voluntatum, studiorum, & sententiarum omnimoda consensus, & dicitur à græca voce *ama*, sc. simul, vel ab *amo*; amici enim se mutuo amant, & simul esse desiderant; vel amicus, quasi amecus, scil. à me, vel quasi animus æquus, & hæ omnes Ethimologie adferuntur à Vossio, sed id nobis est adnotandum, quod non omnis amor sit amicitia: amicitia enim est solus amor ob honestatem.

Amantur bona delectabilia, & bona honesta, ac utilia, sed diversis amoribus; solus enim amor amicitiae respicit honestatem; amor verò concupiscentiae respicit bona delectabilia, & utilia: Solent juvenes amare delectabilia; sequuntur enim voluptates; senes verò utilia, quia pluribus egent; in ætate virili constituti solent amare amore amicitiae.

Causæ amicitiae plures censentur, & primo Similitudo in Temperamento, & complexione, ut Pilistratus, &  
Hip.

Hippocrides , quia nati eadem die, eadem die semper infirmabantur, eadem mortui die , vix se semel viderunt , & perfectissimi evaserunt amici .

Alia causa amicitiae est similitudo in studio ; si enim aliqui eidem studio attendunt , vel apud eundem Magistrum, ut fecere Damon , & Pythias, qui ambo studuerunt in schola Pithagoræ, solent amicitiam inire .

Similitudo etiam in aliqua professione , veluti Theseo , & Pirithoo ambo militantibus, solet esse amicitiae causa , & omnes solent pariter pugnare adversus hostes , quos unus quisque censet pares hostes sui , ac hostes amici .

Alia tandem similitudo adferens amicitiam est , cum simulantur plures moribus , atque virtutibus, sic Pelopida , & Epaminonda erant amici , ex eo quod ambo pugnabant pro patria .

Quinque statuit Cicero amicitiae leges, quarum prima est, quod turpia, vel

vel inhonesta, neque rogati ob amicitiam committamus; secundo quod honesta fiant propter amicos, nec expectemus rogari ab iis, ita ut non operemur ea, quibus ipsi indigere videntur; tertio, ne aliquis delectetur de criminibus objectis amico, neque credat detractoribus ejus; quarta lex est, ne amicus sit simulatus, non fingat, nec quod suspicetur. Quinta est, ut amici sese invicem moneant; dedecet enim adulari, & qui verus est amicus, debet amicum monere.

Benevola debet esse correctio, neque aliquis moneat, nisi prius informetur de veritate illius, quod amico obiicitur; Hinc Deus, cum debuisset ulcisci de Sodoma, & Gomorrha, dixit, descendam, & videbo, ut nempe, sicut docet Gregorius lib. 10. moralium, doceret nos, quod debeamus prius certificari de crimine alicujus, & postea illud justè corrigere.

Vera amicitia cognoscitur in adversis, unde dictum.

Re-

*Rebus in adversis patientia vera probatur.*

*Rebus in adversis vera probanda fides.*

Non ergo dignoscitur amicus, nisi tempore infelicitatis, & ideo qui vult bonum amicum feligere, debet attendere ad tempus infelix, in quo prudentem invenit amicum.

Actus amicitiae sunt benignitas in affectu, concordia in voluntate, sc. eadem velle, & nolle, Beneficentia in effectu, Constantia, & Fides.

Symbolum Amicitiae est piscis, *Anthias*, quia accurrit ad extrahendum à reti piscem ejusdem speciei, cum videt eum rete jam captum, vel est ramus insitus alicui arbori, cum lemma-  
te, *ex duobus unum, & idem.*

Liberalitas ab Augustino definitur virtus circa pecunias dandas, sine spe retributionis; ab Aristotele verò, lib. 4. Ethicorum, mediocritas circa pecunias dispensandas; à D. Thoma 2. 2. qu. 117. art. 1. mediocritas circa  
dis-



dispensandas pecunias sibi, suis, & aliis.

Ex his colliguntur leges liberalitatis, quarum prima est, quod pecuniæ, vel munera non sint conferenda iis, qui abutuntur iisdem, & bene notat Aug. ; quod histrionibus sua dare immane sit scelus.

Secunda lex Liberalitatis est, ut non detur plus, quam facultas permittit ; non enim debemus nos ipsos gravare, vel alios, ut liberalitatem exerceamus, sed quando facultates non habemus, debemus benignitatem exercere, & blandis verbis munera non conferre ; inde ex Cicerone Benignitas quatuor habet virtutes adnexas, scilicet Comitatem, seu affabilitatem, Humanitatem, Liberalitatem, & Beneficentiam. Qui non potest itaque esse liberalis, vel beneficus, sit saltem benignus, comes, & humanus.

Tertia lex liberalitatis est, ut non sine delectatione munera conferamus, & debemus ordinem servare in personis,



nis, quibus munera conferemus; ordo autem est hic, ut in primis attendamus ad dispensandas pecunias nostras in cultum Dei, à quo esse recepimus, & consequenter in beneficium Templi & Ecclesiasticorum, Dei vices gerentium; secundò patriæ, & Reipublicæ, quia bonum commune præferendum est bono privato; tertio parentibus, filiis, & consanguineis, quarto indigentibus; debent autem præponi iusti peccatoribus.

Alia lex Liberalitatis est, quam tradit Augustinus tract. 25. de verbis domini: nolite facere eleemosinam de sēnore, & usura; ex quo bene colligitur, quod liberalis non debeat malo lucro munera dare.

Ultima lex Liberalitatis est, quod non dentur omnia uni, sed singulis quædam.

Notandum, quod liberalis dicatur, quasi liber; non enim est servus pecuniæ.

Liberalitas significatur per amicitium.

thistum gemmam, quæ erat in rationali Summi Sacerdotis; quemadmodum enim amethystus roborat visum, & fecundat steriles, sic liberalis est gratus aspectu, & fecundat steriles, nempe egenos; imitatur etiam Deum, qui à dando nomen sortitur, ipsemet liberalis.

*Observantia* est illa virtus, quæ colimus homines ob aliquam excellentiam, vel dignitatem, maximè ob senectutem, ut inquit Cicero; senes enim ob experientiam plura possunt docere, ac propterea reverentia quædam ipsi est exhibenda. Differt observantia ab obedientia, quia obedientia respicit superiores, qui nobis præsumt, non ita verò observantia.

Pietas aliquando sumitur pro religione, & sic definitur ab Augustino verax, & debitus cultus Dei, sed, prout distinguitur à religione, est virtus illa, quæ veneramur, & obsequia præstamus parentibus, conjunctis, & patriæ.

Certè lex naturæ dicat parentes esse

esse honorandos, & ipsa irrationalia hoc à natura docentur; sic ciconia dicitur alere senem matrem, & supra dorsum illam portare, quando alio transmigrare oportuerit: simile quid refertur de aquila, & de cucufa avi,

Solet etiam pietas designari per quædam animalia dicta capreolos, quæ solent præbere potum etiam parentibus, ut refert Loya.

Veracitas, sive Ingenuitas, sive Sinceritas, aut Veritas est illa virtus, per quam unusquisque dicit ea, quæ sunt ( licet præclara in ipso), vel quæ fuerunt, vel erunt, non alio modo, quam fuerunt, sunt, vel erunt. De hac virtute superius ( scil. cum de magnanimitate ) dictum est satis, ut de vitiis oppositis ei, & modò solum addere lubet, quod ea significetur per smaragdū gemmā pretiosam, quæ hebraicè dicitur barchet à barac fulgur; hæc enim gemma memoriā conservat, & est colore semper firmo, neq; mutat colorem lumine Solis, vel lucernæ,

K

vel

vel umbræ, Sic etiam homo verax non mentitur in dictis, quorum habet firmam memoriam, nec à veritate dissentit in quacumque circumstantia, vel mutatione rerum exteriorum.

Debet utique verax non omnes veritates semper, & cum unoquoque proferre, sed quando, cum quibus, & quomodo opus fuerit.

Veritas dicitur à vere, quia sicut veris tempore terra suum aperit finem, & quod latebat semen in ea, foris prorumpit, ità etiam verax, seu ingenuus nihil habet occultum in corde, nisi quatenus circumstantia dictet veritates occultare, nunquam tamen mendacia proferre.

*Vindictiva* est quædam virtus, qua sumitur vindicta de reis, ita ut crimen impunitum non maneat.

Sunt, qui volunt hanc virtutem referri ad iustitiam distributivam; sicut enim ad hanc pertinet præmia conferre, ità & pœnas stabilire.

De

De Vindicativa, quatenus virtute subordinata ad iustitiam, dicendum, quod ea distinguatur à iustitia distributiva. per hoc quod deficiat à debito rigorofo, vel respiciente æqualitatem. Hanc virtutem adhibuere, tanquam privatæ personæ Dei impulsu Judith pro Bethulia contra Holofernem, & Judas Machabæus (qui tamen vindicativa potius spectante ad iustitiam distributivam) contra Nicanorem, cujus linguam, & manum truncavit. Hæc itaque virtus necessaria est ad crimina repellenda, sed personæ privatæ debent multum attendere, ne ex privata passione vindictam assumant, non enim vere privatis personis competit vindicta.

De religione, ut speciali virtute spectat potius ad Theologos, quam ad Philosophos disputare, sed pro Ethicæ instituto satis est adnotare, quod Religio sit virtus, quæ Deo debitum exhibet cultum; ea verò est adeo necessaria Reipublicæ, ut bonum

commune fervari nullatenus valeat; si removeatur Religio; unde Homerus dixit Diis solum dandam coronam, tamquam victoriæ præsentibus, & apud Romanos triumphantes recipiebant coronas, sed eas statim portabant ad Templum, ad denotandum, quod solus Deus, vel proprii Penates, & Genii, ut ipsi loquebantur, victoriam donabant. Absit credere idolis, sed ex hoc solum deducitur, quod lumen naturale dicet sine aliqua invisibili virtute non posse boni aliquid fieri: Quod autem pro invisibili virtute fonte totius bonitatis intelligebant antiqui Gentiles Jovem; & pro ejus ministris Genio, & penates, nos intelligimus Deum Trinum, & Unum, & Angelos, sive Custodes, sive Cœlorum motores ab Aristotele intelligentias nuncupatos.

*Pœnitentia* est virtus illa, quæ reddit Deo satisfactionem pro peccato; de hac nihil apud Ethicos inquirendum, sed in Theologia morali, in qua

qua speciales tractatus eduntur, non modo de Pœnitentia, ut Sacramento, sed etiam de ipsa, ut virtute.

Remanet demonstranda bona divisio justitiæ in novem partes potentiales ipsius, seu in novem virtutes subordinatas justitiæ, scil. Amicitiam, Gratitude, Liberalitatem, Observantiam, Pietatem, Pœnitentiam, Religionem, Veracitatem, & Vindicativam, Demonstratur autem sic; virtutes subordinatæ justitiæ, & quæ respiciunt jus ad alterum duplici modo possunt deficere à debito justitiæ; primò ratione æqualitatis, secundò ratione debiti rigorosi.

Deficiunt à debito ratione æqualitatis quattuor virtutes, quæ non possunt reddere æquale; hæ autem sunt Religio, Pietas, Pœnitentia, & Observantia! Religio non potest reddere Deo cultum æqualem cultui ipsi, qui Deo debetur; & si enim summum pro viribus exhibeamus Deo cultum, semper majorem ipsi exhibere debe-



mus, & superstitio; quæ Religioni opponitur, non opponitur ei per excessum quatenus nempe minus debeamus colere Deum; sed solum ratione modi, quia scilicet non colimus Deum eo, quo modo, debemus. Recepimus à Deo esse, & omnia bona, nec ipsi æquale reddimus, quia non possumus satisfacere ad æqualitatem. Non minus in Observantia, quam in Pietate non possumus reddere æquale; quemadmodum enim à parentibus esse recepimus, quod reddere æquale non possumus, seu quo nullom aliud beneficium majus, & cui simile nullum, ita esse morale, nempe virtutem recepimus ab iis, quos per observantiam, veneramur.

De Pœnitentia, certum est, quod nullimodè satisfactio possit esse ad æqualitatem. Satisfactio enim ad æqualitatem importat æqualitatem inter personam satisfaciendam, & eam cui fit satisfactio, cum ergo sit infinita distantia inter pœnitentem



tem ponentem satisfactionem , & Deum offensum , cui fit satisfactio , consequens est , quod nulli modò possit fieri satisfactio ad æqualitatem .

Quinque aliæ virtutes , quæ sunt partes potentiales justitiæ , non servant debitum rigorosum , & legale ; sed solum debitum morale , scilicet respiciunt quandam decentiam , & honestatem ; hæ autem sunt in duplici genere . Aliæ enim dicunt debitum necessarium , aliæ verò secundum melius : ex iis , quæ dicunt debitum necessarium , una est , quæ se tenet ex parte debentis , & est veritas , seu ingenuitas , qua unusquisque debet se talem exhibere verbis , & factis , qualis revera est . Aliæ sunt virtutes , quæ respiciunt debitum morale , ex parte ejus , cui debetur , & hæ sunt gratitudo , & vindicativa ; debemus enim conferenti beneficia recompensationem conferre ex quadam decentia , & honestate , at non ex debito riguroso legali ; sicut pariter vindicativa exi-

git, ut debeatur pœna scelus; vel injuriam committenti, & hoc respicit personas privatas in aliquibus circumstâtiis, in quibus cognoscitur non esse philautiam, scil. amorem sui ipsius, sed ex bono zelo, respiciendo bonum commune, puta pro defensione patriæ, vel parentum.

Aliæ duæ virtutes sunt secundum melius esse, scil. Amicitia, & Liberalitas; non enim dicitur inhonestus ille, qui non habet amicitiam, vel liberalitatem; sed certè magis honestus est amicus, & liberalis, quam, qui nec amicitiae, nec liberalitati attendit; Debet amicus conferre bona amico, & liberalis munera conferre, ut melius, & honestius vivat; non tamen potest coarctari à lege ulla ad amicitiam, vel liberalitatem.

## CAPUT ULTIMUM

*De Temperantia*

**T**emperantia est virtus, quæ moderatur appetitum circa delectationes, quæ oriuntur ex cibo, & potu, & maxime ex venereis, & iis, quæ sunt circa tactus. Ex data definitione colligitur, quod objectum materiale temperantiæ sint delectationes ortæ ex cibo, & potu, & ex venereis, maxime circa tactum. Certè objectum primarium temperantiæ sunt delectationes ortæ ex tactu, unde refert Aristoteles 3. Ethicorum cap. 10. quod quidam Philoxenus Erycius gulæ dedit desiderabat habere guttur longius collo gruis, ut sic videlicet cibis posset per majus temporis spatium à gutture tangi; objectum verò secundarium, & materiale temperantiæ sunt delectationes ortæ ex alio sensu, v. g. ex odoratu; sic Leo delectatur ex eo,

eo, quia videt bovem, quo se pasci considerat, & canis leporem odorando, delectatur de pabulo, quod sperat.

Partes integrales Temperantiæ sunt Verecundia, & Honestas. Nominè Verecundiæ hic non venit illa animi perturbatio, quæ quis patitur suffusionem in opere inhonesto, sed Verecundia, prout hic sumitur, est Virtus quædam, qua quis abstinet ab omnibus iis, quibus potest aliquis suspicari opus aliquod inhonestum.

Honestas est ille decor, qui reperitur in opere Temperantiæ; ait enim Cicero, quod sicut pulchritudo corporis resultat ex consonantiæ membrorum, quæ servant debitum ordinem, ita honestas operis virtuosi resultat ex illa proportionè, & consensu, qui reperitur in actibus virtuosis, & præcipuè in actibus Temperantiæ.

Partes subjectivæ, seu species Temperantiæ sunt quatuor ex D.Th. scil. Abstinencia, Sobrietas, Pudicitia,

tia, & Castitas? Du Hamel censet non distingui Abſtinentiam à Sobrietate, ſed revera diſtinguitur, nam diverſa facilitas requiritur ad refræ-  
nandas cupiditates circa potum, ac eas, quæ verſantur circa cibum, multienim abſtinent à cibo, non tamen à potu; Abſtinentia ergo refrænât cupiditates, quæ oriuntur à cibo, & in hoc diſtinguitur ab aſtu temperantiæ in genere, quia abſtinens dicitur ille, qui non ſolum abſtinet à nimio cibo, ſive intemperantiâ, ſed etiâ ſubtrahit, & privat ſe aliqua qualitate, vel quantitate cibi, ut fieri ſolet in Quadrageſima; dummodo tamen id faciat, quia ita oportet, vel quia neceſſe eſt; non tamen ob avaritiâ, vel alium finem.

Scribit D. Paulus ad Philippenſes quarto ſe didiciſſe ſatiari, & eſurire, abundare, & penuriâ pati, ex quo bene colligit Auguſtinus non conſiſtere virtutem abſtinentiæ in eo, quod quis eſuriat; poteſt enim ſatiari, &  
ab.

abstinens esse? Id tamen intellige sano modo, nam edere, & bibere ad satietatem est peccatum, ut patet ex propositione damnata; sed per ly satiari non intelligitur, quod plusquam satis est, aliquis comedat, ut intelligitur illud neque ad satietatem, sed bene intelligitur, quod comedat, quantum satis est.

Sobrietas est virtus refrænans cupiditates, habentes ortum ex potu, & hæc virtus est maximè necessaria, ex D. Thoma 2. 2. & præsertim quinque generibus personarum, scilicet juvenibus, mulieribus, senibus, Episcopis, & Regibus. Juvenes egent sobrietate, ut luxuriam comprimant, & ideo Tacitus dicit, quod mulieres Germanæ sint castæ, quia vino minimè utuntur. Mulieres debent sobriæ esse, quia debili sexu ipsorum cerebrum infestat, & vel modicū vinū. Senes debent sobrii esse, quia sic possunt docere, & præbere exempla virtutum; Episcopi, ut cæteros instruant,  
& si.

& sint honorum operum speculum ;  
Reges , & Magistratus , ut judicent  
rectè.

Pudicitia est virtus refrænans  
cupiditates , quæ oriuntur ex circum-  
stantiis adnexis delectationibus , quæ  
resultant ex commixtione carnali. Pu-  
dicitia ergo versatur circa oscula , ta-  
ctus , & impudicos amplexus .

Castitas compescit delectationes,  
quæ originem trahunt ex commixtio-  
ne Venerea; ea autem quadruplex est;  
primò conjugalis , secundò vidualis ,  
tertiò Juvenilis , quartò Virginalis.

Castitas conjugalis est , qua con-  
juges se abstinere ab omni delectatio-  
ne venerea , quæ non est ordinata ad  
generationem prolis .

Castitas vidualis respicit viduas  
abstinentes à delectatione venerea so-  
lum post transactum matrimonium ,  
alterove ex conjugibus mortuo .

Castitas Juvenilis juvenibus com-  
petit , qua nempe juvenes venereas de-  
lectationes effugiunt , solum usque ,  
dum

dum matrimonium ineant.

Castitas Virginalis est illa, qua quis, vel quæ toto tempore vitæ abstinēt à Venereis.

*Virginitas* à D. Ambrosio definitur in libro de Virginibus *Corruptionis expers integritas*, & à D. Aug. lib. de Sancta Virginitate cap. 13. *Incorruptibili corpore perpetua incorruptionis meditatio*. Hinc D. Th. observat non esse Virginem, quæ aliquando delectationem est passa meditando corruptionem, & D. Hieronymus in Epistola ad Eustochium scribit, quod cum sit omnipotens Deus, & omnia possit, Virginem post lapsum reparare non potest. Sanè, sicut præterita non præterita esse non possunt, ita qui semel virginitatem amisit, virgo esse non potest.

Virginitas repræsentatur per lili-  
um, cui insunt sex folia, & etiam  
Virginitatem custodiunt sex virtutes,  
scil. Sobrietas, Vestis humilis, & vilis,  
Modestia sermonis, Labor, Verecun-  
dia,



dia, & Taciturnitas, & sicut in lilio sunt tria grana, sic triplex amor, quo diligitur Deus, sc. fortis, dulcis, & prudens virginitatem conservat.

Partes potentiales Temperantiæ quatuor communiter assignantur, cum D. Thoma, scil. Continentia, Clementia, Mansuetudo, & Modestia.

*Continentia* dicitur à D. Thoma virtus imperfecta, & semivirtus, quia non facit opus perfectum; non enim refrænât passiones, ut castitas, sed solum non sequitur impetum illarum; unde dicitur continens esse ille, qui habet etiam passiones ad venerea impellentes, dum se continet ab iis, sive illas non sequitur. Continentia ergo est virtus illa, qua quis continet se à delectationibus venereis, ad quas ex concupiscentia non refrænata inclinât.

*Mansuetudo* est virtus illa, quæ moderatur iram, & est media inter stupiditatem, & nimiam indulgentiam.

Ira est summè necessaria ad prudentiam.

denter agendum, & servit fortitudini; unde ex Du Hamel Mansuetudo reducitur ad fortitudinem. Iræ quippe non dandus est locus, ut mentem perturbet, sed semper cum moderamine ipsa uti debemus. Hinc Aristoteles lib. 4. Ethicorum cap. 5. dicit, quod mansuetus sit ille, qui quando, cum quibus, & quomodo oportet, irascitur. Insensatus, vel stupidus dicitur ille, qui vult nunquam irasci, & ne quidem, quando oportet.

Hæc virtus, nempe mansuetudo, fuit in Theodosio, de quo dicit Ambrosius in oratione de obitu ejus, quod tunc veniæ magis deditus erat, quando major erat iracundia; oportet ergo iracundiam temperare, sed Regibus præsertim ea est necessaria, quando oportet, ne Justitia deferatur. Refertur de quodam Rege Cypri post Gotifredum, quod matrona quædam ex Aquitania eum valde reprehendit, (dum petiit ab ea consilium, quomodo

do iustum se gerere posset ) quia ipse Rex solebat iustitiam deferere, nunquam iratus; unde iratus Rex emendavit se ipsum.

Modestia est virtus illa, quæ modum imponit in operationibus. Hæc autem quincuplex est, scilicet Humilitas, Modestia morum, Eutrapelia, Modestia cultus, Studiositas.

Eutrapelia est virtus illa, quæ ponit modum in jocosis, & ludicris; tametsi modestia morum ab aliquibus confundatur cum ipsa Eutrapelia, atamen revera distinguitur ab ea; Modestia enim morum imponit modum in rebus serijs, & dat esse modestum in incessu, in motu corporis, in gestibus, & similibus, & de huiusmodi virtute dicit Ambrosius, quod ex visu modesti immodesti sanentur, sicut ex visu icteri avis icterici, scilicet laborantes morbo regio, seu icterico sanantur.

Alia species modestiæ Modestia cultus est apparatus vestium; docet

L                      enim

enim unumquemque eas sibi vestes apponere, quæ suum decent statum, licet humilitatis causa aliquando vilioribus, nunquam tamen immundis, nisi ex necessitate, quis uti debeat vestibus.

De humilitate, & studiositate dictum est satis superius.

Examinanda nunc vitia, quæ temperantiæ opponuntur, ea autem ex D.Th.2.2. quæst.118. sunt intemperantia, & stupor, vel insensibilitas, & ex eodem Doctore majus vitium est intemperantia, quam stupor, quia, intemperantia facit nos similes brutis, unde Seneca epist.29. dicit de quodam stolido, qui dicebat se malle cum mulieribus, quam cum Philosophis conversari, quod ei responderit Pithagoras: *Et sus potius cano delectatur, quam floribus.* Intemperantia ergo est vitium illud, quo quis nimis sequitur delectationes provenientes ex cibo, potu, & venereis. Stupor verò, cum quis non vult ipsis delectatio-

tionibus uti, quando, quomodo, & quantum oportet, seu rectæ convenit rationi.

Abſtinentiæ opponitur gula, in qua quinque modis ex D. Th. poteſt errari: hi continentur eo verſu: *Præpropere, laute, nimis, ardentè, ſtudioſè.* Præpropere ſignificat: cum quis anticipat tempus comestionis, & ad id etiam reducitur comestio in loco non debito, v.g. in templo, vel tempore ſacri, & cum edit ſæpius, quam par eſt.

*Laute* importat comestionem ciborum lautorum v.g. cum plebejus vult ſemper comedere cibos pretioſos, ut perdices, phasianos &c.

*Nimis* eſt vitium illud, quo quis vult comedere plusquam neceſſitas, vel complexio requirat, seu ſupra id, quod abſtinentia permittit.

*Ardenter* peccat, qui comedit more canum, aut leonum omnia ſimul vorantium.

*Studioſè* dicitur ex gula deficere, qui omnem curam adhibet in come-

dendo, ut si vellet omni a saccharo esse condita.

Ex gula oriuntur quinque filiae ejus, scilicet mentis hebetudo, immunditia, scurrilitas, inepta lætitia, & multiloquium.

Mentis hebetudo est, cum quis ob fumos pervenientes ad cerebrum, mentem taliter obfuscata[m] habet, ut nesciat, quid eligere debeat. Dicitur hebetudo a græca voce ibi, quæ significat pubertatem, ea autem ætate solent homines hebetes esse, vel ab hæbræa voce abba, quæ significat obesum; solent enim etiam obesi stupidi esse, & hebetes mente.

Inepta lætitia est, quando quis ex immoderato cibo, vel potu absque iusta causa lætatur.

Multiloquium solet contingere ex ipsa gula, cum nempe quis multa loquitur, & nihil concludit, quia videlicet nescit, quò sua oratio tendat.

Scurrilitas est jocositas quædam, qua quis non solum nescit compe-

re

re linguam ; sed etiam immoderatus est quoad exteriores gestus .

Dicitur scurra a græco scor, scil. stercus ; Scurra enim semper in fætidis , & obscænis sermonem conservat, nisi velis dicere , quod scurra dicatur , quasi sine cura .

Immunditia est superfluitatum , vel excretionum rejectio , vel ipsius feminis emissio ex ipso immoderato cibo , & potu .

Ex D. Th. 2. 2. qu. 153. ex luxuria, quæ castitati opponitur, sex vitia oriuntur ; ea autem sunt inconsideratio, inconstantia, præcipitatio, amor sui, odium Dei, affectus præsentis sæculi, horroris futuri sæculi, & cæcitas mentis.

## Q U Æ S T I O U L T I M A

De Passionibus Animi .

## C A P U T P R I M U M

*De Passionibus in communi .*

**P** *Affio*, sive affectus animi definitur à Zenone , *appetitus irrationalis* ; ab Eustratio verò *motus appetitus sensitivi in prosequendo bonum, vel fugiendo malum, prout ea offeruntur* ; à phantasia , vel cogitativa .

Undecim assignantur animi passionibus, quas omnes comprehendo his duobus carminibus ; *Tristor, delector, fugio, desidero, amo, odi,*

*Desperas, metuis, speras, irasceris, audes.*

Sex primæ passionibus resident in concupiscibili, & sunt tristitia, delectatio, fuga, desiderium, amor, & odium. Secundo in carmine comprehendere volui quinque alias passionibus,



nes; quæ sunt in irascibili, scilicet desperatio, timor, spes, ira, & audacia.

Stoici credunt has omnes passiones, tum irascibilis, tum concupiscibilis cadere non posse in sapientem; unde sapientem græco vocabulo dicunt *apati*, scilicet impassibilem; *a* enim significat sine, & *pathos* passionem; Peripatetici verò, & omnes communiter Catholici defendunt passiones etiam in sapientibus reperiri; quin, & Theologi sustinent Christum Dominum assumpsisse passiones, quas tamen vocant in ipso *propassiones*, quia vulgo nomine passionum veniunt affectus irrationales, & inclinationes ad vitia. Atque etiam D. Aug. lib. 10. de Civitate cap. 9. inquit, quod sicuti Christus Dominus veram naturam humanam assumpsit, ita, & veros animi affectus, & veras passiones, at, & ipse Aug. lib. 9. de Civit. cap. 5. notat, in nostra disciplina non tam quæri, utrum pius animus irascatur,

sed quare, nec utrum sit tristis; sed ad quid? Irasci enim, ut peccator corrigatur, vel tristari de malo alterius, aut illud timere, non potest sana consideratione reprehendi. Ut quæstio hæc dissolvatur, sit

### A S S E R T I O.

In solis hypocritis passiones sunt damnandæ.

*Pro feria 4. Quadrage.*

**P** Robatur, quia hypocritis passiones sunt mera tristitia, & nullam delectationem involuunt; unde Matthei 6. dicitur, *cum jejunatis, nolite fieri, sicut hypocritæ tristes*. In hoc igitur loco demonstrare conabor, quod undecim passiones præjectæ sint solo mærore repletæ in hypocritis; unde dedecet sapientem, & beatum, sive felicem; in decem verò capitibus subsequentibus indigitavero, quomodo

do sint dirigendæ, & quod ratio passionibus dominetur, juxta illud, quod dixit Deus ad Cain gen. 4. Sub te erit appetitus tuus, & tu dominaberis illius.

Ad ostendendam præfatam doctrinam expedit notare ethymologiam hypocritæ: dicitur itaque hypocrita, græcè hypocrisis, scilicet histrio, & hypocrisis scilicet actio, nam, ut notat Isidorus libro 10. Hypocrita est tamquam histrio, qui simulat personam, quam revera non repræsentat, & ut benè observat Lyranus, dicitur etiam à græca voce, hypo, & crisis, sc. sub auro, quia sub auro honestatis, quam in sua conversatione demonstrat, plumbum falsitatis, & vanitatis abscondit. Scio à Vossio vocari ridiculam hanc ethymologiam a Lyrano adductam, sed ego notavero, quod si ipse Vossius non dubitavit Hypogæum, seu sepulcrum dicere ab hypo, & geos, scilicet sub terra, vel hypo caustum ab hypo, & cau-

caustum, nempè subaccensum, non video, cur gratis ridiculam ipse nominet reflexionem de hypocrisi, quam retulimus ex Lyrano.

Quale quale sit hypocritæ ethymon, ex relatis certè deducitur in hypocrita veracitatem non esse: Veracitas virtus homini sapienti conveniens est, qua quis talis videri vult. qualis revera est. Non ergo huiusmodi virtus est in hypocrita, qui tamquam histrio aliam inducit personam contra præceptum Deuteronomij 22. ubi præcipitur hominem non vestiendum veste feminea, non feminam veste virili: per id designatur abominatio hypocritæ, quam Deus etiam designavit, prohibendo vestem, ex lino, & lana contextam, ut benè observat Chrysostomus. Concludam cum Hieronymo ep. 58. dicente monstrum esse hypocritam, & bestiam quamdam ex diversis naturis compositam. Chymæra dicitur ex natura Leonis, & Draconis, juxta illud Poætæ; *Primò*

*Dra-*

*Draco, inde Leo, media ipsa Chymera.*  
 Mentem habet lupinam, & vestem  
 ovinam; dum desiderat apparere Ca-  
 tonem, videtur esse Neronem. Hæc  
 omnia ex ipso Hieronimo. Cum hæc  
 ita se habeant, quis non videat pas-  
 siones hypocritæ esse omninò ferinas.  
 Ut à tristitia initium ducamus, eam  
 esse probabo in hypocrita detestan-  
 dam. Tristatur hypocrita, non ob ho-  
 nestatem, seù ob bonum honestum,  
 scilicet hominis statum respicientem,  
 & ità intelligitur illud Ecclesiastia 36.  
 v. 22. Cor pravum dabit tristitiam,  
 & vir peritus resistit illi. Legit græcus  
 Codex: *cardia strephi* scilicet cor pra-  
 vum, quod vertit Pigna in eundem  
 locum, cor versipelle, versutum, &  
 vafrum, & postea exponit cor simu-  
 latum, & fictum. Cor ergo hypocri-  
 tæ tristitiam dabit, sed vir peritus re-  
 sistit illi, ut addit Lyranus. ob sapien-  
 tiam suam. Hominis ergo sapientis  
 est fugere illam tristitiam, quæ pro-  
 priè hypocritæ est.

Tri-

Tristatus fuit Herodes, qui hypocrita erat; dum enim fingeat se velle scire, ubinam natus esset Rex Judæorum, non aliò tendebat, quam ad perdendum eundem, & ferinam crudelitatem ostendit, occisione innocentium. Jamiam moriturus jussit nobiles plurimos Regni post mortem ipsius occidendos, quia volebat totum regnū debere plangere mortem ipsius, sed, & ipse volebat seipsum occidere, & occidisset, nisi impeditus fuisset, at paulò post atra bile, vel tristitia periit. Hic est finis hypocritæ.

Ne ab Herode discedamus, ipso met probavero delectationem in hypocrita veram non esse, vel eam, quæ hominem deceat. Legatur Job. cap. 20. inquit *gaudium hypocritæ ad instar puncti*; & si videris Herodem regnasse, legas eundem Job inquentem de Deo, qui regnare facit hominem hypocritam propter peccata populi. Regnavit itaque 39. circiter annis Herodes, sed ad instar puncti, quia

36. annos ante Nativitatem Domini  
 Jesu non Rex, sed Tirannus extitit,  
 usque enim ad illud tempus erant le-  
 gitimi successores Regni, quos ipse  
 fecit occidi, cum natus est Domini  
 Jesus, & sic verificatum oraculum,  
 non auferetur sceptrum de Juda, do-  
 nec veniat, qui mittendus est, ut Abu-  
 lensis observat, & usquequo erant le-  
 gitimi successores in Regno, tametsi  
 non regnarent, non ablatum fuit Sce-  
 ptrum de Juda, ut monet Petrus Ga-  
 latinus in arcanis Catholicæ verita-  
 tis. De reliquis annis, quibus regna-  
 vit Herodes, legatur vita ipsius, &  
 videbitur tota in doloribus, morbis,  
 & conspiracyonibus perdurasse.

Fuga, prout in hypocrita repe-  
 ritur, adhuc abominabilis est. Chri-  
 stus Dominus Matth. 23. reprehen-  
 dit hypocritas, vocans eos serpentes,  
 & genimina viperarum, & excolantes  
 culicem, glutientes autem camelum;  
 His omnibus edocemur fugam dede-  
 cere in hypocrita; si enim fugiunt,  
 vel

vel detestantes culices, scilicet modica, ut interpretatur Sà, & non curant fugere quin amplectuntur maxima scelera, benè dicuntur ij serpentes, quia serpens modo ad dexteram, modo ad sinistram serpit, & fingit fugere, ut ità decipiat. Non secus hypocrita; ipse enim fingit fugere leves culpas, ut possit in occulto gravia patrare. Ica erant Principes Sacerdotum, qui timebant accedere ad prætorium Pilati, non tamen verebantur Christum occidere. Hæc igitur fuga sapienti non convenit.

De desiderio monemur Proverb.

21. *anima impij desiderat malum, & non miserebitur proximo suo*; ubi vulgata habet *impij hæbræus* legit *ruscha*, & græcus *Aphos*, scilicet non volens; de hypocritis autem Christus Dominus dixit frustra me volunt, nempè docent, vel quæ non conducunt ad pietatem, vel quæ contrariantur eidem; & Estius advertit nomine impiorum sæpè in sacris litteris hypocritas denotari.

Quid



Quid mirum ergo, si desiderium impiorum, vel hypocritarum peribit : pluries enim apud 70. loco nominis *hypocritæ* habetur vox *impij*, & vice versa. Sapiens certè non impius; is ergo tale desiderium abominari debet.

Diximus de amore : Dixit Christus Dominus Matth. 6. quod hypocritæ ament orare in Synagogis. Hic certè amor, nonnisi singularitas est, species nimirum quædam superbix. Synagoga erat locus aptus docendæ, audiendæ, vel explicandæ legi divinæ, & ideò non dicit *in templo*; Templum enim domus orationis est, & in eo licet orare, non autem in synagogis. Advertit hic bene Estius laudatus eos non inde reprehendi, quod publicè orent; & ipse enim Christus Dominus in conspectu Apostolorum oravit, sed solum reprehendit eos, qui orant in synagogis, ut videantur ab hominibus, quemadmodum Pharisæi, de quibus Christus Dominus.

Hic

Hic amor proprius ; qui dicitur Philautia, sapientem non decet .

Nunc de fuga . Præcepit Dominus ex ore Moſis Levit. 19. *Non oderis fratrem tuum in corde tuo.* Hypocritas hæc tangit monitio ; quandoquidem ij videntur amare proximos ſuos , & Deum ipſum , ſed revera illos odio habent, & unus ex ijs erat Simon Magus, cui dixit Petrus Apoſtolus, quod cor ejus non erat rectum coram Deo: videbatur velle gratiam Spiritus Sancti ex amore Dei , & proximi , quem adjuvare ſe velle dicebat , atque ita non erat . Hoc odium non decet ſapientem . Magus ſapiens interpretatur, prout de tribus magis; non verò, prout ſignat Simonem Magum . De desperatione loquamur. Magus alius, ſcilicet Elymas exponat de desperatione ſententiam . Dixit illi Paulus Apoſtolus: ò plene omni dolo , & fallacia, quouſque deſines ſubvertere vias Domini! tandem deſperatus obiit, hic idem , qui volebat avertere Proconſulem

sulem à fide, quam prædicabat Apostolus. Hinc meritò Job dixit ad Eliphaz Hypocritam, innocens suscitabitur contra hyppocritam, quod interpretantur expositores in Biblia magna de Eliphaz.

Quicquid de passionibus concupiscibilis retulimus, à fortiori de iis, quæ irascibili subiectantur, hippocritis appropriantur, & maximè de desperatione, de qua in præsentì: Ea dedecet hominem, quæ reperitur apud hypocritas desperatio. Exemplum habemus secundo Machabæorum cap. 9. versu 18., ubi legitur de Antiocho, quod desperans semetipsum scripserit epistolam desperationis ad Judæos. Hic Antiochus bene ab Hana-po reponitur inter hypocritas, quoniam ipse misit Apollonium Jerosolymam, ut simularet pacem se velle cum Judæis inire; cum autem Sabbati dies advenit, & Judæi volebant in Sabbati venerationem arma tractare, tunc irruit super eos, & millia plura

M

tru.

trucidavit eorum. In Biblia magna cum Glossa Lyrani dicitur huiusmodi desperationem ex eo evenisse, quod veniam non invenerit apud Deum Antiochus, quia nempe simulata, & ficta pœnitentia ipsius, & certè si ipse veram pœnitentiam habuisset, ut in illa epistola se habere testantur, veniam utique obtinuisset à Deo.

De timore aperte loquitur Isaias cap. 33. *inquiens possedit tremor hypocritas*. Timor, & tremor venerunt super hypocritas illos, de quibus loquitur Isaias, sive ii fuerint ipsi Judæi, qui timuerunt Deum, qui ultus erat de inimicis eorum, & voluissent Deum non habere vicinum, ne pariter ultionem caperet Judæorum, sive intelligas Assyrios, de quibus ultus est Deus, sive alios, ut multifariam, multisque modis Expositores interpretantur. Certè h. m. timor inutilis est, quin & valde inconveniens. Beatus vir, qui timet Dominum, si tamen, non ut hypocrita timeat.

Spem

Spem nullam in hypocritis bonam testatur Job dicens, quæ spes apud hypocritas? Altercabatur Job cum hypocritis illis, qui cum iissent ad consolandum eum, hypocritarum more addebant afflictionem afflicto, & ut Job indicaret spem ipsius non fuisse insanam, hypocritæque spem, illa protulit, quasi diceret: si ego hypocrita fuisset, certe nullam spem reposuissem in Deo, & tamen vos ipsi fatemini, me in Deum semper sperasse; Spes ergo, quæ hypocritarum non est, valde laudabilis.

De Indignatione, vel ira habemus testimonium Salomonis dicentis; ne sis hypocrita in conspectu hominum, & ne scandalizeris in labiis tuis. Ecclesiastici primo dicitur, quod mos hypocritatum sit scandalizari in labiis, seu indignari reprehendendo, quæ sunt aliorum occasio ruinæ. Archisynagogus taxatus, tamquam hypocrita à Domino Jesu, cum scandalum passus indignatus fuit, ex eo quod Chri-

itus Dominus Sabbati die curaverat.  
 Concludamus Passiones quascumque  
 in audacia. Ecclesiastici 21. legitur:  
 notus à longe vir potens, lingua au-  
 daci. Hujusmodi homines noti à lon-  
 ge sunt viri hypocritæ, & ab eis sa-  
 piens quærit labi, quia ore dicunt  
 Deum amare, sed cor eorum longè  
 est à Deo. Coronetur sermo de hy-  
 pocrisi, & passionibus animi audacia  
 Ananiæ; hunc enim hypocritam ex-  
 titisse testatur Tirinus, audacia, in-  
 quam, qua mentitus est Spiritui San-  
 cto, mortuus est, & sane modo, quo  
 legitur in Actibus Apostolorum cap.  
 5. ubi ejus refertur mors, dum men-  
 titus fuerat de pretio agri; quem ven-  
 diderat, & quod post hæc nemo au-  
 debat se jungere cum Apostolis, evi-  
 denter ostendit, quod notus à longe  
 vir potens lingua audaci fuerat Ana-  
 nias, qui visus est contra mentem ire,  
 seu mentiri etiam Petro Apostolo, qui  
 eum à longe cognovit. Novit nempe,  
 quod ex hypocrisi volebat Religiosus,  
 &

& communista esse, sed servaverat pretium, ut posset seorsim deliciari. En vides, quod passiones animi omnes in hypocrita non sint, nisi tormenta, & mortem tandem inducant. Nunc de singulis passionibus animi sigillatim.

## CAPUT SECUNDUM

De delectatione, & de Jejunio.

*Dominica Prima Quadragesimæ.*

**D** At nobis thema Matthæus cap. 4. ut legitur Dominica prima Quadragesimæ: *Non in solo pane vivit homo, sed in omni verbo, quod procedit ex ore Dei.* Hic occasionem sumimus demonstrandi delectationem omnem in jejunio reperiri, quod, ut delectabiliter, & utiliter assequamur, afferemus primò ethymologias delectationis, atque jejunii.

Delectatio ergo, vel deducitur a verbo latino do, & lacio, quod apud

antiquos significabat blandiri, sed ex frequentativo ejus lacto factum est usitatum delecto, vel à verbo græco lachizia scil. rumpere, vel ab hæbræo vocabulo laca, sc. blandiri, vel adulari.

Jejunium dicitur, vel à græco in eo, scil. evacuatio, quia jejunii vacuus est venter, ut observat Vossius, vel, ut ipse subiicit, ab Je, & ines scil. fibræ vacuæ, vel solæ, unde jejunos, & inde jejunium. Dicitur autem græce nistia à nisteria, quasi non edere, unde latinè dicitur inedia, tametsi inedia rigore jejunium non sit, & ut hoc magis intelligatur, sciendum quadruplex esse jejunium, primo spirituale, secundo morale, tertio naturale, quarto Ecclesiasticum; *Jejunium spirituale* est illud, quo abstinetur à vitiis, & tale jejunium Augustinus tract. 17. in Joannem vocat magnum jejunium. *Jejunium morale* est parsimonia cibi, & potus, & virtus illa moralis, quam approbaverunt Philosophi, & Gentiles



les , & de ipso tractat quam bene Hyeronimus contra Jovinianum, *Jejunium naturale* est omnimoda abstinencia a cibo, & potu quacumque ratione trajecto in stomachum : hoc est necessarium ante sumptionem Eucharistiæ : ex instinctu quodam divino Ecclesia fuit edocta tale jejunium teste Augustino . *Jejunium Ecclesiasticum* est quædam abstinencia à cibis quibusdam modo , & forma ab Ecclesia præscriptis . De hoc ultimo jejunio pertractaturi mox sumus , & paucis demonstrare conabimur delectationem veram in Ecclesiastico jejunio reperiri .

Prædicatur jejunium maxime à Joele Propheta cap. i. , ubi legitur : *Confusum est gaudium à filiis hominum*, & paulo post , *Sanctificate jejunium*, quo facile nos valeamus exprimere gaudium, vel delectationem in jejunio reperiri veram .

Quærit Vincentius Beluacensis in speculo morali libr. i. disput. i s.

M. 4.

utrum

utrum gaudium sit idem, ac delectatio, & resoluit cum Avicenna, gaudium esse delectationis speciem. Ne delectatio confundatur, debet illa distingui in delectationem competentem homini, eamque, quæ cōvenit bestiis: quæ convenit brutis, communi vocabulo delectatio nuncupatur, quæ verò homini competit, dicitur gaudium, unde homines gaudere dicuntur, bruta verò pariter, ac homines delectari.

His prælibatis benè ad rem nostram intelligatur illud Joelis, *Confusum est gaudium*. Confundunt homines delectationes, cum eas, quæ brutis conveniunt, sibi ipsis assumunt, & hinc benè Joel ipse subjungit: *Sanctificate jejunium*, & paulo post: *Confusum est triticum*. Omnia vere ad rem nostram. Confundere autumat, & Sathanas triticum domino suggerens: *Dic, ut lapides isti panes fiant*. Vere panis alit hominem, sed non in solo pane vivit homo, sed in omni verbo, quod procedit ex ore Dei. Habes simile  
te.

testimonium Deuteronomij 8. nu. 3.<sup>o</sup> ubi legitur, quod penuria Deus afflixerit populum, & postea dederit, & manna cujus cognitionem nec habuerunt ipsi, nec Patres ipsorum, ut cognoscerent, quod non in solo pane vivit homo. Nisi velimus confundere delectationes, & panes debemus advertere, quod panes cum jejuniis assumptidelectationem hominis creant, atqui sine jejuniis delectationes pariunt brutorum.

Facit ad thesim nostram firmandam Ethymologia delectationis à lacio, & quas retulimus nominis delectationis origines, five ex græco, five ex hæbræo, five ex latino omnes vides fundatas in rumpere, vel blandiri, five adulari. Taliter explico delectationes homini non competentes: hæc hominem corrumpunt, quæ sunt naturales, quando non modo, & forma à ratione præscriptis sumuntur, ut bene advertit laudatus Vincentius. Eæ vero, quæ homini sunt competentes,

tentes, dilatant cor hominis, & produ-  
 dunt verum, & primum effectum;  
 unde credidero nomen potius dele-  
 ctationis oriri, scilicet delecto quasi di-  
 lato cor; hinc etiam lætitia, quasi læ-  
 titia. Dilatatur cor hominis, cum  
 quiescit in bono juxta rationem ipsi  
 convenienti. Delectatio definitur quies  
 in bono amato, & consequens ad ali-  
 quam operationem. Bonum autem est  
 duplex, aliud bonum simpliciter, aliud  
 bonum quoad nos. Est bonus simpli-  
 citer panis dictus à pascendo ex No-  
 nio; ipso enim pascuntur homines,  
 sed si non sit modo, & forma ab Eccle-  
 siastico jejunio præscriptis, cum je-  
 junandum est, corrumpit, non pascit  
 hominem, juxta vulgare illud effa-  
 tum: *omnis corruptio mala; panis au-  
 tem pessima*. Döceant hanc verita-  
 tem Sacerdotes Ægyptij, de quibus  
 refert Chæremon Stoicus, quod ipsi  
 abstinebant à carne, ab ovis, & à la-  
 cte, ut attentius contemplationi va-  
 carent. Scimus Gymnosophistas cor-  
 titi.

ticibus arborum, & sylvestribus fructibus pastos fuisse, ut contemplationi operam darent, ac delectarentur ea.

Alius delectationis effectus est usum rationis augere; delectatio itaque rationem adauget, teste Aristotele, quando est propria hominis, non quando competens brutis. Delectatus est Isaac ex comestione hædorum, & bona delectatio ipsius, atque laudabilis: Vice versa de lenticula delectatus Esau blasphemandus profecto, quia ratio distabat hædos comedendos a primo, non ita lenticulam à secundo sumendam.

Alios quoscumque delectationis effectus à Philosopho 10. Ethicorum enumeratos, in pane cum jejunio servaveris; hoc enim, quod est desiderium sui accendere, non modo, quo corporales deliciae, scilicet corrumpendo, ut inquit Belluacensis, sed per hoc, quod desideretur perfectior conjunctio cum re spirituali, & hoc, quod est perfectiorem operationem patrare, om.

omnia, inquam, in pane illo, de quo agimus, facile reperietis. Observat Aristoteles 6. Ethicorum, quod corporales deliciae corrumpant, vel diminuunt usum rationis. Esca Eucaristica est ille panis, qui omnia perpetrat, quæ vere delectant, & ne in plura oratio distrahatur, satis est authoritas Hieronimi ad Amandum scribentis, loquendo de Jesu; Ipse autem in esca Eucharistica est omnia, unde si panem dicere velis à græco pan, quod significat omne, panem dicemus hoc Sacramentum, si à pascendo, adhuc, & is est panis, de quo sapientiæ 16. Angelorum esca nutritiisti populum tuum, & paratum panem de Cælo præstitisti illis sine labore, & omne *Delectamentum* in se habentem. Hic est panis ille, quo Virgo Clara jejunans per plurimos dies se se servavit in vita. Si ergo veras delectationes amatis, expedit, ut panem jungatis Verbo Divino, & divinæ illi doctrinæ, de qua dicitur, frange esurienti panem tuum. Fregimus

mus satis nos : ex illo victitemus jam cibo , & experiemur , quod non in solo pane vivit homo , sed in omni eo , quod procedit ex ore Dei , in oratione , & jejunio .

## C A P U T T E R T I U M

De Timore, qui est Passio animi, & de Timore Dei .

*Dominica 2. Quadrag.*

**D**Ocet nos Mathæus cap. 17. Apostolos cecidisse in facies suas, & quod timuerunt valdè, ut in Dominica 2. Quadragesimæ legit Ecclesiastice, *& timuerunt valde* vertunt Sà & Menochius ex hæbræo, quia timuerunt valde. Hinc melius refelluntur Calvinistæ illi, qui censent timorem hominem dedecere. Maldonatus in textum laudatum Matthæi quam bene reflectit Calvinistam quendam interpretem textus relati, valde deceptum

tum, ex eo, quod voluerit affirmare, Apostolos cecidisse in facies suas adorabundos veneratione, non autem timore. Fundabatur is Calvinista in phrasi hæbræa, scilicet *niphal ngal peni*, scilicet cadere super faciem, pro quo hæbræi intelligunt cadere adorabundos, & hoc Maldonatus comprobat falsū ex eo, quia primo Regum legitur Goliath cecidisse in faciem suam, & certè non adorabundus sed moriens is cecidit. Similia habes in Daniele cap. 8. & alibi passim notatur, & Daniel cecidisse in faciem suam, & vere visione perterritus. Non nega vero cadere in faciem in sacro textu quandoque adorationem signare, non tamen id semper, ut ex allatis patet exemplis: unde benè concluditur Apostolos non ex veneratione, sed ex timore cecidisse in facies suas. Utinam ex Dei timore nos in facies cadamus nostras; neque quis audeat cum Quesnelio obmuffitare timorem ob solam abominationem gehennæ detesta-



stabilem esse, & ad nihil juvare; quam bene enim Clemens XI. damnavit hanc propositionem 62. Quesnelij; *Qui à malo non abstinet, nisi timore pœnæ, illud committit in corde suo, & jam est reus coram Deo*; sed & eam damnatam reperimus sess. 6. can. 8. Concilij Tridentini sub his terminis, *Si quis dixerit gehennæ metum, per quem ad misericordiam Dei de peccatis dolendo confugimus, vel à peccato abstinemus, peccatum esse, atque peccatores peiores facere, anathema sit*. Propositio hic damnata non in alio differt a propositione Quesnelij, nisi in hoc, quod propositio damnata in Quesnelio dānet metum gehennæ, & propositio damnata in Concilio damnet metum gehennæ confugiendo ad misericordiam Dei, sed hæc differentia non favet Quesnelio, nam confugere ad misericordiam Dei est oratio, & oratio peccatorum etiam habetur, ut peccatum à Quesnelio propos. 59. quæ sic habet; *oratio impiorum est novum*,  
pec.

peccatum, & quod Deus illis concedit, est novum in eos iudicium. Ergo in sententia Quesnelij, qui abstinere a peccato propter metum gehennæ peccat, & qui abstinere a peccato propter metum gehennæ confugiendo ad misericordiam Dei, seu orando, addit peccatum peccato, quod est hæresis damnata in Tridentino. Timor ergo Dei utilis est, atque laudabilis, siue Dei, ut iudicis, siue Dei, ut amati; Nunquam credidero Christum Dominum voluisse pronunciare: Timete eum, qui potest animam, & corpus mittere in gehennam ignis, si talis timor non esset utilis, necessarius, atque laudabilis, vel saltem, si illud esset peccatum, ut prætendit Quesnelius. Ecclesiast. 12. vers. 13. dicitur: *Deum time, & mandata eius observa; hoc enim est omnis homo.* Examinemus timoris ethymon, & propositionem nostram firmabimus. Timor dicitur à græco timi, quod significat honorem; & aliquando etiam significat pœnam. Honor

nor homini cōpetit, quare ex Iſido:  
 ro honestus dicitur, quasi hominis  
 status, & inde etiam dicitur honor.  
 Vis ergo scire, quid sit omnis homo?  
 Ecclesiastem considera, & advertes  
 omnem hominem esse Deum timere,  
 & mandata ejus servare. Novit hanc  
 veritatem Judith, quæ dicitur mulier  
 valdè famosa, & quod de ea nemo au-  
 debat verbum malum proferre, quia  
 Dominum timuit. Mulier timens Do-  
 minum ipsa laudabitur, Proverb. 31.

Quid dicam de obstetricibus Ægy-  
 ptijs, quæ tametsi infideles apud Deum  
 gratiam invenerunt; itaut eis Deus  
 ædificaret domos, quia Deum timue-  
 runt? Non erat adhuc fidelis Corne-  
 lius, nec tamen proinde derelictus à  
 Deo, solum ex eo, quia Dominum  
 timuit, ut in Actibus Apostolorum  
 testatur Petrus, qui dixit eidem, quod  
 in omni gente, qui Deum timet, sit  
 apud Deum acceptus. Absit ergo tan-  
 ta temeritas, ut velimus in peccatore  
 damnandum illum ipsum timorem,

N

qui

qui in non adhuc fidelibus etiam Deo gratus censetur. Tolle Dei timorem, & ecce jam omne peccatum.

Legimus Abraham dixisse ad Abimelech ipsum intra se cogitasse, quod fortè Dei timor in eo loco non erat, & ideò dixit ejus uxorem ejus esse sororem, timens nempe, ne interficeret eum. Sanè ubi Dei timor non extat, homicidium prudenter timendum.

Non modo impij, sed & justi debent habere Dei timorem, *Beatus vir, qui semper est pavidus* legimus Prov. 28. Si ad hæc advertisset probissimus Loth, qui inter peccatores vixerat justè, & timuisset Deum, dum erat in monte, non cum proprijs filiabus peccasset, ut notat Hanapus.

Sunt, qui timorem à tumore deducunt cum Cornelio Frontone; quasi qui timet, & tumeat. & hoc potest adhuc probari: ex eo quod Job bene inquebat se Deum timuisse, quasi tumētes fluctus maris: ex hoc Job occasio.

casione[m] assumpsit inter angustias  
semper Deum laudandi, [nec eum ter-  
ruit quævis angustia, quoniam Deum  
ipse timebat, ut de se ipse testatur.

Valet Dei timor ad hoc, ut pec-  
cato non præbeatur assensus, & Abdias  
dispensator Regiæ Domus noluit as-  
sentiri Jezabelis peccatis, sed quando  
novit, quod Jezabel omnes Prophe-  
tas curaverat interimi, ipse abscondit  
centum Prophetas. Abdias hic dictus  
pavit Prophetas, quia timuit Deum,  
ut sacro habetur in textu.

Abdias ex hæbræo vertitur Dei  
servus; Servus Dei est timor præpa-  
rans locum charitati, fortitudini, cæ-  
terisque virtutibus; juxta illud Gre-  
gorij primo Moralium, in via Dei in-  
cipitur à timore, ut veniatur ad for-  
titudinem. Ineptè servilem repre-  
hendunt hunc Quesneliani timorem,  
tanquam peccatum, & sanè si prima  
facie videantur rationes, quibus con-  
tra nos urgent, videntur aliquid ro-  
boris habere, puta respiciendo ad illud

Apocalypsis 21. in quo legitur timorem præparare locum in stagno ardenti, vel ad illud Proverbiorum 18. Timor dei jcit pigrum, aut tandem ad primum Joan. cap. 14. Perfecta charitas pellit foras timorem: Atqui, si Ethicæ attendimus, hæreticæ nos objectiones nullatenus lædent: Ethica enim docet, quomodo explicandus sit ille timor, in allatis textibus damnatus.

Ethica docet, duo esse vitia, quæ opponuntur inter se, nempe Timiditas, & Intimiditas, sive Impaviditas. Timiditas vitium est, quo quis timet quædã quoties, quando, & ubi timere non debet. Hunc quoque nos timorem damnamus, & hic damnandus in Pilato, qui ex timore sententiam protulit contra Dominum Jesum, & hic dejecit Petrum Apostolum Christum negantem. Si de hoc Quesneliani intelligunt, nos approbamus sensum eorum, sed contextus demonstrat, num illi de hoc timore loquantur. In-

timi-

timiditas vitium est, quo quis non timet, quæ debet timere, & provenit, vel ex defectu amoris, vel ex elatione animi, vel ex stultitia. Achitophel, & Judas ex defectu amoris non timuerunt se ipsos occidere. Non timuerunt ex elatione Nabuchodonosor, Aman, Leviathan, & Goliath, quorum primus cogitabat totum orbem suæ ditioni subijcere; alius hæbræos quoscumque interficere, alius Israelitas, alius homines quoslibet. Peccaverunt ex intimiditate hi omnes, ex stultitia non timuit Amalecites ille, qui interfecit semimortuum Saullem, quare dixit ei David non timuisti mittere manum in Christum Dominum. Ethicus, non hæreticus, qui mediam calcat viam per semitas virtutis incedens, timore utitur calcaris, & fræno. Calcar est timor, qui pigrum non deijcit, & frænum, quo inceditur rectè. Hic timor est ille, quem nos commendamus, non autem is, qui per excessum, vel per defe-



stum, à virtute recedit.

Scio sex species enumerari timoris. Primus timor est *naturalis*, quo quis naturaliter timet, quæ à natura excitatur ad timendum. Hic timor fuit etiam in Christo Domino, qui sanguine ex timore sudavit. Secundus *Humanus*, qui ex fragilitate humana facit, ut quis timeat, quæ timere non debet; sic Petrus supra relatus timore Christum negavit. Tertius *Mundanus* timor est ille, quo quis timet perdere corporis bona, & ideò non faciendâ committit: hoc timore peccarunt Judæi, dicentes, ne fortè veniant Romani, & locum nostrum tollant, & gentem. Quartus *Servilis* timor est ille, quo aliquis ex timore pænæ aliquid patrat, & hic secundum se, nec bonus, nec malus, sed cum amore Dei pellit peccatum. De hoc enim dicitur Ecclesiastici primò: *Timor Dei pellit peccata*, & qui est sine timore, justificari non potest. Quintus est *initialis* timor, & est, quando  
ti-



timehentes inducuntur ad aliqua cum ex pænæ timore, cum ex præmij amore. Sextus *filialis*, seu *castus*, seu *reverentialis*, & *amicabilis* est ille, quo timeamus ob reverentiam, & honorem debitum Deo. Tres sunt actus ejus, nempe timere offendere Deum, timere se separari à Deo, & præbere illi honorem, & reverentiam: Horum actuum tertius remanet in beatis; quandoquidem ij confirmati in gratia non timent Deum offendere, & ratione perpetuitatis non verentur separari ab ipso, sed Deo reverentiam exhibent, & honorem. Hunc præsumunt, qui patrocinantur Quesnelium, debere esse timorem in nobis, sed nonne timor adhuc initialis, & filialis sunt commendandi? Commendabilis Esther, quæ timuit Assuerum ingressa; ut intercederet pro Iudæis: commendatur Bersabee ingressa ad Davidem, ad impetrandum pro Salomone; commendantur David, & Ionathas, qui se mutuo amicabili timebant timore.

Obſerva Auguſtinum libro ſecundo contra Pelagium dicentem, quod quando opus bonum non fit amore juſtitiae, ſed ſolo pœnæ timore nondum opus fit bene. Dicamus, & nos timore ſervili opus non dum bene patrari, non tamen propterea malum; & concordat illud laudati Gregorii: in via Dei incipimus à timore, ut ad fortitudinem veniatur. Ità incæpit Eleazarus Machabæorum fortiffimus, qui libenter omnia paſſus, quia Deum timebat: ſic Sara filia Raguelis, quæ orabat ad Dominum, dicens, quod in timore Dei conſenſum dederat viro: ſic viri timorati, qui ſepelierunt Stephanum, & ità tandem Eccleſia Dei, quæ proficiebat in timore poſt conversionem Pauli, ut acta Apoſtolorum teſtantur.

Non poſſet conciliari illud Eccleſiaſtici primo: *Timor Domini expellit peccatum* cum eo Joannis, loco laudato dicentis: *Perfecta charitas pellit foras timorem*, prima nempe Jo: cap.

14. nisi observaretur hoc maximum æquivocum, quod adversarii assument. Aliud est dicere, *quia timeo Deum, non pecco*; aliud est dicere: *Si non esset pœna statuta peccato, peccarem*. Catholici omnes fatemur, non licere hanc Thesim: *committerem mala prohibita à Deo, si non essent prohibita*; licere autem hanc aliam propositionem: *non pecco, quia timeo Deum, vel pœnam gehennæ*: Prima propositio involvit amorem ad peccatum, secunda solum dicit fugam ab ipso peccato.

Ut hæc funditus intelligantur, dandæ sunt definitiones timoris. Cicero in libro Tusculanarum quæstionum dicit timorem esse metum impendentis mali, scil. imminentis mali. Aristoteles 3. Ethicorum definit timorem expectationem mali, secundo vero Rhetoricorum, dolorem, vel perturbationem animi ex imaginatione, seu phantasia alicujus contristativi propriæ naturæ, sed melius quam omnes, definit timorem Augustinus in de Ci-

vitate Dei, dicens, quod timor sit fu-  
 giens amor, & affectio ejus, quod ad-  
 versatur, adeoque fuga ex amore pro-  
 veniens. Vides ergo, quod à timore  
 ad amorem deveniamus. Fateor Apo-  
 stolum dixisse, se non accepisse spiri-  
 tum timoris, sed dilectionis; atqui  
 in domo Dei multæ sunt mansiones,  
 & quosdam voluit Deus Sanctos ex ti-  
 more humiles, quosdam in dilectione  
 fortes. Dicit idem Apostolus non ac-  
 cepisse spiritum servitutis iterum in  
 timore, sed per hoc innuebat, quod  
 non debebant Apostoli timere ante  
 Reges, & Præsides; verum enim verò,  
 & ipse Deus incussit timorem in sui  
 transfiguratione Apostolis, quia, ut  
 observat Tostatus, Apostoli tunc erant  
 carnales, & participabant de Judæo-  
 rum duritie. Utinam timeamus, &  
 nos, qualiter timuerunt Apostoli; ex  
 eo enim timore meruerunt audire: *no-  
 lite timere*. Oservat Hieronymus ex-  
 pelli timorem, ut doctrina instrua-  
 mur. Non debemus ergo in timore  
 so.

solum firmari, sed ad dilectionem tendere, & sic non recedemus ab illo timore, quo in via Dei incipitur, ut deveniamus ad fortitudinem. Sit ergo.

## CAPUT QUARTUM

De Fortitudine, & de Audacia.

*Dominica Tertia Quadrag.*

**S**I per mediam incessemus viam, neque ad dexteram declinantes, neque ad sinistram, fortitudinis calcabimus semitas, & non extrema, timorem nempe, & audaciam, timorem, qui sit timiditas, & audaciam, quæ sit temeritas evitabimus. Opposita quippe sunt extrema talis timor, & talis audacia. Hoc designant causæ utriusque; à bono enim arduo, quod speratur, audacia originem trahit; à malo, quod timetur, timor habet originem: Id quoque demonstrant audaciæ, & timoris effectus. Vides in Audacia

caput elatum; oculos igneos, vultum  
 rubentem, sunt & ex eadem sanguis  
 dilatatus, pulsus vehemens, & elatus,  
 corpus agile, & impetuosum. Servas  
 ex adverso caput, oculosque demissos,  
 & cætera, ut uno verbo concludam ex  
 diametro opposita audaciæ in timore;  
 dixit enim quam benè Damascenus  
 lib.3. sententiarum cap.23. timorem  
 esse virtutem contractionis. Unde in  
 timore pallet facies, cor enim contra-  
 hitur, quandoquidem sanguis univer-  
 sus ex facie ad cor vitæ fontem jam-  
 iam expiraturum accurrit; è contra  
 verò in audacia & in ira facies rubet,  
 cum ad faciem verecundiæ sedem, &  
 amoris thronum confluat sanguis. Si  
 velimus, & mortis pallorem, iræ, vel  
 audaciæ ruborem effugere, audaciam  
 illam sequamur, quæ in medio con-  
 sistit, & fortitudinis nuncupatur vir-  
 tus. Hæc est virtus illa, de qua in  
 Dominica tertia Quadrag. in Evan-  
 gelio legitur cap. 11. Lucæ; *Si fortis*  
*custodit atrium suum, in pace sunt ea,*  
*quæ*

*quæ possidet ; si tamen fortior eo superveniens vicerit illum , arma auferet ejus , & omnia spolia ejus distribuet .*

Ut dignoscatis hanc fortitudinem esse , cui & audaciæ competit nomen , memineritis velim ejus , quod admonet Aug. tom. 2. epistola 29. ubi inquit , quod qui vera virtute fortis est , nec inconsultè nihil timet , nec temere omnia audet . Audeamus & nos , sed audendo , quæ debemus aude-  
re , quemadmodum Josaphat. Judith , Judæi , Joseph ab Arimathæa .

De Josaphat secundo Paralipomenon cap. 17. admonemur , cor ejus audacia repletum lucos , & excelsa destruxisse , quoniam in viis domini ambulabat , & Abulensis observat , quod Deus cor ejus impleverit audacia .

De Judith cap. 16. habemus , quod Medi timuerunt audaciam ejus , & vere audax Judith illa , quæ ausa est caput Olophernis abscindere .

Nonne 2. Machabeorum describitur Lysæ fuga , dum is vidit Judæos  
adeo

adeo audaces, ut vel vivere, vel mori fortiter stabilierint?

Joseph ab Arimathæa audaciter introivit ad Pilatum, & petiit corpus Jesu. Haberent Christiani nominis hostes, in quo nos redarguerent de falsa Domini Resurrectione, ut advertit Ambrosius, nisi Joseph ab Arimathæa petens Domini Corpus in causa fuisset, quod & Pilatus, & omnes Iudæi inibi existentes viderent Corpus Domini mortuum, & in monumento bene signato reclusum; dixissent enim, quod Iesus haud quaquam verè mortuus extiterat.

Lubens libens admitto audaciam quandoque, & in sacris litteris detestabilem esse, sic dum Ecclesiastici 8. scribitur, *cum audace non eas*, & ibidem, *cum audace non vadas in desertum*, & Ecclesiastici 22. *Patrem, & virum confundit audax*. Ad hæc facit, quod Petrus Epistola 2. 2. capite inquit nosse Deum audaces blasphemantes, & sectarum inventores. Non hujus.



jusmodi audaciam vobis indico, ea enim ad hæreticos, & peccantes attinet; eam verumtamen à vobis exproscō, quam Lucas loco laudato. Berchorius ait audaciæ nomine fortitudinem quandoque venire, atque virtutem, & ipsum vitium significare aliquando. Estote fortes in bello, & liceat cum Virgilio canere.

*Fortiaque adversis opponite pectora rebus,*

*Tu ne cæde malis, sed contra audacior ito.*

Propertius idem demonstrat dum inquit,

*Audaces fortuna juvat, timidosque repellit.*

Concludamus cum Seneca in Media inquit:

*Fortes fortuna metuit sed premit ignavos.*

Mutius Scævola, dum manum in igne combussit, dicens Porciennæ, quod ejus fortitudinis essent trecenti Romani obtinuit à Porfenna inter Tyrrenos, Romanosque concordiam. Timuit Porfenna fortitudinem Romanorum, & for-

& fortuna bona Romanos inde sequuta ; Quod si forte opponas fortes, & virtuosos ut plurimum pauperes, breviter adnotavero terrenæ fortitudini Tyrrænorū fortunam esse propitiam, fortitudini vero cælesti cælestem propitiari fortunam. Ne invideamus Mutij fortitudini, in ipso enim vera fortitudo non erat; virtutes enim sunt sibi connexæ, & ubi veritas non invenitur, nec fortitudo vera reperiri valebit. Mentitus est Mutius, dum dixit, trecentos Romanos fortitudinem ipsam habere, quam Mutius ipse ostendebat; nec vera fuit in Catone fortitudinis virtus, dum ipse sese interemit, ne Cæsari succumberet hosti: ipse testis est Cæsar, quī audita Catonis morte respondit, quod Cato invidus fuerat Cæsaris sorti, eo quod nempe Pompejum vicerat Cæsar, dum Pompejo Cato favebat.

Quàm bene Aratus respondit cui-dam dicenti audacem laude dignum, ut & desperatum: *differunt ista duo.*

*virtutem magnificare, & non curare  
vitam:*

Menti occurrit, quod fertur dixisse Alexander de Dario invicto Persarum Rege, qui multas paraverat myriades militum adversus Macedonem *non timet unus Lupus mille oves:* Audacia, quæ reprehenditur ab Aristotele 2. Ethicorum cap. 2. est, cum quis audet, quæ non debet audere, ut & timiditas, qua quis fugit, quæ non debet fugere.

Alectoria lapis est quidam, qui reperitur in gallo, & juxta naturales, non superstitiose quidem, teste Berchorio, audaciam in homine causat: Ales diei nuncius gallus vocatur, & hic est metaphoricè Christus, quemadmodum Berchorius ipse testatur: ex eo fortitudinem, & veram audaciam desumamus, & fortitudinem gentium comedentes, in gloria superbiemus earum.

Duas docemur audaciæ species in duobus emblematis, quæ sapienter

O cnu-

enucleat noster laudatissimus Loya; pro quo in hac Cathedra suppleo. In primo per sapientem audaciam designatur *quadriremis*, cum lemmate, *etiam reflantibus*. Hæc est audacia illa, de qua Paulus Apostolus: Si quis audet, in insipientia dico, audeo, & ego in 2. per insipientem audaciam, designatur mulier cum veste rubra fodiens fundamenta turris. Si quis insipienter audet, est, ut illa mulier, quæ fodiens fundamenta turris à cadenti opprimetur turri. Nos quadriremi utamur, nempe remis, atque laboribus mundi navigemus hoc mare, etiam reflantibus ventis, hoc est contrarijs aliò impellentibus, quam ad perpetuæ beatitudinis portum.

Audent insipientes more milui, vel crocodilli contra timidos, sed fortes timent. Simus nos Aufones, nempe Itali audaces; si enim verum est, quod Italia dicatur Aufonia ex Italo primo Italiæ, & Siculorum Rege prudenter audaci, nos prudentem Itali  
for.

fortitudinem imitati, fortes erimus,  
& non audaces audacia illa, quam re-  
prehendit Cicero lib. 2. de officijs, im-  
probam dicens audaciam, qua quis non  
communi utilitate, sed propria duci-  
tur aviditate.

Aristoteles 3. Ethicorum prævo-  
lantes audaces nuncupat illos, qui sta-  
tim audent, & inconsiderate ad instar  
Celtarum. Sunt Celtæ, & populi plu-  
rimi septentrionales audacia temera-  
ria, & imprudenti; Aquilo enim fri-  
gidum temperamentum donans ipsis,  
ab eis considerationem avertit. Præ-  
laudatus Cicero definit fortitudinem  
consideratam laborum susceptionem,  
& attentam aggressionem periculo-  
rum. Sedulò consideremus, quæ debe-  
mus audere, & inde audaciam assu-  
memus; avidè agamus, si audacia di-  
citur ab avidè agendo, ut vult Festus,  
quicquid in contrarium sentiat Vos-  
sius: aveamus, si ea dicatur ab aveo,  
scilicet cupio; cupiamus inquam, &  
avidè agamus ea tantummodò, quæ

mediocritatem fortiuntur, in qua fortitudinis statuitur virtus. Non inde vobis promitto bona illa fortunæ, quæ de Mutio supra retulimus. Inquit enim Philosophus apud Hugonem de Sancto Charo in sextum Joannis, *quæ putamus fortunæ bona, sunt insidiæ*; quod applicat citatus Hugo ad honores, & temporalia, sed si verè divites esse cupitis, veras divitias amate; & si avidè concupiscitis regnare cum Christo, sequamini vestigia ejus, qui cum cognovisset, quod volebant eum facere Regem, fugit iterum in montem ipse solus. Si eritis fortes in bello, pugnantes cum antiquo serpente, abijcientes hæc temporalia, quæ in dispensando delectant, non in retinendo, fortunam illam invenietis, quam liberales, non quam avari. Felicior ille, qui bona habet, atque distribuit, quam qui ea servat in arca. Fortes armati custodientes atrium suum sunt fortes fortitudine terrena, quam laudavimus in Mutio, & Cato-

ne.

ne. Fortior ille est, qui custodit atrium suum, dum arma ejus omninò auferret, scilicet aurum ab hominibus sumit, ab avaris, & avidis, illudque dispensat, & spolia ejus distribuit.

Temporalia nobis deserviant, nos non serviamus eisdem. Bona fugiamus fortunæ, sed fuga illa prudenti, quam in sequenti capite demonstrabimus. Sit ergo

## CAPUT QUINTUM.

De Fuga, & Contemptu Mundi.

*Dominica 4. Quadragesimæ.*

**O**H' si fugam illam arriperemus prudentem, quam Dominus Jesus Joannis 6. arripuisse videtur! Cum ergo cognovisset Jesus, quod venturi essent, ut facerent eum Regem, fugit iterum in montem ipse solus: Dum benè hunc tantummodò consideremus nos textum, dignoscemus, quando, quo-

O 3

mo,

modo, & cur temporalia fugienda  
sint bona.

Notat in primis Evangelista per  
*ly cum ergo* illationem Domini Jesu ex  
præcedentibus habitam. Narrarat  
primum Joannes, quomodo Jesus  
quinque panibus, & duobus piscibus,  
quinque millia saturaverat homi-  
num. Et inde Salvator cognovit, quod  
Judæi venerant, ut raperent eum, &  
facerent eum Regem. Putat Maldo-  
natus Jesum id cognovisse, quia secre-  
ta noverat cordis, ego autem (pate-  
tanti Doctoris) credidero, non incon-  
gruè appositam particulam, *ergo*, sed  
ad denotandum, quod ex satietate  
præhabita turba voluerit Regem sta-  
tuere eum, sub quo egere non vide-  
rentur, quemadmodum Glossa sub-  
jungit. Meus inquit Beda, quod vide-  
rant Judæi Dominum pium ad pro-  
videndum, & potentem ad protegen-  
dum, & hinc volebant illum Regno  
præficere, sub quo non poterant elu-  
rire, sed sine labore ventrem satura-  
re



re volebant ; unde Joannes Ferus advertit, quod ij ventrem plus diligebāt, quam mentē, juxtā illud, quod Chrysostomus monet, tantam Astrimargiæ, seu gulæ tyrannidem esse, ut qui plurima Salvatoris miracula viderant, eumque, ut seductorem damnaverant, satiati voluerint eum Regem creare. Non amplius Dei zelabantur honorem, non Cæsarem ipsi adhuc timebant ; sed vide maximam Charitatem Domini Iesu, qui ne causa esset, vel occasio rebellionis adversus Cæsarem, in montem fugit : Quod *fugit* legimus ex græco *anecorise* interpretamur, *Secessit*, & taliter intelligenda est Salvatoris fuga ; secessit noster Iesus, ne Iudæi ipsum Regem constituentes à Romanis essent affigendi. Lex ergo fugæ prudentis hæc est, ut quando viderimus Regnum non posse sine sanguine possideri, Regno maluerimus ipso carere, non tamen id est argumentum, quod non debeat quis præfici Regno, quando à Deo, tamquam

Aaron vocatur ad illud : Moyſes ſeſe jam moriturum agnoſcens , pro felici ſucceſſione Dominum exoravit , & Iofue filius Nun à Deo electus feliciter , & ſanctiſſime regnavit poſt ipſum ; Nec eſt , qui non calleat bella , Iofue geſſiſſe quamplurima , ut Regnum , ſive Ducatum ſibi defenderet.

In Domo Patris mei manſiones ſunt multæ , dicit Salvator . Qui ad Regnum temporale vocatur , illud ſine ſcrupulo armis tueri conabitur . Fuit David ad Regnum temporale electus à Deo : *Elegit David ſervum ſuum : placuit ei* , ſcilicet , ut eligeret eum Regem , ac propterea fortiter dimicavit , & ſanctè .

Hæc ipſa , quæ modo retulimus , dant anſam hæreticis arma adverſum nos capeſſendi , ſi non cum grano ſalis ab Ethica condiantur .

Docent OEcolumpadius , Cornelius Agrippa , Lutherus , & Erasmus , qui tamen ultimus non eſt ſibi coſtans , bella Chriſtianis non licere .

Hoc

Hoc tamen, tamquam hæreticum est in plerisque Concilijs, & à Lucio II. Callixto II., alijsque damnatum; de Clericis verò, quod ij nempe bellum non debeant perpetrare, quando ratio, & religio dictant, modo authoritas non desit, ut temerarium à Theologis asseveratur; & sanè, quod Christianis bella sint licita, monemur à plerisque auctoritatibus Sacræ Scripturæ, præsertim in libris Exodi, & Regum, in quibus Moyse, Davidi, alijsque mandatum à Deo, quod arma adversus hostes arriperent.

Insurgunt Lutherani dicendo, quod in veteri testamento Deus erat Deus ultionum, nunc verò Deus gratiarum liberè agens, & hoc videtur innuisse Salvator mundi, dum Petro imposuit gladium in vagina reponere. Hujus argumenti falsitas ex eo comprobatur, quod adhuc Sanctissimi Reges novo in Testamento bella patra-

Etissimis Pontificibus Nicolao Magnō,  
Gregorio II., & Gregorio VII., ut  
brevitati attendens alios prætermi-  
tam.

Nicolaus Magnus fugit, & ipse  
antequam acceptaret Papatum, sed  
tandem Papatum acceptans, Lotha-  
rium Regem Austrasiæ excommuni-  
cavit, ut & Fotium, & Joannem Epi-  
scopum Ravennatem Romanæ Sedi  
rebellem, militibusque commisit, ut  
gladio etiam temporali reacquirerent  
bona Ecclesiæ, quæ abstulerant ho-  
stes, nec timuit temporalibus armis  
adversus hostes insurgere, qui prius  
Pontificiam fugerat dignitatem. Gre-  
gorius VII. Henricum spoliavit Re-  
gnō, dum subditos à juramento ab-  
solvit; & omnes Germaniæ Princi-  
pes adversus eum arripuerunt arma,  
induciasque dedere, ut Papæ se primo  
submitteret. Fugerat, & hic, seu recu-  
saverat Pontificatum, ad quem eve-  
ctus scripsit Henrico, quod arma arre-  
pturus erat adversus eundem; cui ta-  
men

men Henricus respondit se paratum  
 pænitentiam agere, ut de facto fecit,  
 licet postea iterum Ecclesiæ rebellis  
 ipse extitisset Henricus. Similia possem  
 de Gregorio II., alijsque referre, si non  
 obiter materiam hanc pertractarem.  
 Unum concludero, quod, si bella ju-  
 stis indicantur ex causis, debeant mul-  
 toties assumi, si tamen ex odio, vel ani-  
 mo arripiendi aliena bona, nec Papæ  
 sunt ipsi permissa; Justa autem v. g.  
 causa est, ne Rex, siue Respublica pri-  
 ventur bonis proprijs, & ut adversus  
 Ecclesiæ hostes, vel pro communi bo-  
 no indicatur bellum.

Persona privata, ut erat tunc  
 Petrus, debet gladium deponere, &  
 huic, nempe personæ privatæ dicitur,  
 quod si quis percusserit in unam ma-  
 xillam, præbeatur & altera. Qui per-  
 sonam publicam repræsentat, non  
 potest proprio cedere honori, sed vel  
 renunciaret dignitatem, vel servet il-  
 lam vindictam, quæ ipsi est virtus,  
 in persona verò privata maximum vi-  
 tium.

Ad.

Advertendum præterea ; quod quisquis velit fugam honorum amplecti , non debeat honores ita contemnere , ut videatur ex albo Sanctorum velle delere Reges , Cæsares , Augustas , Romanos Pontifices , & alios in dignitate constitutos , qui Ecclesiæ maximè servierunt . Superbiam sapit quam maximam taliter contemnere honores , ut dicantur superbi , qui in honore vixerunt .

Quandoquidem duplex terminus à quo fugæ , nempe bonus , & malus , duplex pariter fuga , laudabilis una , vituperabilis alia , ut benè advertit Berchorius . De malo , à quo est fugiendum , intelligitur illud Ecclesiastici 21. *quasi à facie colabri fuge peccatum* ; de bono autem à quo non est fugiendum , intelligitur illud proverbiorum 18. *Turris fortissima nomen Domini* . Ad hanc fugit justus etiam Jonas , qui voluit fugere à facie Domini , & hanc non fugijt ad Turrim , male fugit , & pœnam luit , dum in mare projectus .

Quod

Quod mirabile in impijs id est, quod ipsi non fugiant peccatum, quasi à facie colubri, sed ipsimet colubri sint, umbras nempe colentes, & vitiorum incedentes per umbras, viam imitantur serpentis; Narrat de serpentibus Plinius, quod ipsi fugiant nudos; homines verò vestitos facile aggrediantur. Non secus impij fugiunt homines pauperes, & cum divitibus tantum societatem petunt habere. Certè damnabilis fuga, quæ non sequitur Dominum repræsentantes, sed eos, quorum divitijs demerguntur in profundum inferni, & evoment divitias illas, quas male deglutierunt; ut Jobi utar eloquio, Utinam imitemur Leones, de quibus referunt naturales, quod cum arrepturi sunt fugam, unguibus è gutture eijciant cibos, eosque evomentes fugam facile arripiant.

Narratur quoque de ipsis serpentibus, quod rutam ipsi horreant; & fugiant à locis, in quibus nascitur rutata,

ta, quin horti, vel nemora, in quibus hæc producit herba, immunitatem à serpentibus, & venenosis quibusque animalibus habent; Fugiunt magis à pænitentia impij, quam à ruta serpentes, sicut enim rutam ex causa amaroris respuunt serpentes, ita amaram pænitentiam degustare nolunt fugaces hi colubri. Non meæ mentis est hæc applicatio, sed ex laudato ingenioso quidem Berchorio desumpta.

Horrent quandoque scelesti homines correctionem, & à correctionibus fugiunt, quia verba fætidissima detractionis contra ipsos projiciunt, æque ac animal, cui nomen Bonnacon, de quo ferunt, quod cum venatores ipsum capere curant, stercus fætidissimum eiicit, cuius fætorem venatores tolerare nolentes, ipsum liberum sinunt abire. Debet unusquisque sibi consulere, & non à rete dæmonis capi, bene tamen ab ijs, qui in verbo Domini rete laxabunt. Mugil, dum rete videt, non modò fugit, sed saltat,



tat, & ut ità dixerim; volat, ne capiatur à rete, & pisces communiter locos illos fugiunt, in quibus abluti, vel occisi alij pisces. Deberent peccatores advertere ad eos, qui à rete dæmonis capti, abluti, & occisi pœnas dedere, non in inferno tantum, sed hoc adhuc in orbe. Rete Domini h. m. homines tantum exhorrent, ad instar muscarum, de quibus narrat Solinus, quod in Templum Herculis ingrediebantur nunquam, & in ipsomet Templo Herculis clavam ex odoratu fugiebant canes. Horrent impij corrigi, & clavam Herculis Christi, correctionem nempè despiciunt.

Ne imitemur canes detractores Cinicos nuncupatos ex proprietate canis, cujus est mordere, neque bonacon animal fœtidum suprà relatum adversum nostros correctores, sed gratias referamus dulciter corrigentibus, fugiamus verumtamen eos, qui sub prætectu nostræ correctionis nos turpiter audent affligere, nec erit dede.

dedecus Christiano à talibus fugere ;  
 sic enim respondit Athanasius cuidam  
 in crepanti eum , ex eo quod fugerat .  
 Dixit ipse : *Si mihi turpe est fugere ,*  
*turpius est vobis innocentem persequi.*  
 Athanasius ipse nos fugam docuit ,  
 dum Imperatorem fugiens delituit in  
 cisterna , & scripsit elegantissimum li-  
 brum de Apologia fugæ , cui seipsum  
 commiserat . Non profuisset tanti  
 Athanasius universali Ecclesiæ sui do-  
 ctрина , nisi fugisset , & noto quod ex  
 Doctoribus Ecclesiæ sive græcis , sive  
 latinis occisus nullus extiterit ; ij enim  
 sunt sal , de quo dicit Dominus Jesus ;  
 quod si sal evanuerit , non est , in quo  
 quis conditur .

Demosthenes aliquando fugam  
 arripiens reprehensus à suis respondit  
*anir de fugon , che palin machisere*  
 scilicet vir , qui fugit . iterum præliabi-  
 tur . Descripserat Demosthenes litte-  
 ris aureis hæc verba in clypeo *agati-*  
*richi* , scilicet bona fortuna , vel bonus  
 nuncius : malus fuit ejus eventus , dum  
 .Phi.

Philippus Macedonum Rex Athenienſes vicit, quod fuit in cauſa, ut Demotheſtes fugam arriperet, nec proinde Demotheſteni dedecus illud. Dedecet fugere, ſed fugere à facie Domini, veluti Jonas, vel à facie Dominæ, quemadmodum Agar ancilla Sarai, unde reprehenſa ab Angelo, Dominus eſt Turris illa fortiſſima, ad quam fugiendum; non enim fuga deſperantium nos fugientes habebit, ſed Dominus ille, ad quem debemus conſugere in tribulationibus noſtris; conſugere autem decet aliquando, acceptando honores, & dignitates, ut ſic poſſimus præeſſe, & prodeſſe, & tunc imitabimur Samuelem, qui Betel, Maſphat, & Galgala circuibat, ut poſſet populo providere, debemus enim Paulum imitari, qui habebat ſolicitudinem ſuper univerſam Eccleſiam, & ſi ſoli orationi vacare voluerimus, quamcumque renunciemus dignitatem, ut meus Cœleſtinus, qui Deo ſoli volens vacare, Papatu ſe ſe

ultro abdicavit . Non debemus Deum tentare, expectando, quod Angeli pugnent pro nobis, ut legitur aliquando, puta pro S. Leone pugnasse, & recordemur, quod Moyse tenente manus elevatas vincebat Israel, qui perdebat, dum Moyse demittebat easdem .

Fugiamus ipsos honores, dum nobis offeruntur ab illis . qui solum, ut sibi serviant, & ventri, nos volunt præesse, sicuti turba illa, de qua dictum est, quod volebant Jesum regnare, ut non haberent, quo egerent, & ut ederent sine labore; odio quin prosequamur eosdem, sed odio Sancto non indiscreto, fuga enim est passio illa, quæ ad odium consequitur; nos enim fugimus ea, quæ odio habemus; Ut ergo dignoscamus . quæ fugere teneamur, præter doctrinas præjactas, expedit de odio bono, & malo, seu de malo zelo tractare, & propterea sit

## CAPUT SEXTUM

De odio bono, & malo, vel de malo  
Zelo,

*Dominica Passionis.*

**I**N præcedenti sermone servavi-  
mus fugam ab hominibus, quam  
nos docuit Dominus Jesus, ut disce-  
remus honores contemnere, sicuti do-  
cet Chrysostomus, & ut in Evange-  
lio, quod in Dominica quarta Qua-  
dragesimæ legitur; in præsentì verò  
ex Evangelio, Joannis 8., quod legi-  
tur Dominica Passionis docemur per-  
secutiones injustas effugere, & ibidem  
admonemur, quod odium debeamus  
absque scrupulo adversus impios ser-  
vare, & narratur impium odium Ju-  
dæorum adversus Dominum Jesum.

Refertur Joannis 8., Salvatorem  
impijs Judæis dixisse: *Qui ex Deo est,*  
*verba Dei audit; vos propterea non au-*  
*ditis, quia ex patre diabolo estis, & pau-*

Io post redarguit eos, tanquam mendaces. Vides hic odium Salvatoris adversus hæbræos, qui traditiones volebant seniorum servare, Sabbatum custodiendo eo more, quo Pharisei, & certè odium illud, non nisi Sanctissimum, odium enim abominationis, & non inimicitiae erat. Odium opponitur charitati, & veluti duplex est charitas, nempe erga Deum, & proximum, ità duplex est odium, aliud scilicet odium Dei, aliud proximi. Odium proximi, vel potest esse abominationis, vel inimicitiae; sicuti amor alius est amicitiae, alius verò concupiscentiae, quo volumus bonum nobis. Ita & odiū inimicitiae est illud, quo volumus malum proximo, quia malum volumus ei, qui nobis nocet, vel apprehenditur, ut nocens. Odium abominationis est illud, quo diligimus malum alicujus, non tamen, quia odio habemus illum, sed quia abominamur actionem ejusdem, veluti malam. Justi abominantur injustos, & tale est odium, de quo

Da-

David inquiebat : *Iniquos odio habui*, sed personam diligunt, & volunt bonum ijs, quos odio habent, odio tamen tamen abominationis, & non odio inimicitiae, ac propterea dicitur, quod Judæi erant inimici Christo, sed Christus non erat inimicus Judæorum. Sequitur in Evangelio, quod Judæi tulerunt lapides, ut jacerent in eum, scilicet in Jesum, & hoc est odium inimicitiae, quod habebant Judæi; habes ergo ex Evangelio loco laudato odium utrumque, bonum unum, malum aliud. Hic utrumque tractandum.

Odium, prout amplectitur bonum, & malum moraliter, est dissonantia ad id, quod æstimatur nocivum. Hoc autem duplex est, nimirum reale, & personale : Odio reali moraliter bono prosequimur impios, solum tamen desiderantes, ut ij corrigantur, vel quoniam Dei inimicos odio habemus. Odio moraliter malo prosequimur bonos, veluti Saul ex invidia persequabatur Davidem, sive

fratres Joseph Josephum eundem.

Odio reali moraliter bono prosequi debemus vitia. Odio moraliter malo, & reali prosequimur virtutem. Ex his omnibus habes, quamnam debeamus dissonantiam amplecti, & facile consequemur dissonantiam consonantem, siue odium bonum, si velimus mores nostros concordare moribus inimicorum, in ijs tamen, in quibus eos decet imitari; flendo cum flentibus, & cum gaudentibus congaudendo.

Sunt, & probissimi viri, qui odio prosequuntur homines quosdam, quorum impietatem detestantur, sed quandoque ex intentione excusandi, non autem, utpotè benè agentes.

Non reperimus maiorem charitatem inter Apostolos, quam eam, quæ in Joanne vigeat, & tamen Joannes adversabatur eos, qui non erant ex genere Apostolorum, & in nomine Jesu eiciebant dæmonia, ex quo Dominus  
Jesús



Jesus reprehendit eundem dicendo ; quod debebat sinere etiam non Apostolos talia operari ; qui enim non est contra Deum ; pro Deo ipso propugnat . In veteri testamento ex omnibus, qui sequebantur Moysen, non est inventus similis Josue, & tamen hic nolebat prophetare alium, quam Moysen ipsum, de quo, & à Moysen fuit ipse increpatus .

Homines quidam agrestes, & indole rustici agreste, novercale, & irreconciliabile odium habent, quoniam eorum agreste temperamentum non consonat cum dulcedine illa, qua sunt præditi benigni spiritus quidam ; unde expedit mores componere, & temperare, itaut consonent moribus eorum, quibus cum vivimus, & in hoc differt animal irrationale ab homine, quod illud debeat sequi naturale temperamentum; hic autem debeat idem met moderari . Est naturalis antipathia, odium, & inimicitia ovem inter, & lupum, & hæc est aded insita

ovi, ut maneat adhuc post mortem. Attendite: Si fides componantur ex intestino ovis, & junguntur fidibus ijs, quæ sunt compactæ ex intestino lupino, exauditur sonus fidium lupinarum, non tamen propterea auditur sonus fidium ovilium, & mutæ cordæ ipsæ ex intestinis ovium remanebunt, sicuti ante mortem ovis viso lupo remanebat muta, ut, & ejus audito ululatu. Hoc idem servabis in tympanis, si enim duo tympana componantur, quorum unum sit ex pelle ovina, ex pelle aliud lupina, pulsatis ambobus illud solum audietur, quod est ex pelle lupina. Optima sit musica ex quadruplici voce diversa, & armonica lira ex diversis fidibus: Et musica, & armonia homines tantummodò delectantur, quia solum convenit ijs moderari temperamentum, & altum cum humili concordare, quod servare nequeunt irrationalia animalia. Concordemus temperamentum lupi cum temperamento ovis, &

si vos agni cor possidetis, evadatis lupi, in ijs tamen, in quibus lupi mores non dedecent homines: Vulpes exterius existentes scilicet hæretici, vel dæmones gaudent de alterutrius morte.

Narrat Æsopus, quod dimicabant aliquando Leo, & Ursus, Vulpes autem à longe prospiciebat exitum amborum, & cum tandem fessi jacerent Ursus, & Leo, Vulpes hinc nulum rapuit; & Leo, & Ursus contristati dixerunt, se laborasse pro vulpe. Sunt vulpes hæretici, ut & dæmones, qui demoliuntur vineam, quæ est Ecclesia, si possunt, & cum vident pugnantes Catholicos habentes mores lupinos cum ijs, qui mores habent Agnorum, & ovium de eorum lite lætantur.

Hæc forsitan innuit Isaias cap. 11. monens: *habitabit Agnus cum Lupo*, ut & idem cap. 25. *Lupus, & Agnus pascentur simul*; Quæ omnia bene exponit Menochius, per hoc, quod ij, qui

qui sunt moribus, & ingenijs oppositis, tempore Messiae, vel in statu naturae reparatae, unius futuri essent moris, juxta illud Davidis inquitentis de Deo; *qui habitare facit unius moris in domo*. Habitabunt utique unius moris in domo, quando servabunt, quod observat Augustinus sermone 42. de tempore: *Fratrem ne oderis, quasi inimicum, sed peccatum, velut morbum persequere*. Debemus odio habere iniquitates fratrum nostrorum, sed fratres ipsos ex toto corde diligere; talia enim perpetrantes corda fratrum nostrorum convertemus ad Deum, & ipsi odio habebunt aequè, ac nos proprias iniquitates, & servabunt, quod ex eodem Augustino sermone 3. de diversis: quid est propria mala odio habere, nisi pœnitendo confiteri peccata? confitebuntur, inquam, peccata.

Ex parte Dei est quisquis oderit fratrem iniquitatem odio habendo, non autem personam iniquam. Si er-

go velimus esse perfecti; sicut & Pater noster perfectus est, debemus æque diligere bonos, & malos, sicut pluit super justos, & injustos gratia divina. Non redarguendus quisquis morem servaverit Domini Jesu, qui Pharisæos reprehendit. Charitate plenus erat Baptista, & tamen ipse genimina viperarum vocavit ingratos fideles. Ex his omnibus patet, quod odium sit utique bonum, si respiciat iniquitatem, malum verò, si referatur ad fratrem. Passio itaque odii non debet causari ab ipsa persona, sed ab injustitia, & tunc effectus ejus erunt utique boni, nec redarguendi.

Si videris habentem odium injustum, leges in fronte ipsius odii perversitatem, non ita si odium bene sit regulatum. Frons rugatur, oculus ardet, vultus pallet, fauces ardescunt, & obstringuntur, dum odium ex rancore, vel perversitate excitatur; non ita dum odium adversus iniquitatem, Hæc omnia adnotare volui.

luimus, ut causas, & effectus odii  
perpendere valeatis, nunc autem sit

## CAPUT SEPTIMUM

De Desperatione, & Fiducia in unico  
Deo.

### *Dominica Palmarum :*

**I**N Dominica Palmarum legitur  
apud Matthæum, quod inquit  
Dominus Jesus, *Eli, Eli lammafaba-*  
*tani : idest Deus meus, Deus meus,*  
*ut quid dereliquisti me?* Calvinus, &  
alii hæretici inde occasionem desu-  
munt dicendi, quod desperaverit Do-  
minus Jesus, quando talia protulit,  
& propterea ipse Dominus Jesus sit  
damnatus, & in infernum descende-  
rit. Horrent aures in tali blasphemia,  
quæ potius toleratur apud hæbreos  
Christum negantes, quam apud hæ-  
reticos, qui Christi doctrinam se pro-  
fiteri prætendunt. Certe communi-  
ter

ter nomine desperationis venit vitium illud irascibilis, quo quis de divino diffidit auxilio, & de hoc dicit Berchorius, quod vitium pessimum sit desperatio, quin Philo Judæus censet homini rationis experti solum desperationem convenire, & Cyprianus Chartaginensis apud Cælestinum nostrum Crespetium probat desperationem semper esse damnandam, atque Loya monet rationabilem desperationem reperiri in eo, qui de naturalibus diffidit auxilijs, & hic, si in Deo confidit, erit certè laudandus.

De Davide primo Regum cap. 24. Scriptura narrat eum desperavisse, cum putarat, se non posse effugere de manu Saulis. Alphonsus Tostatus duas ingeniosissimas pertractat quæstiones de tali desperatione Davidis, inquirens, num, & quando peccaverit David taliter desperando, & concludit eam desperationem peccaminosam hæud quamquam fuisse.

Valde damnanda est desperatio,  
quan-

quando quis de divino diffidit auxilio,  
 & exemplum præstitit nobis ex veteri  
 Testamento Cain, ex novo Judas, Di-  
 splicuit mage Deo diffidentia Caini,  
 & Judæ, quam fratricidium primi, &  
 proditio secundi,

Ex Caino de misericordia Dei  
 diffidente processit Cajanorum hæ-  
 relis, qua ejus impij sectatores defen-  
 dunt majores esse hominum iniqui-  
 tates, quam misericordiam divinam,  
 sed, & solet desperatio aliquando pro-  
 cedere ex immersione in lascivo amo-  
 re, & hæc certe mala, sed minor,  
 quam prædicta; ex hominis enim ar-  
 denti concupiscentia, & fragilitate  
 procedit is amor; sic de Pyramo, &  
 Thisbe narratur desperatos perijsse,  
 quia ex lascivo amore sese mutuò  
 amantes desperati periere, dum unus  
 credidit aliam a feris devoratam, alia  
 vidit occisum eundem, quem impie,  
 & lascivè adamabat,

Aliquando desperatio provenit  
 ex tristitia, & hæc plerumque est ma-  
 la



la, sed & aliquando excusabilis. Excusat eam Gregorius in libro moralium in Job interpretans in bonam partem, quod protulit Job, dum inquit, *desperavi, iam ultra non vivam*, quod exponit Gregorius advertens, quod iusti desperare sit idem, ac non sperare in temporalibus rebus, sed in uno Deo confidentiam omnem collocare, & talem censet extitisse desperationem Job, & revera id innuit David, dum dixit: Nolite sperare in Principibus, in filiis hominum, in quibus non est salus. Vituperabilis est desperatio, dum tristitia ex superbia, aliove injusto motivo originem trahit, quare Cleopatra, quæ mortuo Antonio aspidem brachio apposuit, & sic desperata mortua est, ne in triumphum duceretur à Cæsare, desperatione impia desperata, ut & Cato Uticensis, qui seipsum occidit proprio ensi incumbens, viso, quod Pompejus, cui ipse favebat, victus erat à Cæsare. Omitto Hispanos Sagunthinos, qui

qui se, sua pretiosa, & liberos igni dedere, ne in manus Pænorum, cum quibus pugnant, se darent. Quarta, & ultima causa desperationis Accidia, vel, ut vulgo dicitur, Accidia, dum nempe homines quidam in desperationem incurrunt, quia negligunt pia opera exercere, Deoque deservire. Legitur de Erisichtone, quod ob neglecta Cæsaris Sacra membra suimet devoraverit, atque corroserit in pænam cultus non dati Gentilium Deæ Cereri, & licet hoc inter fabulas reponatur, tamen voluerunt ipsi Gentiles per hoc indicare, quod qui Deo non præbet cultum, quem debet, in desperationem incurrit. Noscebant Gentiles, quod in Cælis regnet Sapiencia, quæ fortiter, suaviterque cuncta in terris disponit, sed decepti sunt ipsi Ethnici in hoc, quod Deum non verum adorabant, sed de hoc videatur Daniel Huvetius in demonstrationibus Evangelicis, vel in sua Mythologia Natalis Comes.

Ut

Ut medeamur desperationi impia, debemus in primis advertere, quod desperatio mala non tollat, sed potius accrescat, & certe conformitas voluntati divinæ est maximum remedium cōtra desperationem. Quippè deberemus à Gentili Epicteto doctrinam assumere, qua ipse Deo dicebat: *ducito me quodcumque volueris*, nec ipse mori, vel infirmari curabat, quia omnia sciebat à Dei ordinatione prodire.

Symbolum desperationis est mulier amicta veste colore nigello ad album declinante, quæ habet ramum cupressi in sinistra, & in terra circinum fractum: dicitur *colore nigello*, &c. quia vultus desperati languescit, & labia albescunt. Ramus cupressi apponitur, quia cupressus resecata non repullulat, & in desperato non regerminat spes; circinus fractus notat, quod ratio non moderetur spem.

Desperatos tandem vos velim, nempe in vestris viribus minime con-

Q

fi-

fidentes, sed in divino dumtaxat auxilio, memores ejus, quod dicit Chrysostomus homilia 68. exponens illud, quod meretrices, & publicani præcessuri erūt Israelitas ubi advertit innumeros Dei familiares ex peccatoribus effectos fuisse. Si ergo peccata, quæ nos tenent, ad desperationem invitant, clamemus ad Deum, *Deus meus, Deus meus, ut quid dereliquisti me?*

## C A P U T O C T A V U M

De Desiderio, & de Passione Christi Domini.

*Feria 6. in Parasceve.*

**N**on potest certe desiderium exprimi melius, quam per figuram sitis. Sitis quippe ægritudo est corporis, qua ventriculus humido carens potum desiderat, & non est inter desiderabilia quod magis à vivente desideretur, quam potus. Isaac Cardo-  
sus

sus benè impugnat Mercurialem dicentem à siti neminem extinctum fuisse, & revera ex omnibus tormentis, quæ Christus Dominus in Cruce sustinuit, maximum extitit sitis, unde de nullo conqueritur, nisi de siti, equidem dicitur Joannis 19. (ut legitur in feria 6. Parasceve, in qua currit sermo de Passione) *Jesus ergo sciens, quod omnia consummata jam essent, ut consummaretur Scriptura, dixit Sitio.*

Observat Joannes Ferus mysticum, & litteralem hîc exprimi sēsum. Litteralem loquutus est Jesus; dum sitim expressit; ratione enim sanguinis, quem fere totum effuderat, ob cruciatu, & dolores eximios, siti adeo audenti flagrabat, ut David nomine ipsius Christi prædixerit: *Adhæsit lingua mea faucibus meis.* Mysticum habes adhuc hîc sensum expressum, nempe desiderium salutis nostræ. Desiderabat mundi Salvator Diabolum vincere, & hominem de manu Dæmonis liberare, ut idem Jesus advertit, ac proinde

dixit, Sitio . Sitebat, & ipse novum bibere Calicem, quasi dixisset, quod si calix ille Passionis, quem biberat, non fatis fuisset ad humani generis redemptionem, ipse non renuisset nova pati tormenta, novum sumere calicem . Est à nobis quoque Dionysius Cartusianus, asseverans Christum nostram, tunc desiderasse salutem, & propterea suam sitim tunc declarasse, quæ maximum revera tormentum ex Nicolao de Lira, in glossa .

Meus est hic animus explanare, quomodo cuncta inter tormenta, quæ in sui Passione sustulit Jesus, primum teneat locum sitis illa, quæ declaravit, tum mystice, tum litteraliter, & ut ad rem nostram sermonem totum dirigamus, in primis advertimus desiderium omne bonum in Christi Passione explanari, & desiderium omne malum in ejus persecutoribus designari; quod, ut facile assequamur, cum Angelico monemus, peccatum quodcumque aliud non esse, nisi inordinatum amorem.

rem Inordinatus amor, seu desiderium propriæ excellentiæ est id, ex quo superbia dimanat, quin est ipsa superbia. Respice Christum Dominum in Cruce pendētem: vides eum non inordinatè propriam expetiisse excellentiam. Dixerunt impii Crucifixoꝝ: si Filius Dei es, descende de Cruce.

Qui humilitatem de Cœlo docere descenderat, de Cruce descendere non exoptabat, ad sui defendendum honorem. Lucifer, & Nabuchodonosor ad ima depressi, quia supra Dei solium se exaltare autumarunt, non ita Dominus humilitatis Magister, qui cum alium non haberet se exaltandi modum, humilitate in Cruce exaltatus exaltavit se ipsum, ut Bernardi utar eloquio. Didicimus ex Augustino in Psalmum 122. *Desiderio bono levamur ad Deum, desiderio malo ad ima deprimimur*. Bonum utique Christi Domini desiderium sitis fuit ipse, & id confirmat ipsemet Augustinus in Psal. 62. ubi docet, quod desiderium.

fitis est animæ.

Desiderium definitur à nostro Loya amor boni absentis, in quod appetendo tendimus. Bonus amor, boni absentis in Christo Domino fuit, bonumve desiderium, non ad honorem tendendo inordinatè per superbiam, sed solummodò ad salutem animæ nostræ. Bibimus pro salute aliorum aliis propinātes, ut inde explicemus nostrā fitim, nostrumve desiderium non aliò tendere, quam ad salutem ipsorum, quibus pocula bibimus, Antiqui bibebant tot ciathos, quot erant litteræ nominum Amasæ, vel Imperatoris, quorum salutem augurabant. Hinc Martialis libro primo.

*Nævia sex cyathis, septem Justina  
bibatur,*

*Quinque Lycas, quatuor Lyda,  
sed Ida tribus.*

Dicitur Nævia, sex cyathis, quia dyphthongus AE antiquitus pronuntiabatur per duas literas a e. Idæ nomen, quod in dato disticho Martialis  
hic



hic cernitur , dat ansam exprimendi desiderium Sanctæ Idæ , cuius annu-  
festivitas celebratur hac die . De ea  
refert Ecclesia , quod desiderio arden-  
tissimo Eucharistiæ adeo flagrabat, ut  
quandoque sanguinem fuderit ex ni-  
mio ardore , quem in corde concepe-  
rat .

Placet Tancredi sententia , quæ  
sustinet sitim nō modò ex ventriculo,  
sed & ex corde, & pulmone exoriri. Re-  
fert Galenus sitim aliquando ex cordo  
nimium calefacto exoriri; & ejus inter  
signa reponit respirationē eximiam ,  
Iracundiam, necnon audaciam . Hæc  
omnia fuerunt in Christo Domino, &  
in Ida, in cujus corde Sacra Stigmata  
Christus Iesus inussit; ea tamen, auda-  
cia, & iracundia quæ bonæ sunt, ut su-  
pra in de Audacia , & infra in de Ira  
fuit, & erit eloquium.

Non iratus est Dominus ex eo,  
quod nuditatem sit passus , non enim  
avarus, vel auri avidus, nec aliam desi-  
derabat vestem, quam habitum ipsum

virtutum. Unde non fuit ab eo exclamatum, quod se nudum videbat, sed bene tantum, quod siti erat oppressus: Virginem Joannem matri Virgini commendavit, & tunc Joannes recepit Christi matrem in sua, vel ut alii legunt, in suam; per hoc volens innuere, quod filius jamjam moriturus, non nisi de virginitate cogitans testamentum effecit, quo voluit, ut Joannes provideret de domo, & victu ipsi Virgini matri, & ex hoc bene intelligimus luxuriæ ardore Christum non flagrasse. Quid [dicam de gula? Sci-  
mus Evam peccatum per gulam primum in mundum invexisse, & hinc adversus gulam flagrans Dominus Jesus non aliud desideravit, quam vinum illud degustare, quod potius erat adversus gulam quam grande remedium. Fateor acetum solitum dari, ad hoc, ut laborantes recreentur, & ad vires refocillandas. sed, quod fuit præstitum Christo Domino, fuit vinum acetosum, non vero acetum.

Ta.

Tametsi acetum communiter dicatur, quod fuit Christo Domino prepinatum, quandoquidem sic verificatum illud Davidis, *& in siti mea potaverunt me aceto*, tamen cum Tirino probabile credo vinum illud fuisse acetosum, & profectò satellites in odium Christi Domini non attulerunt vinum myrrhatum, quod vires auget, & roborat corpus, neque acetum, quod ex Plinio est vitium vini, quod vertitur in remedia, quoniam infirmitates cohibet, refrigerat, & confortat, sed vinum acetosum nihil habet emolumenti, & solummodò est potio gulæ iniucunda, & stomacho noxia, ex quo eruere licet, quod ex maximis tormentis à Christo in Cruce toleratis tale fuit acetum, seu potius acetosum vinum.

Nonne poterat Dominus Jesus pristino vigori vinum illud restituere, quemadmodum laudata Ida acetum pristino vigori restituit, & cervisiam in vinum convertit? poterat sane, sed

noluit, & demonstravit sui tantummodo desiderium tendere ad bona æterna, & non ad illecebras carnis. Prava concupiscentia pomi mortem in orbem invexit; desiderium ligni vitæ, scilicet Eucharistiæ omne abstulit desiderium pravam, & vitam induxit, & inde concluditur Christi desiderium bonum, & ordinatum; desideravit tamē & Christus potum temporalem, sed solum, quantum satis esset ad gustandum, non verò ad bibendum. Gustavit Dominus, ne beneficium renuere, tamquam inurbanus, putaretur; sed renuit bibere, ne sibi acceleraret mortem, & ut inde dignoscerent displicere ipsimet crudelem adeò barbariem, laudato teste Tirino in Matth. 22.

Non fuit desiderium Christi Domini sui tantum tendens ad bonum, veluti solent invidi homines: quod, & demonstravit per hoc, quod videns Barrabbam dimissum, non ex inde contristatus; & latroni petenti veniam, veniam concessit, dum ait; hodie mecum  
eris

eris in Paradiso: eo ipso die in Paradiso fuit bonus latro, quare tunc gratiæ fluenta ex Divino fonte potavit, & ex sacro latere Christi Sacramenta manarunt, per quæ Paradisi apertæ sunt portæ.

Desiderium omne Christi Domini in Cruce pendentis bonum concluditur, & desiderio quietis æternæ, non verò otiosæ desidiæ. Accidiosi desiderio pravo tenentur, quo pigritiam solummodò amant; non ità mundi Redemptor, qui Psalmos recitavit adhuc in Cruce, quare censent Interpretes, quod Christus Dominus clamavit in Cruce: *Deus Deus meus, ut quod dereliquisti me?* Pervenerat enim post recitationem præcedentium in Psalmo ad illud Psalmi *Deus &c.* dum in cruce taliter exclamavit. Ità Tirinus in Mat. 27

Periit Sisara accidiosorum figura, dum dormiens, ac clavo per Yaelem confixus misere periit, dum nempe lac potans somnum obtinuit, eoque correptus in manus incidit hostis. Domi-

nus Deus aceto, vinove acetoso contentus, non somnū, sed vigiliam exoptabat, & per hoc nos ad desiderium omne bonum invitat.

Tenemur naturaliter desideriiis, sed non semper peccamus propterea, ut Augustinus adversus Julianum affirmat. Si velimus temperare desiderium fluctuans, Christum amplectamur halcyonem mysticū, juxta phrasim Berchorii. Ferunt naturales de halcyone, quod dum hæc avis in mari ova fovet, maris cessat tempestas, & in media hyeme per 14. dies tranquillū est mare, dum halcyon super ova incumbit. Mare magnum hæc vita est, hoc mare magnum, & spatiosum manibus davidica phrasi, & desideria terrena nos fluctuare desinunt, dum Christi desideria dumtaxat curamus.

Debemus, ut jumenta fieri apud Deum, desiderantes aquam mundam gratiæ salientis in vitam æternam; de h. m. enim jumētis David intelligebat, dum ait *expectabunt onagri* (idest asini  
fil.

filvestres), *in siti sua*. Quemadmodum desiderat cervus ad fontes aquarum, non curās apprehendi à venatoribus, ne turbidam bibat aquam, sed limpidas hauriamus aquas de fontibus Salvatoris pro nobis passi, nec imitabimur immunda illa animalia, vel homines, qui nascuntur in constellatione Saturni, nec dominantur astris; de iis enim Astrologi referunt, quod nonnisi immunda desiderant, & si nos tali fuerimus sub horoscopo nati, propriam ne sequamur inclinationem, seu naturale desiderium, sed solum Pauli Apostoli imitatores cupiamus dissolvi, & esse cum Christo. Sit ergo desiderium nostrum resurgere cum Christo, & compatiamur cum eo, ac propterea sit

## CAPUT

## CAPUT NONUM.

*De Spe, & de Resurrectione Christi Domini.*

*Pascha Resurrectionis.*

**S**pes est desiderium de bono futuro arduo, unde solum distinguitur à desiderio, per hoc, quod desiderium respiciat locum futurum facile acquirendum; Spes vero sit de bono futuro, quod de difficili potest haberi.

Spes Theologica est desiderium illud habendi bonum spirituale, & bona æterna, quæ de difficili obtinentur; Regnum enim cœlorum vim patitur, & violenti rapiunt illud. Spes verò passio sensibilis est ille appetitus, quo desideratur bonum sensibile futurum arduum, nempe de difficili consequendum. Marci 16. in Evangelio; quod recitatur Dominica Pasquæ Resurrectionis legitur, quod Angelus Mariæ Magdalænæ protulit, scilicet, *Dicite Discipulis ejus, nempe Christi, &*  
*Pe-*



*Petro, quia surrexit Dominus, & præcedet vos, in Galilæam, sicut dixit vobis.* Spem hic habes Theologicam, & spem passionem sensibilem inde adhuc doceris, quandoquidem vides exinde Mariam Magdalenam, Discipulos, Petrumque sperasse, & temporalia bona, & bona æterna ex Resurrectione Domini Jesu. Ne videar proprio Marte, aliquod fingere, & ut ad rem nostram applicem dicta, placet in medium afferre auctoritatem Tirini dicentis, quod Mariæ Magdalene Christus Dominus voluerit primum apparere, ut ipsa exinde speraret; quin Menochius censet, quod Petro potissimum nominatim facta sit revelatio, ad hoc, ut Petrus spem haberet, & de venia fiduciâ obtineret, & hinc factum est, quod Christus moneret per juvenem illum, qui Angelus erat, quod præcederet in Galilæam ipse Dominus, quemadmodum prædixerat eis. Præcessit Christus in Galilæam quia Galilæa ex hebræo vertitur revelatio, vel transmigrationa.

gratio, voluit idcirco in Resurrectione Salvator primum esse in Galilæa, ut se revelaret iis, qui transmigraverant de vitiis ad virtutes, quemadmodum Magdalena, & Petrus; Placet propterea Estii sententia, qua ipse putat probabilius esse, quod non primū revelatio facta fuerit Virgini Matri, ut aliqui censent; Virgo enim Mater Maria firmissima in fide, & constans in patientia non egebat tali revelatione, ut filii servaret amorem. Surrexit Christus Dominus in aurora, sicut Menochius affirmat, teste etiam Ambrosio in hymno, quem canit Ecclesia, *Aurora lucis rutilat*. Aurora est symbolum spei, eaque solet figurari spes; spes, inquam, cum veste rutilantis coloris, auroræ, & cum floribus ad indicandum, quod quemadmodum ex floribus fructus expectantur, sic è spe expectatur bonum possibile apprehensum, ut tale.

Ethica docet spem temperare, & tum Theologicæ spei, tum spei naturalis

rali modum imponere . Spes Theolo-  
 gica virtus à gratia supernaturali de-  
 pendet , sed & nostrum ingenium de-  
 bet servare regulas quasdam, ut talem  
 Dei gratiam consequatur. Ex ipsa Ma-  
 ria Magdalena sperare docemur, sicut  
 ipsa speravit; Emit aromata, ut unge-  
 ret corpus Jesu, nec voluit sola fide,  
 sed aromatibus operum salutare Dei  
 sperare; Quare impius Lutherus fal-  
 litur asserens sola fide posse hominem  
 justificari, & æternam vitam esse spe-  
 randam ab eo, qui solummodò credit.  
 Fides sine operibus mortua est, ut in-  
 quit Apostolus, sed hoc dogmatici vi-  
 deant . Nostrum est obiter adnotare,  
 quod & ipsi Novatiani hæretici errēt,  
 dum docent, spem nullam reperiri in  
 eo, qui post agnitam semel fidei veri-  
 tatem, peccatum aliquod perpetravit.  
 Spes est motus animi tendens ad id,  
 quod adhuc, quis non habet, sed expe-  
 ctat. Expectat Dei gratiam pœnitens:  
 Maria Magdalena ipsa est , quæ dixit,  
*Surrexit Christus spes mea, præcedet vos*

R

in

*in Galileam*, nempe in locum, qui interpretatur transmigratio, & licet septem dæmonia ex ipsa ejecerit Jesus, & consequenter illa dæmoniū habuerit, tamen speravit in Christum, & spes ejus non erat Dæmonium, velut Platonici censent, dicentes, quod quælibet passio sit Dæmonium hominem tentans. Spes non tentat, sed animum addit, & vires & quisquis spem habet, facile ponit media, ut bonum assequatur illud, quod sperat.

Effectus spei est media refarcire, & ponere, ac impedimenta dimovere, ut bonum quis assequatur, quod sperat, sed tota ratio regulans spem consistit in hoc, quod quis sperat speranda, nō speranda non speret. Bona fuit spes Petri, Mariæ Magdalenæ, Mariæ Ægyptiacæ, Mariæ Neptis Abrahæ Eremitæ, quæ post peccatum veniam sperarunt, & sunt assecutæ; quia per poenitentiam se à peccato mundarunt.

Augustinus in Ps. 118. dicit, quod vera spes sit ibi, ubi veritas est, & vana  
spes

spes sit sub sole, ubi vanitas est vana .  
 Ergo spes figuratur per puellam elatam, altis capillis, uno oculo in fronte, mammis nudis, cum cucurbita in una manu ; & per hoc significatur , quod spes vana sit inconstans , veluti ætas puellæ, sit superba , & superbis cogitationibus plena, lactet innumeros stultos; & veluti cucurbita crescit, & citò perit, ita vana spes citò oritur, & moritur citò .

Spes bona, & vera designari solet per anthiam piscem, sicut enim hic piscis fugat belluas marinas , & ubi ipse degit, est quisquis à belluis , & urinatoribus securus , ita qui in Domino sperat . Spes hæbraicè dicitur betac, & græca voce batac, nempè confidit ; quisquis ergo confidit in Domino, in pace in idipsum dormiet, & requiescet, scilicet in spe Resurrectionis moritur, ut Maldonatus exponit .

Ex his bene habes spem esse laudabilem, & Apostolos reprehensos, dū sperare destiterant ; quia enim dixe-

R 2 rant

rant, nos sperabamus, quod Christus Dominus à mortuis resurgeret, quasi dicerent, non speramus, à Christo Domino reprehensi, ut videre est in sequenti sermone, pro quo sit

## CAPUT DECIMUM.

*De Ira, & De Correctione fraterna.*

Feria secunda Paschæ.

**D**ixit Jesus Discipulis *ò stulti, & tardi corde ad credendum*, ut habetur Lucæ 24. & hoc ipsum est thema, quod Concionatores possunt assumere feria secunda post Pascha, & pro exordio ipsi uti valebunt Apostrophe ad Dominum Jesum sic alloquentes: Nonne tu es Domine Jesu, qui exemplum nobis dedisti, ut quemadmodum ipse fecisti, ita & nos faceremus? Ecce itaque reum gehennæ ipsemet judicasti eum, qui diceret fratri *fatue*, quod idem est, ac *stulte*? Nūquid, & teipsum reum gehennæ dicemus,

mus, qui dixisti Discipulis tuis, quos fratres non veritus es appellare, *ò stulti, & tardi corde ad credendum!* Dionysius Carthyfianus ænigma omne dissolvit: enarratum ipse sibi problema, proponit, & taliter ab illo se expedit: attendendus est animus, expendendus est finis; ex eo pensandæ sunt hominû passionēs. Quisquis ex ira iniusta fratri irascitur suo, eumque stultum appellat, is procul dubio meretur ignem æternum, at si quis iusta de causa fratrem nominat stultum, is nullo modo est ulla nota taxandus. Illud Davidis, *irascimini, & nolite peccari*, evidenter demonstrat justam quandoque iram esse, dum nempe non quis irascitur Deum lædendo, sed causam Dei assumendo, & pro ipso pugnando.

Adverte hic cum Tirino, quod ira debeat statim deponi, & certè Christus Dominus statim ipsam deposuit, nec stultos dixit Discipulos ex eo, quod non crediderint iis; quæ ipsemet dixerat Christus. sed quia non

crediderant Prophetis in omnibus iis, quæ locuti fuerant, esto Tertullianus adversus Marcionem sentiat esse legendum, *quia non crediderunt Christo*. Vulgatæ magis fides est adhibenda; sed etsi cum Tertulliano illud dicamus, semper tamen est verum, quod Christus non sui, ut hominis, sed sui, ut Dei causam assumens fuerit merito iratus.

Ira indita est à natura, ut avertatur malum, & irascibilis facultas ad concupiscibilem defendendam, & bene sentit Galenus neminem iram occidere, & quod ipse de occisione corporæ, ego de animæ occisione interpretari non dubito. Legimus homines plurimos ex ira esse defunctos, & hoc bene salvatur cum dicto Galeni, per hoc, quod ira à prudentia non regulata occidere valeat, non ira, quam prudentia regulat bene.

Valentinianus primus, Nerva Imperator, Mathias Corvinus Rex Hungariæ, & alii perierunt ex ira, sed ex



vitis ipsorum intelliges iras illas extitisse iniustas .

Hi sunt ii, de quibus dicitur in libro Job, quod stultum interimat ira. Ira quippè mala moraliter occidit corpus, & animam ; unde propositio pro nostro sermone, sive argumentum est: Ira perniciofa est animæ, & corpori, si sit mala moraliter , est vero utilis animæ , & corpori , si sit moraliter bona .

Introducatur ad thesim nostrā probandam per adnotationem iræ , quæ est peccatum mortale, & iræ, quæ est veniale . Ira est peccatum mortale, si est appetitus vindictæ iniuriantis desiderando , quod graviter puniatur iniurians, primò, qui non meruit punitionem . secundò, quando plusquam meruit ille puniri ; tertio, si desideratur, quod non à legitimo iudice pœna inferatur, quartò, si desideratur punitione, non ex ratione veri zeli, & iustitiæ; quintò, si sine dilectione Dei & proximi cum gravi damno iniuriantis .

Ira est itidem peccatum veniale, quando non appetitur pœna gravis. Secundo dum ante usum rationis, si non præbeatur assensus. Tertiò, cum ostenduntur signa quædam exteriora impatientiæ, ex quibus leve scandalũ potest oriri, & tandem singula illa, quæ à Theologis adducuntur ad dignoscendum veniale à mortali.

Ad indigitandum veritatem primæ partis assumpti satis est indicare, quod Christus Dominus impeccabilis erat, & tamen iratus eiecit ementes, & vendentes à Templo, quod certè nec veniale peccatum in ipso, qui ex solo zelo justitiæ ita fuit iratus, nec diceret David iratum Deum, si ira semper esset moraliter mala.

Lactantius Firmianus, Bernardus, Chrysostomus, Damascenus, & Basilus docent iram aliquando laudabilem, imo Augustinus dicit, ut & ipse Basilus, quod non irasci sit aliquando peccatum.

*Remissio* vocatur vitium illud, quo quis

quis non irascitur, dum debet irasci, & qui nō corrigit filiū, certè pius non est, sed tunc pius, cum irascitur, ei; hoc tamen intellige sano modo, ita ut limites correctionis non excedantur.

Ira solet fortitudinem sustinere, & virtutes omnes per iram exercentur, rationabilem tamen, & moderatam.

Symbolum Iræ Elephas est, & ipse met Elephas pietatis est symbolum, nam Elephas propria manu dimovet agnellos, oves, & arietes, ne sua mole opprimantur hæc animalia, & tamen cum Elephas provocatur, est ferocissimum animal. Annibal debuit quoddam tranare flumen cum Elephantis, & ut Elephantis flumen traicerent, iussit, ut quidam vulneraret Elephantum, & postea fugiente eo, qui vulneraverat, vulneratus adhuc flumen tranavit, & cum eo Elephantis omnes.

Narratis iis, quos stultos interemit ira, videatis eos, quos ex zelo Irani.

animavit ad Dei gloriam quærendam, in iis, quæ de fortitudine prænotavimus. confirmantur hæc omnia ex symbolo artificioso iræ, ex quo ejus effectus mirabiles eruis.

Depingitur ira accensa mulier, veste, & cute purpurea, cujus cervix elata, coma decompta, crines serpentine, frons corrugata, supercilia elata, oculi micantes, nasus acuminatus, labia albescentia, vultus horrens, os spumans, humeri lati, manus sese invicem percutientes. Hæc omnia effectus sunt iræ. hæc autem ira triplex est, nempe acuta, amara, & gravis. Acuta, seu fellea est illa, quæ prodiens ex felleis vaporibus cito irrumpit, & desinit cito; Amara, seu Ira, quæ dicitur mania, est diu manens, ex qua maniaci quidam effectus ad insaniam accedentes; Ira gravis dicta Cotus, seu furor insanix haudquaquam dissimilis extat. Vides ex iis è felle iram ortum deducere, hinc Poeta cecinit:

*Hinc quæ felle carent animalia ne-  
tisque possunt.* Ira-

*Iraſci, pacemque petunt, ac bella re-  
cuſant .*

Effectus autem maniacæ Iræ Ovi-  
dius deſcripſit, dum de tali cecinit ira :

*Candida pax homines, trux decet  
ira feras.*

*Ora tument ira, nigreſcunt ſanguine  
venæ.*

*Lumina Gorgoneo ſavius angue  
micant.*

In Epilogo ſermonis adferes cau-  
ſas iræ, eaſque adnumerato eaſdem,  
quas paſſionum immoderatarum, im-  
moderataeque ſuperbiæ memoravi-  
mus ſupra. Medicinas tandem illas ad  
medendum iræ colligito, quas ex hu-  
miditate opportunas conſaveris, &  
quandoquidem pax, ſeu amor oppo-  
nitur iræ, hæc ſatis ſunto pro capite,  
ſeu ſermone de Ira, nunc autem ſermo  
ſit, ſeu

## CAPUT XI. &amp; ultimum.

[ *De Amore, ubi innuuntur quedam de  
Tristitia, & de Pitthagorica  
disciplina.*

Feria 3. Paschæ.

**P**Acem Dominus Jesus fer. 3. post  
Pascha dixisse fertur Lucæ 24.  
dum stetit Jesus in medio Discipulorum,  
& dixit eis, Pax vobis.

Putant aliqui cum Cassiodoro  
pacem dici à parcendo, vel à pascendo.  
Vere qui pacem init, is parcere dici-  
tur, & pascit utique pax; oves enim  
tunc benè pascuntur, quando inter se-  
se jurgia non habent, & pabulum illud  
dicitur, in quo cum pace pecudes ipsæ  
pascuntur.

Jurisconsultus tenet in libro de  
pactis pacem dici à pacto; pactum  
enim initum inter duo pacem progi-  
gnit. Septimius Florenus putat pactū  
dici à pangendo; pangit enim, laude sve  
di,

dicit , & narrat de eo, cum quo pacem  
init amicus.

Panthea dicitur, quasi pan theos, à  
phanin , & theos, est enim quasi elo-  
quium Dei . Panthea fertur extitisse  
Regina quædã, quæ è morte mariti in  
exercitu Cyri contra Babilonem occi-  
si, se lavans in sanguine ejus, interfecit  
se ipsam .

Verius ergo crediderim pacem  
dici ab eo , quod quis pandere laudes  
velit semper amati, & id melius digno-  
scas ex amoris effectibus, quos in unũ  
colligere volui , iis , quæ hìc adnecto  
carminibus .

*Extasis, Unio , Languor , Dulcedo,  
Redamari,*

*Pugna, Dolor , Zelus, Laus, se post-  
ponere amato.*

Hi decem amoris affectus , à me  
metro compositi, adnumerantur à no-  
stro laudatissimo Loya , sed præter  
hos alii alios enumerant, quos uno ad-  
huc carmine concino .

*Effervesco, Frigor ; Liqueo, Influo,  
Adbareo, Lædor.*

In

In his omnibus vides eosdem esse pacis, & amoris effectus; quisquis, enim amat, in extasim rapitur; extasis enim significat extra se; & extra se, in corde nempe amati reponitur amans; unde proloquium anima magis est, ubi amat, quam ubi animat, & hoc æquè dicas de pacem habente cum alio, ut & in aliis, quæ subsequuntur.

*Unio* importat animi nexum, amantis nempe cum amato; concordia enim est, quasi cor unum efficiens, sicuti in Actibus Apostolorum legitur, quod credentium erat cor unum, & anima una.

*Languor* importat deficientiam corporis coram amato, unde Cantorum sponsa sustentaculum poscit, ad prospiciendum languori, quem ex amore conceperat, quod exprimit dicens, fulcite me floribus, stipate me malis, quia amore langueo.

*Dulcedo* ab amore causatur, cum nimirum labores amantis dulcissimi apparent, & qui amat non laborat, & quo



quo major est amor, eò minor est labor, ut ex Augustino didicimus.

*Redamari* denotat reciprocationem illam, quæ est inter amantem, & amatum, *amantem redama*, prisci dixerè indicando, quod ingrati animi vitium sit amantem non redamare.

*Pugna* est bellum illud, quod amas facile assumit ad vindicandam iniuriã amati, non enim quis potest amantem offendere, nisi & offendat amatũ; qua propter Jonathas se offensũ censebat, dũ videbat offensum Davidem re, & nomine amatum, David enim interpretatur amatus ex hæbræo, & erat David Jonathæ amatus: non potest, qui lædit unum, non alterum lædere.

*Dolor* maximus viget in unoquoque, qui amat amore illo, qui passionis inter adscribitur, de quo præsens est sermo; si enim absit amatus, dolore corrui amans, qui dolorem percipit, quoque, cum amans est præsens; cogitat enim non semper fore se præsentem amato.

*Ze-*

*Zelus* est Zelotypia, quam amans habet, ita ut zeleatur honorem amati, & pro zelo illius sui exponit interdum vitam.

*Laus* est encomium illud, quod amans semper pangit amati, de quo semper eloqui vellet, unde Schrevelius cēset in Lexico græco, quod amor græce dicatur eros ab iro græca voce, quæ significat dico, nā vellemus semper aliquid dicere de iis, quos amamus.

*Se postponere amato* est maximus amoris effectus: Philautia namque, seu amor sui est ita naturaliter inditus homini, ut nonnisi, dum amore quis maximo erga alium flagrat, ei se postponit amato.

*Effervesco*, febrim illam designat, quam amor gignere solet, & Antiochus Seleuci filius passus est eam, dum videns Stratonicā novercam ejus, taliter accensus est, ut jam videretur mori; quod agnoscens Erasistratus Medicus curavit, ut Antiochus haberet

pon-

sponsam ipsam novercam. Hæc febris est illa, quam luxuriam dicit Ambrosius, & ab amore originem habet.

*Fruor* importat fruitionem illam, seu delectationem, quam amās reperit in amato; & certè, si Theologi docent fruitionem, & beatitudinem in visione salvari, non alia quippe fruitio, quam in videndo amatum, & idcirco Absalon, cum dixit Pater ejus, quod ex eo quia defecerat ab ipso, volebat, quod non faciem videret ipsius, dixit se malle interfici ab ipso Davide, quā faciem non videre amati Patris, sive Davidis.

*Liqueo* significat liquefactionem illam, quæ quandoque contingit amanti, & quod fabulæ notant de Narcisso in florem mutato, designare intendit, quod Narcissus sui amore se in fonte prospiciens, liquefactus sit in florem mutatus.

*Influo* significat influxum illum, quem amans habet erga opera amati, & hoc docemur ab historia Moyſis,

S

qui

qui dum amore Israelitarum elevatas manus habebat, victoriam influebat ipsi Israeli,

*Adhæreo* declarat, quod proprium amoris sit facere, quod amans amato adhærescat, & Dionysius lib. 4. de divinis nominibus definit amorem vim quandam qua amans adhærescit pulchro, vel bono.

*Lædor* denotat læsionem, quam percipit in amato amans; non enim quis amat amore animali, nisi sentiat passionem quandam qua se læsum, & debilitatum agnoscat.

Remanet ergo, ut explicemus, quid sit naturalis amor, quid animalis, quid rationalis tandem. Naturalis amor est inclinatio ad sui perfectionem; quæ reperitur etiam in lapide amante centrum, in magnete attrahente ferum, in electro paleam assumentem. Animalis amor est inclinatio, quam sensitivi habent erga bonum sensibile, de quo modo discutrimus, & hic amor est etiam laudabilis, dum est bono

bono ex fine, & moraliter bonus; moraliter vero malus, dum non ordinatus, seu finem rectum non habens.

Amor denique rationalis est amor erga bonum honestum, & hic amor est amicitiae, de quo supra, cum de amicitia sermonem habuimus.

Hos præter amores Augustinus lib. 14. de Civit. Dei cap 28. duos alios assignat, videlicet amorem Dei, qui ædificat Civitatem Dei, quando amatur Deus usque ad contemptum sui, & amorem sui, qui ædificat Civitatem Dæmonis, quando quis amat seipsum usque ad contemptum Dei, & ipsemet Aug. in Psam. 64. dicit, quod amor Dei ædificet Civitatem Jerusalem; amor verò sui ædificet Civitatē Babylonis.

Jerusalem vertitur Civitas pacis; Babylon interpretatur confusio; cum ergo amaverimus Deum, tunc in Civitate pacis æternos ducemus dies: cum nos ipsos amaverimus, apud inferos, in inferno, ubi nullus est ordo, sed sempiterna confusio, æternam degu-

stabilimus mortem : Pax ergo sit vobis, non pax, quam  
 dat mundus, sed quam Christus dat  
 nobis; est enim pax non mundi, quam  
 dat Christus. Pax Christi est ea, de qua  
 scribit Isaias cap. 57. Pax non est im-  
 piis. Certe dat pacem Episcopus, qui  
 est Vicarius Christi specialis, ut notat  
 Hugo de Sancto Charo in cap. 24. Lu-  
 ca: hæc eadem pax non est pax im-  
 piorum, sed pax, quæ datur homini-  
 bus bonæ voluntatis. Pacem ergo do  
 vobis, pacem meam relinquo vobis,  
 dicit Dominus Deus, & bene dicit  
*meam*, ut inde colligeremus pacem,  
 quam ipse donat, vel quam dat nomi-  
 ne ejus Episcopus dicens, Pax vobis,  
 non esse pacem illam, quam stulti di-  
 cunt pacem, cum non sit pax. Pax à  
 Deo originem trahens non habet pro  
 sui causa bonum inhonestum, sed Dei  
 voluntatem, & hinc habes causas amo-  
 ris multiplices esse. Si enim amor est  
 bonus, esto sit amor sensibilis, causatur  
 à bono honesto, v.g. ludere, ut possis se-

riò agere, spectat ad Eutrapeliam, & à bono causatur sensibili, seu à sustentatione propriæ vitæ.

Alia, & quidem principalis causa amoris animalis est Deus, qui indit animalibus amorem, ut conservarent vitam, & per generationem speciem perennarent.

Præterea societas in professione causat amorem; sed vulgus, quin sapientes, ut plurimum moventur muneribus ad amandum, quare Poeta.

*Munera: crede mihi, placant hominesque, Deosque.*

*Placatur domus Juppiter ipse datis.*

Et alibi.

*Quid faciet sapiens, si placant munera stultum?*

*Ipse quoque accepto munere mitis erit.*

Proverbiorum 19. & 22. pariter monemur munera capere animam accipientium, & quod multi sint amici munera dantis, & Tacitus libro 2. historiæ testatur, quod munificen-

tia sit munere grata.

Causatur denique amor ab ipsa Urbanitate, de qua dicit Euripides, quod plurimum habet lucri, & pusillum laboris.

Remanet pro coronide eorum, quæ pollicitus erat hoc in Ethicæ cursu sapientissimus Loya, aliqua degustare de Pythagorica secta, & item de Tristitia sigillatim peragere, ultra ea, quæ memoravimus supra, sed non recedendo à pace, & in amore ipso permanens, addam quicquid ad utrumque conducit.

Remedium contra impurum amorem potissimum à Pytagora censetur esse à piscibus abstinere, nec non à fabis; & variæ sunt expositiones huiusmodi Symbolorum, sed quoniam Quadragesimale tempus pertransiit, non expedit piscibus vesci, sed eos delibando dicemus cum Gregorio Epistola ad Augustinū Britānorum Præsulem, quod ab Ecclesia in jejuniis permittatur esus piscium *ad solatii condimentū,*



*non ad libidinis accensionem.* Pisces ut-  
 potè in falso elemento degentes, sala-  
 cem libidinem excitant, ac propterea  
 Poetæ fixerunt Venerem natam ex  
 mari. Esus ergo piscium in Quadrage-  
 sima debet esse parcus, ut de Pytha-  
 gora legitur, quod ipse non modò à  
 piscibus abstinebat, sed vix pane, aqua,  
 & oleribus victitabat. Abstinebat &  
 ipse à comestione fabarum, quia fabæ  
 inflant, & sic Venerem movent; unde  
 fabæ aliquando in sanguinem vertū-  
 tur, si sine cortice cum aqua aliquan-  
 diū servantur debita forma à medicis,  
 seu naturalibus præscribenda. Sunt et  
 maximi nutrimenti fabæ, & hoc ipsū  
 libidinem fovet.

Ut aliquid de tristitia breviter  
 exponamus, ipsis fabis notabimus vim  
 inesse tristitia somnia mittendi, & quia  
 sunt melancholicus cibus, voluit Py-  
 thagoras, quod ejus discipuli abstine-  
 rent à fabis, eò vel maxime quia in-  
 genium ipsum debilitant.

Tristitia autem maxima excita-

retur, si in iis immoraremur; ac propterea satis est adnotare, quod oppositorum eadem sit disciplina, ac proinde causæ, effectus, & similia, quæ de delectatione commemoravimus, inducunt in cognitionem tristitiæ ex adverso oppositæ illi, & ne gaudium vertatur in tristitiam, tristitia vertatur in gaudium.

Gaudium maximum erit pacem vobis annunciare, vobis, qui permansistis in tentationibus meis usque in finem. & si Angeli cecinere, Gloria in excelsis Deo, & in terra pax hominibus bonæ voluntatis, ego dicam pax vobis, qui bona voluntate prædicti estis; licet enim apud veteres fuerit in controversia, num legendum fuerit, *Pax in terra hominibus bonæ voluntatis. vel & bona voluntas*, Origenes controversiam omnem abiicit puncto subscripto sub littera *a* in *Eudochia*, quod enim in græco textu habetur, *che'epigi Erini, en antropis Eudochia*, ubi dictio *Eudochia* poterat verti, tum

in

in primo, tum in tertio casu, apponendo punctum subscriptum litteræ a denotavit Angelos annunciasse pacem hominibus bona voluntate; tertius enim casus græcorum sexto nostro respondet.

Pacem ergo vobis relinquo, quandoquidem in vobis bona voluntas, & bonus amor metempsicosim invenit, quæ verè non est fabulosa, si sano intelligatur sensu; si enim velimus credere Charamæli totis viribus in sua Philosophia probanti; quod Pythagoras fuerit Ezechiel, vel Alexandro Polytori de symbolis Pythagoricis, asserenti, Pythagoram fuisse quendam discipulum Ezechielis, dicemus, quod transmigratio Pythagorica, non sonet animam ab uno animali in aliud transmigrantem, sed bene animam ex amatis corde in cor transmigrantem amantem; Anima est magis, ubi amat, quàm ubi animat, ergo amans est in amato; & si amans jam transmigraturus mori erit, ex amatiû cordibus in cor trāsmigretis amati. Dicebam ex tempore.

A01 1454478

